

同治上海縣志

卷	卷	卷	卷
游	藝	人	人
寓	術	物	物
二	二	二	二
十	十	十	十
三	二	四	一

ル 5

1692

10



1692
10



同治上海縣志卷二十

人物三

國朝上

李雯

曹六龍

孫士範

沈朋

張必榮

夏汝法

王日旭

張勃

朱在鎬

弟六韜

子大經

孫從教

子廷彥

父觀光

孫大經

唐姚端

張至大

陸恆穎

孔貞明

高維岳

吳中毅

丁務輿

唐汝琰

曹垂璨

孫聲傳

弟至剛

從兄宏濟

父恩

子守安

子士龍

孫九齡

時琳

曾

王承庚

朱紹鳳

吳定

張天培

張錫懌

朱錦

施維翰

陸鳴珂

閔峻

趙子瞻

葉映榴

喬世埴

沈沐

劉浚之

陳王陞

張學祭

張德符

丁文揚

姚繼禮

陳邁

王大綬

顧用楫

李价瑩

張憲

葉正源

黃中理

張國臣

王繼鏊

張宸

楊文蔚

曹泰曾

鄔景超

張集

郭世傑

胡永祚

周金然

俞九思

張有榮

沈廷珺

張亨

金銘

蔡之筆

彭喬年

嵇爾瑛

張燧

顧棨

張燧

范箴

上海縣志 卷二十一 二

父在簡 孫家爽

從父積祥

從子惟訥 惟訥 弟鳴球 從曾孫裁

從弟鏡

子勇 從子芳 孫鳳

毛 從子永年

從弟烈

從弟炯曾 子聶

宏 培 選

祖尙文 父洪

從孫端木

孫存敬

孫應元

族掌露

從祖國珍

子慶立

范青

蔡湘

徐允哲

張永銓

何元善

周彝

王鎬

徐國埏

沈式颺宗大賢

凌如煥

潘牧

王俊臣

吳廷璧

張玠

瞿王基

閔澤

倪景元

費明啟

吳燧

華士禧

山封金

胡伯佐

王銘

張君美

閔連

包爾純

華謙

王肅

朱霞

徐甯

顧成天

王明智

徐禔命

曹炳曾

張泌

周銓

閔印銘

王雲瞻

顧德炳

金鶴

張於詩

莊天瑞

王翼彝

孫韞

曹立

唐班

國朝上

上海縣志

卷二十一

三

祖其言 兄用烈 父昌祚

子培廉 從子培年 從孫洪集

弟承先

子洪範 曾孫春元

子吳瞻 孫箴 子履豐 孫湛恩

弟國城 學柄 國城子日華

凌式颺

宗大賢

張德基

祖陸良

李雯字舒章逢申子雯少以文章名甲申三月父死難雯哀號行乞得具棺斂朝夕捧壺漿跪奠哭不絕聲餓且病氣息奄然守父棺不去 大兵定京師內院大學士憐雯孝奇其才薦授宏文院撰文中書舍人乙酉充順天鄉試同考官丙戌請以父喪歸葬旋卒道光十八年得 旌祀孝悌祠所著見藝文

唐姚端字震陽族譜載本陳氏子甫生喪母同里唐信字收育於姚氏故從唐姓而以姚名事父

孝歲饑煮粥以食餓者設義船於永濟渡往來便之舉鄉飲

賓五世同堂乾隆間祀孝義祠三子尊庠生庠姓仗義好施

亦舉鄉飲賓四子華博雅能醫孫聲傳字廷一廩貢生著廷

一問詩古文詞各集精研理學陸清獻隴其器重之時琳字震枚以歲貢授江甯訓導飭躬訓士捐俸修明周貞毅公祠

卒後江甯人即附時琳於周祠著有學庸集說詩經正義曾

孫廷恒考授府經歷孝友仗義有金陵商寄銀不至即以捐

助育嬰堂仍書商之姓名方沂字掄三由華庠增監入都應

館差古今圖書集成成敘知縣著有青藜餘照惘惘等集千

頃字桐園監生好經術著書二十種其周易詮義禹貢圖書

指掌毛詩粹腋沈德潛皆序之又有子學類要等書通岐黃

術輯大生要旨行世七世孫家棟家榮家榘等皆以文學世

其家家棟著有汾園詩詞稿家榮貢成均家榘登賢書案前

端依通志列前明今考族譜生於明萬曆其舉鄉飲賓在國朝康熙間故移併後裔各傳之首

曹六龍字君升號南國裕子事親能色養讓產諸弟無所私

與人和易不逆億嘗曰奈何待人以不肖年十三即善屬文

久困諸生授徒登科第者甚眾郡縣累舉鄉飲賓第六韜字

君畧太醫院吏目貫徹醫理屢起廢疾少嘗於逆旅拒奔女
年七十餘亦舉鄉飲賓子垂雲字天翼府學生弟多男代育
之既長授田歸之有戚家緣事被逮罄貲直其冤義聲震閭
里六龍子垂璨自有傳

張至大字伯宏家有百人同爨時比之公藝弟至剛字君毅
年十八代兄任北運役同役胡中舟沈被繫傾囊貸之崇禎
十四年饑出粟募夫濬洋涇海塘新港代賑所活以萬計康
熙八年饑至大捐租五百石賑之里人某鬻女償貸代之償
而返其券山右王晉客死為具棺斂召其子至津遣之病置
酒招親黨命子永吉悉焚通券薰沐而逝府志附載同時項
廷銓亦以義行稱
孫士範字洪脩幼失怙孝養寡母五十餘載喪葬盡禮撫從
子如已子歲饑出粟賑濟穿義渠修學宮三黨待以舉火者

甚眾明崇禎末巡按周元泰題給冠帶入 國朝舉鄉飲賓

卒祀鄉賢子大經國子博士有孝行邑令王挺旌之案士範
府志入

明今以 國朝舉
鄉飲賓故從前志

陸恒穎文旺十世孫也家貧篤孝母梅氏病絕粒數日恒穎
割股和藥以進尋愈從兄宏濟字天如世居坵石橋精醫其
父廷相以族難出亡宏濟覓親五載無踪乃以衣冠窆妻亡
不再娶刊先正訓典鄉約諸書遺金者再道光十八年恒
穎得 旌祀孝弟祠宏濟祀南邑孝悌祠

沈朋慷慨好施歲饑出粟賑貸後悉焚券終無德色子製僉
運京漕米蕩散夜泊黃河忽一舟呼救舉米盡實製舟及旦
物色前舟不得卽以其米補之人謂好義之報孫從教以孝
聞亦能賙卹親黨

孔貞明

府志作民

至聖六十三代孫事父母及後母篤孝親喪廬

墓三年有哀烏集木道光十八年得

旌祀孝悌祠子尙贊

孫允貞世守家法孝行不衰並附祀孝悌祠

張必榮字季華歸安人鼎革時奉母梅氏避亂遇盜母子赴

水藉枯木浮至閩行遂家焉梅喜食韭必榮種韭養母人呼

其里爲韭菜街卒附祀孝悌祠

高維岳周浦人父恩好義樂善明萬歷十六年歲稔作糜賑

饑十九年海溢收葬溺屍又重修鄉約助造濟農倉破產不

惜維岳幼有至性父病危顛天求代割股以進奉母如父親

歿後各廬墓三年卒祀孝悌祠子象辰庠生孫廷亮康熙五

十年舉人同時又有杜啟賢者臺使並旌爲孝子

夏汝法本上虞人遷邑事父母盡孝順治六年大疫至冬不

已一門染病母思生魚汝法扶病冒雪求得以供母妻何氏

憫姑齒落以乳哺之子廷彥割股以瘳父疾邑人目爲世孝

道光十八年汝法獲旌祀孝悌祠廷彥附祀

吳中毅字遠公周浦人操行醇謹嘗析已產以推兄弟同里

貧不能娶者完其姻鬻妻者贈金全之友人質田不能償還

其契卒祀鄉賢子銓官廣西養利州知州康熙五十六年假

歸捐修本邑學宮官至江西吉安府知府後遷居蘇州

王日旭字東自諸生父觀光雷波通判順治初以華亭陳子

龍獄逮繫江甯日旭草行露宿乞食以進會省釋負父歸孝

養終老孫大經字理緒孝侍寡母並以義行稱道光十八年

得旌祀孝悌祠大經附祀

丁務輿周浦農也嘗路拾遺書及金知以父病假貸者亟還

之不告姓字又於市拾數十金揭字通衢訪遺者莫秉清為作還金記子守安孝而樸順治十年母諸氏病割左股愈母踰年務輿病復割右股療之壽各八十餘兄弟四人友于無問壯年喪偶終身不娶孫九齡字壽徵早失怙恃以不獲奉養為恨更名陟思好調濟家遺米三百石盡以施貧守安道光十八年得旌祀孝悌祠陟思附祀

張勃字伯涵順治二年土寇亂父年九十餘臥不能起寇至欲殺之勃以身捍父賊感其孝獲免先是董象恒開府兩浙延入幕象恒所著績勃謀居多道光十八年得旌祀孝悌祠子天臣孫以恒曾孫希岳皆好義工詩文

唐汝玫字次仲繼祿從孫為諸生以經濟自任明崇禎十二年舉人試禮部不第乃徜徉山水間嗜酒好客康熙癸卯授

湖南常甯令未赴卒子士龍孝友能詩文

朱在鎬字周望自號拜石老人長世子在鎬明崇禎十五年

舉人國朝任廣西推官有賢聲曾以三千金贈貧友歸田

後宦橐蕭然日與曹垂璨張錫懌董酬唱有句云蹈道固所

安能貧又奚慕可以想見其人從兄在廷字顯之崇禎六年

舉人國朝授河間府推官府志作河南府以廉直著曾孫同煥字

明章精於醫

曹垂璨字天琪號綠巖六龍子少穎異嗜學順治四年進士歷

令藁城遂安所至有惠政遂安故巖邑盜聚山藪間為亂垂

璨曰若輩迫飢寒耳豈真不畏死耶從數役徑詣賊營諭以

威福皆羅拜乞降盡貫其罪歸田後手不釋卷康熙癸亥修

邑乘著述見藝文生平篤友愛睦宗族人無間言順治間海

寇犯境總兵王燦誣民通賊欲屠之垂璨泣告縣令閻紹慶及蘇理刑楊昌齡願以百口保之並與紳士固請於撫軍乃得免卒祀鄉賢

王承庚字丕佑原姓羅航頭人天性孝友耿介不欺暗室嘗館鶴坡孔氏夜有女子奄至叱之忽不見以順治五年副貢授朝邑令有惠政遷滄州知州晚年栖心禪悅為邑耆宿卒祀鄉賢子輅廩貢生望江教諭

朱紹鳳字儀聖號高庵新場人父雲昇字奉璇醇謹篤實卒祀府學鄉賢紹鳳順治六年進士除臨縣知縣有惠政擢居諫垣直言敢諫時江南漕事大壞按臣秦世楨題請官收官兌每糧百石加米五石銀五兩以為兌軍之費後民間所費百石至數十金紹鳳疏請申明舊制惟於五兩之外復加五兩

著為定例此外軍有勒索官有增科皆以三只從事會巡按御史馬騰陞亦力為振刷民困始蘇後因疏救周亮工降謫建甯司獄又以別案被誣見逮比得白還卒兄紹夔紹鵬並有聲於時從弟紹謨字銘範幼失恃事後母以孝聞家貧負土葬親致埃棄書學圃築梅花別塢課耕織於中時紹鳳在諫垣紹鳳子廷獻又領順治庚子鄉薦而紹謨謹飭奴隸弗與外事兩舉賓筵謝不赴性耿介善規人過里中嚴敬之所著見藝文案雲昇據南志增子孫在分縣後者不載

吳定字淡庵北蔡人順治八年以貢除陝西澄城令府志作五年額時盜賊充斥逋賦日積九年凡十易官定務以德化民計擒賊首勸農墾荒建水東書院以課士歷攝韓城邵陽俱有惠政內遷行人四為詔使擢刑部郎中校正律令出督夏

上海縣志 卷二十一

詔使擢刑部郎中校正律令出督夏

詔使擢刑部郎中校正律令出督夏

詔使擢刑部郎中校正律令出督夏

鎮河工增築河堤著河渠志子開封字受之以貢授大理府同知子璵官彭水縣知縣

張天培武裔孫順治八年恩貢為陝西韓城縣丞康熙十四年二月守將李師膺殺合翟世琪據城叛天培時解蜀餉歸

聞變星馳抵韓或尼之曰殉封疆我分也賊環白刃脅之不為屈以計給賊出城乘間請救兵至乃解韓人德之後遷平

遠令從父積祥字香巖前志作巖才氣恢詭著述甚富存者為芥舟小草詩撮年八十餘卒

張錫懌字越九號宏軒元玘孫父在簡字可伯號杆山諸生有名好義工詩文順治初舉孝廉方正錫懌順治八年舉人癸巳

海警巡撫中蜚語闔邑將懼不測抗辨之十二年成進士試身言書判第一授泰安州知州州有捨身崖愚民往往投其

中甫視事即禁止廣學舍減香稅清逃人復四氏學會校秋闈以元卷改字被議歸方任地方公事康熙七年巡察使議

塞界河三處防海胥役將徧杜支河極言其害川沙南匯歲派民修城堡廉知營戍為奸白之當事獎亦絕所居默雲閣

著書其中病篤時故友大名推官陳朗撫床哭曰吾賴子以活子死誰殯我者錫懌命孫家爽出篋中金贈之弟錫忱字

斐九為名諸生鏜字如九號蓬園貢生以書學兼優薦授中書直宏文院遷國史院撰文擢開化同知有惠政秉裕字蕃周

考授州同前志斐九名銘官州同今據張氏家譜正之孫家爽字荀六康熙乙酉副貢貧而好義嘗卻暮夜金官蕭縣教諭重建學宮立義學

以植行聞族孫熙純字策時號少華事母孝意氣疏豁為名諸生舉乾隆二十七年順天鄉試南巡召試授內閣中書充

方畧館纂修著有華海堂集

范志辟薦表有張家鑑字士淵以薦授武英殿纂修選江西

朱錦字天襄周浦人祖永泰見前傳父維垣字伯師天懷坦

率不設城府里中有一門種德三世傳經之譽錦天資醇謹

砥礪名節為諸生即以文章雄視儔輩順治十六年會試第

一有雷震東門選庶吉士益肆力經史服食不異寒素辛丑

同考禮闈旋以母老乞歸杜門卻掃年五十四卒祀鄉賢

云初錦將應會試適里中貧民鬻其未婚媳於伎家錦聞急持金贖還或謂如資斧何曰我行可緩此女一去即墮落矣

曉粧泫然出涕詰之日氏父與翁俱叨甲榜曾祖亦會元蓋吏部慎行子婦進士衍慶女也亟厚贈進士衍

施維翰字及甫山號研順治九年進士除臨江推官以最擢職

方主事歷山東道御史疏言察吏宜先大員鎮帥衰庸者宜

糾州縣供給胥吏誅求宜禁均議行康熙八年掌京畿道請

減蘇松浮糧劾偏沅巡撫周召南閩督劉斗浙撫陳秉直罷

之請用科道二人專理鼓廳事十八年巡撫山東舉廉吏陳

文學周根邵等俱擢臺諫二十一年授浙江總督前督參滿

軍鼓噪事墩鎮二百餘人半載維翰即日讞多所平反明年

調福建二十三年卒於官得操履清慎實心任事之

旨賜祭葬諡清惠建特祠於郡東門內仍祀鄉賢從子惟訥

前志稱從子字予憲號愚康熙三十九年進士令蘭溪著廉

斷聲再任山西榮河縣遇大饑不待報即以帑賑或阻之惟

訥曰為民請命雖獲譴奚卹時朱文端軾撫晉特重之以卓

異薦擢大同知府卒於官惟訥子念祖字聿修號新由貢生

授湖州府通判次光祖字煥之監生工詩文楷法好遠遊有

上海縣志

上海縣志

上海縣志

上海縣志

上海縣志

上海縣志

上海縣志

上海縣志

上海縣志

上海縣志

征雁詩為沈德潛所賞念祖子潤字澤寰號秋水幼孤事後母

沈以孝稱列女由副貢充教習旋中乾隆三十七年進士以

母老就鳳陽府教授逾五年以母喪歸主講敬業書院所著

並見藝文潤子承梁號子香邑諸生善詞賦隸書與修嘉慶志

前志遺事載維翰丁艱歸適閩船戶與里民械鬪翰率健卒

乘馬張總督街燈夜至浦濱植竿懸一桶若梟首狀令人謂

之曰若等強梁應盡殄滅今從寬典已誅首惡餘弗問事遂

解人服其應變才又云施氏世居牯港南志備詳維翰以華

亭通籍惟訥念祖以婁

縣通籍而潤仍邑籍

陸鳴珂字天藻號次山祖明允見前傳鳴珂天資高邁自幼力

學順治十二年進士歷揚州常州府教授補國子監監丞擢

戶部郎典試四川三充會試同考提學山東分治高堰河工

以布政司參議致仕所著見藝文兄鳴玉弟鳴球俱有文名

鳴球字文中日事編纂闡二氏最力時稱三鳳云子瀛萼字

秋谷有奇才雍正癸卯薦元不售遂棄去與樓儼周銓相唱

和尤喜賙恤己丑壬子先後出粟賑饑鳴玉子瀛亮字熙載

中雍正七年舉人居以詩文名瀛亮子秉紹字繩山乾隆

十五年副貢子栽字懷英諸生精研程朱之學所著並見藝

文栽孫增蘭字谷芳廩生品學醇邃長詩古文詞并工書增

蘭前志附陸琳傳今據陸氏

譜栽係鳴玉孫故移正之

閔峻字山紆號筠庵其先由烏程遷居新場峻幼孤事母至孝

博通經史與王光承兄弟契交順治十一年以選貢令盧龍

縣廉明仁愛康熙九年擢職方主事十年督稅嶺南乞假歸

峻恬靜方嚴不以片楮干當事所著見藝文卒祀盧龍名宦

從弟鏡字壽先附監生存養貧姊有友寄宦橐歿後歸之封

識如故卒年九十四峻子璐以貢生銓州同瑋康熙十四年

舉人皆工詩文孫為輪字萼池號環少以詩文馳譽都下甥黃知彰刻其集為望康熙五十二年舉人任富陽知縣為鈺工吟咏以善畫名

趙子瞻字半眉父東曦見前傳子瞻幼孤力學通經史及天文地理諸書順治十四年登鄉薦覆試備諸體置上卷十八年成進士授推官後免歸閉門課子以詩書自娛子維宗維圭維炎皆能文

葉映榴字丙霞號蒼巖有聲子順治十八年進士授庶吉士轉禮部郎康熙十四年權贛關值吳逆亂守險要撫流民保贛無虞二十四年授湖北糧道會裁總督缺并裁標兵楚兵素剽悍有夏逢龍者尤桀黠裁檄下向巡撫索月糧不得遂聚謀山中將為亂武昌同知某倡議捕賊眾怒露刃入轅門映

榴急入白請撫之巡撫出眾語不遜詈曰若欲反耶眾揮刃曰反也奈何逐巡撫逸去映榴冒刃前論以朝廷威德不應擁歸逼從逆瞋目叱之欲奪刃自刎賊大呼曰殺好官不祥以兵環之巡撫既遁餘或亡或降賊勢大振映榴困孤城中誓一死念老母無所託顧其妻陳氏曰以付若遂令陳奉母易服遁出曰我乃今可以死矣即繕遺疏北向九拜升公座罵賊自刎瞋目良久乃瞑賊大驚羅拜而去疏聞

上震悼贈工部右侍郎子祭葬廕一子明年南巡御書忠節以諡之今祀忠義祠並祀鄉賢長子萼字來青諸生以難廕補荆門鬱林州知州調永康時大容山土賊劫掠遣卒討捕縛其渠餘黨悉平居民失火焚官廨吏請如故事加耗粵弗許以已資新之內遷員外郎擢沂州府知

府罷歸以善書稱卒年八十一次子芳字洲若諸生亦以難
廕授蔚州知州內改員外未補以疾歸讀書靜坐以必信必
果自繩顏其齋曰硜硜季子房字沛臣諸生工翰墨孫鳳毛
字超宗房子嗣勇後雍正八年以忠節子孫 召見授內閣
中書轉典籍尋引疾歸嗜古力學兼精書畫一時碑版誌銘
多出其手著有說學齋稿從子永年字丹書少有文名游京
師有以鴻博薦者舉友自代選授贛榆訓導不赴著有玉壺
詩鈔從孫棠字召南康熙五十三年舉人前志遺事載映榴
中博學嗜古著詩詞四千餘篇圍餘雜說數卷尤多精語年
七十七猶劇談善飲惜以貧賤老黃之雋贈以詩曰詩四千
篇書數卷不知誰與作桓譚
喬世埴字子方號遺年十三補博士弟子員工詩古文詞尤
精八法當湖呂濬襄陽方岳貢咸器之為幾復二社耆宿九

試不售築西郊秋爽園嘯傲其中順治十五年以歲貢廷對
未官卒所著見藝文

沈沐字雨臣周浦人順治十七年副貢為文高古窮經授徒
及門百餘人多知名捐貲修同姓墓代輸其賦又撫孫氏孤
為婚娶及卒門人私諡貞素先生著有四書講畧

劉浚之字孟郊郡諸生好學博古著述甚富舉鄉飲賓卒年
九十餘

沈大至字伯雍庠生治易精濂洛之書講學五十餘年操行
端直世稱醇儒兼通數理醫術晚自號一三居士康熙四年
舉鄉飲大賓卒私諡敬修先生所著見藝文

張學祭字雲山素謹慎嘗覆舟蒲匯塘浮沈終夜遇救不死
歸家大慟以為臨深之玷一生體認朱子之學既卒門人私

諡服古先生

陳王陞字鱸江

號東村

明季為嘉定諸生祖

號石父

從父

皆老宿王陞兄弟繼起時有一門七才子之稱王陞通

經史為文胎息於古詩學王孟繼宗放翁明亡遂不出性孝

友以教授所得脩脯具甘旨及祭葬需諸弟貧弱力為營家

室少游京師與粵東姚子莊稱莫逆子莊官石埭聘修邑志

並襄其政著有懷古堂集從曾孫世澤亦豪邁能詩與同時

陸錫熊趙文哲游著有古榴軒詩草

丁文揚字君徵急公好義崇禎間嘗出粟賑饑有故人子為

其家所鬻贖歸為娶婦族叔無嗣奉養終身又嘗代逃亡者

供賦役同時有蔡國珍以歲禮捐貲掩埋并築田圩捍水患

據府志補

張德符沙塗村人父鈞天明陳州尉卒於任德符方數齡歲

凶道梗藁葬城隅而識之順治二年年十八生子乃復往負

骸骨渡江風作舟幾覆痛哭籲天旋息及至家而妻喬氏已

因孔思亂殉節死德符附祀孝悌祠據南志補

陳邁字萬之十七保人祖星伯年高非甘旨不飽邁夫婦操

作以供恆自忍飢祖喜摹古帖預購紙筆常令無缺康熙七

年郡守以順孫旌道光十八年得旌祀孝悌祠據南志補

姚繼禮字君和新場人急公好義三黨賴以舉火順治間出

米五百餘石煮粥濟荒子熊庠生工詩文從子烈字青疇康

熙辛卯歲貢與同邑王鑄朱鑑並著聲譽焦袁熹題烈春融

堂制義詩有云倔強不肯受約束海上獨數姚朱玉據南志補

顧用楫字蔚若十六保人前明諸生博聞強識有聲幾社與李僉懷等交游入國朝後李視學中州招往襄校後館張

溪王氏文恭頊齡及二弟皆從受學著有還素堂集南志補

王大綬字聖佩居鶴沙早負才諳尤工吟詠後棄舉業閉戶

著書有寫心集二卷吳騏序稱其原本忠孝抒寫性情允為

東皋隱君子云志補

張憲字漢度之象元孫諸生父官比部以事中傷下獄憲年

少伏闕訟冤得白人方之吉玃父歿哀毀骨立二年中未嘗

以墨經見客吳偉業宋琬等歎為真孝子詩筆超邁流俗卒

年八十二著有傳硯齋麗矚軒詩集道光十八年得旌祀

孝悌祠志補

李价瑩字存素所城人諸生少孤有至性訓蒙養母淹貫經

史恂恂自飭不以賢知先人嘗論狂狷鄉愿曰狂得聖人之

神狷得聖人之骨鄉愿得聖人之皮毛識者躋之子恆字聖

基雍正元年歲貢生官句容訓導南志補

黃中理周浦人雅尚高曠居貧器用多以匏自號九匏道人

工畫墨牡丹年八十餘兄弟同居無間志補

葉正源字星槎新場人性耿介一應童子試即拂衣高隱與

兩兄一弟友愛無間卒後門人私謚貞介先生志補

王繼鏊字公紹上海人入嘉定學生平仗義疎財砥礪名節

生明萬曆時入國朝順治十一年巡撫周國佐給品高玉

尺額今新橋王氏之鼻祖也族譜補

張國臣字夔山父敬道庠生為知名士家貧國臣依母族周

以居故從周姓善治生不數年力致中人產弟子德困乏貽

以財後罹火災復為治其室廬視三族如一家人以緩急告無弗應里有惡少欲辱之脫其履於泥中呼之納履國臣匍匐納其履使人扶而歸之其大度若此御童僕惜其勞苦有過不譙讓比歿蒼頭銀鹿為服齊衰者三年崇禎時年五十餘值鄉飲酒學博以某某進邑令劉笑曰將以是為曲江宴耶則宜貴將以是為金谷會耶則宜富不然先王以之旌善而褒賢敬老而尚德而以富貴人充之恐非訓俗之旨也乃舉國臣子之楨字睿庵能世其德入國朝於康熙戊寅年八十舉鄉飲大賓之楨子永銓自有傳案嘉慶志遺事有之以永銓置前謂順治康熙間舉查張氏世表世傳永銓卒於康熙庚寅年七十二門人私謚閑存先生議舉鄉賢未果並無舉鄉飲大賓事

楊文蔚浙之上虞人父榮諸生隨所親宦上海家焉康熙丁

未父病時年八十七文蔚嘗其糞甘號於天請以身代父竟死越十年母痢見血中死法文蔚封左臂肉雜人葠煮之三進而愈邑令任辰旦將告之臺旌之文蔚辭遂題其門曰以身壽母文蔚為人謙和輕財好義人以孝稱之必變色蹶躄卻不受每月吉必詣城隍廟禱之願減年益母祕不令諸兄知初文蔚將封臂時縈肉墳起噬之而脫以刀故創甚鉅骨露凡一百二十日始合創人不知也楊毛奇齡集楊孝子傳補

張宸字青瑠博學工詩文由諸生入太學選中書舍人時詞臣擬撰

端敬皇后祭文三奏草俱未稱

旨最後以屬宸有云渺茲五夜之箴永巷之聞何日去我十臣之佐邑姜之後誰人

章皇帝覽之泣然稱善尋遷兵部督捕主事康熙六年上疏請撤本邑客兵二千四百人并巡海章京以甦民困報可邑用安堵旋罷歸病卒有蘆浦莊詩北征使粵草弟宿字月鹿著有田間草堂詩

鄒景超字曠思八團人幼有勇力喜結交任俠讀書恥為經生言康熙十七年臺灣構亂總督姚啟聖馳檄沿海景超率所募敢死士百人詣漳州行府陳方略即授守備銜隸副將蔣懋勛麾下蔣未之異也會賊列陣索戰景超即統所部繞出賊後貫其陣皆披靡莫敢當已而接戰兩日拔其砦由是蔣與督府日益親任之海口之戰連破數砦奮槊擒偽帥又移兵攻獅子山諸砦皆以次殲克直抵海澄時啟聖亦總大兵趨廈門鄭錦倉皇奔潰乃奏授景超左都督壬戌夏部議

命提臣施琅渡海明年秋克臺灣冬啟聖疾卒無論景超前

功者遂棄官歸所著見藝文

並見南志

曹泰曾字彙初號施康熙十七年舉人授莆田知縣莆民好

鬪善訟吏舞文為奸賦役不均民田賦輕鹽田賦重甚或田久淪而糧未除其俗匠役有徵夫役有錢弊至徵民代匠子錢半母泰曾初至吏以例金餽卻之則倍餽笑曰汝曹乃敢啗我耶痛懲之一署震懾大姓陳以燈會擊斃曾氏子賄府求脫力持之論如法有鄭元振者以犁擊人死前令擬抵巡撫易辭為病死而死者子亦易辭泰曾爭曰傷有死骨獄有初辭失一官輕冤一命重不聽以失入被劾泰曾抱案歸曰官可黜案不可易也先是泰曾條利弊六事請之上官尤以清賦役為亟銳意梳剔會失官遂已莆人思之祀名宦泰曾

介而直面冷骨峭每論是非大聲震屋柱頰間筋暴起卒以是失官云從弟炯曾字世宏由廩貢生知江西贛縣值歲饑發倉賑給吏以成例阻炯曾曰吾忍以數萬命易一官乎又修文廟新濂溪書院延師設塾文教大興其他設義倉減浮耗課農桑通商惠工輯兵弭盜諸政贛民立碑頌之卒祀鄉賢子聶宏初名培玉字荆來婁縣學生端重而闊達贅於朱夜讀有婢挑之凝然不動性好施常傾囊濟人試輒高等以力學早卒有客過門愕然曰大德未報詎料已作古人泣而去竟不知其姓名培選字燮廷雍正十年舉人學問淵深性情坦易乾隆初舉孝廉方正一士另有傳

郭世傑字芥圃邢寶河人康熙十七年歲貢授安徽潛山縣訓導捐貲濬泮池葺學舍著孝經廣義以訓士士風丕振擢

山陽教諭卒

據安慶府志補

張集字殿英

號曼園

三林塘人祖尚文字從周少有至性父游

京師拮据養母姊寡弟亡代撫諸孤又嘗拒奔女終不明言一日載布入郡值其叔負官逋即舉舟與之其陰德多類此舉鄉飲賓卒祀鄉賢父淇字爾瞻倣范文正公義莊置田千畝集康熙十五年進士授行人擢御史疏免漕田丈量及釐軍政嚴州縣保題通銓選壅滯慎用學臣等事糾庸懦提鎮不避嫌怨遷左僉都御史總督倉場戶部左侍郎轉吏部丁內外艱服除補兵部尋謝病歸性樸儉為大臣自奉若寒賸好調卹貧乏嘗建義塾於筠溪卒 賜祭葬從子煜字昊霽康熙五十二年舉人姿性明敏雍正五年以州縣需人侍講顧成天薦之請改教職未選卒有有懷堂詩集煜子端木初

名若木字崑喬

號林長

苦學負文譽成乾隆七年進士時論擬

入翰林以從父照方為大臣引子弟嫌出為知縣歷任金華

諸暨鎮海常山臨海讞獄多雪奇冤救荒有善政尋引疾歸

其論詩文與同年沈德潛寶光龔最契所著見藝文

張氏先世居三林塘集晚歲還郡城故集從子文敏以下皆入婁縣籍惟煜後一支仍為邑人

周金然字礪巖

號廣庵又號越雪父明璵見前傳金然康熙二十一年進士入翰林官至洗馬負奇才俯視一切與修國史一

統志其事者凡有考核告以某義某辭出某史某傳檢閱無

誤典試湖廣山右稱得人奉

旨校輯古文戴禮旋嬰疾告歸嘗以字幅進呈

聖祖御製五言詩十二韻以示褒嘉著有飲醕堂文集書法

尤為世所傳

胡永祚

籍姓

字令錫居青浦由縣籍選貢授陝西渭南知縣

以才幹稱康熙三十年大稔賑饑有惠政時盜賊橫發永祚

設法先後捕殺二十餘人境內以安淮南稱名宦

張有榮孟希賢兩人素以孝義相善康熙辛亥春饑同出粟

助賑北郊至吳松牘道路泥濘為患同力募石糞之雍正四

年有榮得旌祀孝義祠希賢附祀焉

俞九思性仁孝父允和病七十餘日九思籲天乞代神示之

兆遂愈色養又十五年子乘御乘時梓孝感篇勸世孫存敬

年十七母病亦籲天乞代如其祖嘗藥滌廁諭無怠會母病

愈而以積勞殤知縣劉泝旌之曰髫孝可風道光十八年九

思得旌祀孝悌祠存敬附祀焉

張亨府學生事親孝力行善事康熙十四年知縣任辰旦舉

鄉飲賓

沈廷珪字啟文性好義凡助葬放生惜字等事靡不踴躍鄉里重之年至八十有六歲

蔡之筆字聖持八團人性謹實勇於為善臨歿猶遺金助興義學又從祖國珍字叔祥康熙三年海溢罄貲築圩岸至今賴之國珍子之笏字欽葵醇厚端謹樂善不倦知縣李發枝舉鄉飲賓之筆子嵩康熙五十二年進士官至宗人府府丞金銘字名佩附貢生性誠篤有戚某負金萬餘而逃或勸之訟弗聽康熙十三年軍籍黃文兆以運漕折欠產籍入官斃於獄銘代償二百三十金免其孤於死子泓好施如其父孫應元字霖舒號漁村由貢生中雍正二年舉人分纂圖書集成成除兩淮鹽大使擢南儀監掣同知好以文章獎勵後進承

辦賑務及修濬中河並惠卹商竈有政聲轉運同旋引疾歸卒年七十五著有種書圃文集原堅名字貽周府庠生能以金鍼撥翳治瞽復明著吟草醫方堅子昭爰從子德字敏軒傳其業應元從孫寶田字仲雲諸生善畫山水似高房山寶田子掌露割股愈母疾父客死祀必哭母善驚家居每脫履而行及亡以哀卒附祀孝悌祠

嵇爾瑛字修五勵行端嚴不苟言笑重然諾喜施予知府龔嶸嘗旌其門曰善矩型方子慶立字卓人廩生操行一如其父學問淹博授徒有法慶瀉字文高諸生襟懷高潔詩清古工楷法

彭喬年字凌雲諸生操履峻潔博學工文執經請業者百餘人卒年八十七所著見藝文子奐亦以文名

顧榮字欽公六竈人性至孝讀書考古務求實用嘗謂前哲於制度損革之際未能斟酌變通每細加研校著有經世立本潤澤書以康熙二十三年歲貢授英山縣訓導未任卒南

志張燧字景明號皇嘗割股療母疾性耽風雅不求進取所著

見藝文

范箴字萃尹號蘇文若孫穎敏沈靜十餘歲即食餼於庠推

諸生祭酒七試不售益肆力於經史游京師與臺館諸公相倡和有達之

睿賞者倪永清刻其詩數十首稱為陳大樽後一人

范青字筠堅庠生父彤弧青幼慧詩文不加點初與范承謨相契承謨死耿逆亂青為輯其畫壁記傳於世並挽以詩有

軍前未繫降王組幕下先飛使相灰句其芙蓉影詩三十首

尤爭相傳寫云前志箴文若孫青父彤弧箴長卿子與青同祖兄弟

蔡湘字竹濤監生周浦人少游京師交當時名士龔鼎孳集

同人聽柳敬亭說隋唐遺事湘以齒少居末座詩先成詩云

龍起說興唐鐵馬金戈舊事長草味君臣私結納亂離豪傑

走關梁聽來野史風雲驟貌出凌烟劍佩莊側耳長宵俱上

映六街霜時閣爾梅負才自詡南面首座歎曰崔詩在上矣

由是名愈盛與王士禎朱彝尊輩相倡和咸服其才客死交

城年甫二十餘南志云遺詩一編

徐允哲字西崖汝翼曾孫諸生工詩古文王士禎冒囊錢金

甫周金然輩皆目為畏友四方之士慕其名乞詩文者日不

暇給兼長書法以晉人為宗遊戲於丹青得宋元諸名家法

著有申江集毛奇齡序極推許之

張永銓字賓門號西村祖國臣父之楨皆見前傳永銓以副貢中康熙三十二年舉人授內閣中書宋舉撫吳時重其學延講嵩山書院旋改授徐州學正未赴卒門人私謚閑存先生所著見藝文

何元善字君初沙岡人言行不苟年登大耋知府龔嶸旌其閭曰德堪式俗

周彝字策銘號寒溪康熙三十六年進士授編修典試雲南以公明稱歸途經石首訪得房師熊某停棺未窆徒步往葬之纂修

御書屢荷嘉獎初在國子監時祭酒王士禎奇其才談論詩古文有水乳之契名曰盛允謙和渾厚能獎勵後學弟鼎諸生亦有文名雙志作景家堰人據焦袁熹墓誌彝蓋自邑遷婁

王鎬字王在周浦人父謙八歲喪母哀毀動人及長祭必如禮以孝行聞道光十八年得旌祀南邑孝悌祠鎬康熙四十五年進士授內閣中書文極淹雅學宗李光地樸誠自守及門甚盛卒私謚純愚先生弟鑄字范之號虛亭歲貢生幼以孝聞長以鎬為師沈潛力學恪守程朱之旨著四書釋義明友有過盡言規之未嘗輕謁當事而地方大利害必正襟相告嘗語知府周中鎡以興水利修府志建義學三事雍正甲辰海盜鑄已老病猶親埋骼其好義類此所著有閑存叩囊諸集皆散佚鑄子澤深詳南志

徐國埏字嗣功號舜軒光啟四世孫增生明敏篤學能詩古文弟國城字心聲諸生嘗割股療父病兄弟友愛贍貧族及門多通顯學柄字王馭康熙五十四年進士授檢討充實錄

館纂修官絕干謁同官或不識其面時論高之國城子曰華字旦復幼即能文為諸生屢試優等授例入監門下多取科第而日華卒不遇詩宗晚唐書法南宮學柄子王謨天資雋穎文筆亦超邁王謨子慰祖乾隆五十二年進士徽州府教授

沈璵字亦眉幼居城之清白里年十五以院試第一補邑庠生嗣伯父後伯父晚得子女五人璵撫養婚嫁畢盡還所遺產葬伯父為勢家所訟以生死爭之乃得直後居杜曲三十年不入城康熙乙未知縣李發枝舉為鄉飲賓據沈氏譜補清白里未詳凌式颺字皋言年十三割股療祖疾好施予遇疾疫製藥施治邑令李文耀旌之又宗大賢字開甫睦族敦倫尤好施與康熙乙未邑令許士貞獎之年八十六孫駿發克繼祖志乾

隆壬寅受

恩賞年九十二又張德基字煥文監生歲歉出粟贍貧劉涇橋地倡捐重建巡道申夢璽知縣李文耀旌之

凌如煥字琢成

號榆山

康熙五十四年進士入翰林遷侍講以

清慎勤自矢視學湖北舊例各給新進書籍而令繳銀名書價莅任即禁絕之科試以前明楊忠烈漣元孫可鏡充拔貢生會廷試文不合格被議奉

特旨褒楊氏忠義授可鏡部曹事得釋除閣學自楚回京見歸州水程險絕舟多覆溺奏請川廣險阻處廣設救生船以濟商民又奏開墾陞科有司舉報不實按冊有餘按畝不足勢必勻派飛灑又有泥面石骨之田土氣本薄墾熟較遲並濱河水田一遇漲發淹為巨浸此皆似田而難熟者請分別勘報均下部議行運河水發

詔查民房災塌者給帑安頓卽奏請嗣後被災之處督撫聞報不待部文到日卽許地方官動支庫銀倉穀量給報銷著爲令請行保甲法令老疾得贍養強壯無曠業又言捕役逼認罪名在不赦者訊明反坐不准援赦亦均議行擢兵部右侍郎典試江西過北新關奏除納稅照票穴費之弊已未典會試轉左侍郎以親老乞終養

特賜御書福字有以爲爾父壽考徵之

旨歸里日父起潛年九十兄璿玉亦逾六旬相與作孺子色里黨稱盛事戊辰丁父艱主講申江書院著禮記節萃輟簡而卒如煥平生孝友少時割股以愈母貴後財產與兄共之與人謙和愷直裁成後進不啻口出工草書詩宗陶白蘇陸子應蘭字春藻乾隆二年進士官江西萬安縣知縣從子應

龍字天用乾隆元年進士刑部主事應曾字祖錫號叔子以選

貢中乾隆二十一年舉人貴池縣教諭加翰林院待詔銜應

曾骨癭神清古文根柢經術詩清淡有法曾孫承樞庠生亦有

文名所著並見藝文

潘牧字甸君號牧園恩裔孫少負異才而貧甚司寇徐乾學知

其名以博學宏詞薦辭不就歿後詩文散失叟縣張梁搜藏

之有送春詞爲焦袁熹所賞

王俊臣初名的字日初號雪垞祖陞良博極羣書名重當世俊

臣康熙五十三年舉人工詩古文詞年二十三游嘉定學士

孫致彌提唱風雅名宿畢集俊臣出所作登金山詩中聯有

云暮潮捲落千帆月曉角吹開萬井烟瓜步樓臺飛鳥外潤

州城郭亂山前見者斂手推服副使王澄慧首薦博學宏詞

以疾不赴平生惇謹無擇言擇行尤喜推獎寒士及歿學者思之著有寒碧齋集孫敬祖諸生苦貧積學著有邑志補

吳廷璧號壘公二十二保人樂善好施時追闔邑積欠甚急廷

璧稔其極貧者悉代償之知縣李發枝旌其門曰善良模楷

張玠字友白監生元始從子有文譽歷南北鄉闈十九試不

遇遂肆力於古文詞尤工草書父母歿居喪三年不見客著

孔門無出妻事辨有功於名教志補

瞿王基字德維諸生著有禮記約編子逢年字大有監生好

施與諸義舉踴躍樂輸與弟逢世逢運恂恂惇篤白首無閒

逢年子秉銓字甄士捐職州同以謹厚稱逢世子秉虔字司

載乾隆庚子副貢四庫全書館議敘中書科中書秉虔子應

麒字邦瑞諸生工詩文有擬古樂府行世早卒

閔澤字雨芬新場人康熙壬申大旱眾議開牓港澤以文移

往返緩不及待莫若量浚一小港費約而效速從之苗果得

溉戊子大饑捐米置廠作粥以賑邑令旌之志補

倪景元字萬貞康熙二十年武舉故人有通鹽課者景元請

於有司分限代完海濱蘆柴多以牛車裝賣土豪把持每車

索錢景元白監司勒石永禁三十二年大旱護塘港涸眾議

開七竈港景元謂急則治標莫若濬一竈港堵塞水口俟東

北風起潮汛即達而舟棹亦通從之不數日工畢風果大作

農田賴之志補

費明啟字開夫八團人性至孝父平叔年九十五明啟年亦

七十餘猶依依孺慕知縣史彩給萊舞娛親額旌之附祀孝

悌祠志補

吳燧字蕃宣初號存下沙人為文冲澹淵懿年四十餘始入學

旋中康熙二十九年副貢居家孝友性恬退嘗為張照授經

於杭之西湖張起麟顧成天輩亦從之游著有存初文稿嗣

子啟秀子禹疇以衛學補廩生授徒講學受業者甚眾生平

不欺暗室以文行著於時孫世賢曾孫省欽省蘭俱詳南志

南志補華士禧字迪祉橫河人父輸運京師久不歸士禧年十六白

母尋父三載同歸夫婦操作以養營葬九喪待戚屬甚厚道

光十八年得旌祀南邑孝悌祠其族有華毅字友仁幼孤

能自立分田以畀同族康熙三十五年海溢收瘞浮屍捐粟

賑饑又有華庭梅者康熙戊子歲饑同里以劫奪為雄庭梅

曉以廉恥散已財分給之一鄉賴以安南志補

山封金字龍江能詩母愛榴花恆覓供瓶中以娛親意兩次

結實如拳同時有蔡維公字占諸生幼孤賴母口授以書

母歿後廬墓數載時有野兔馴伏其廬人竝稱為孝行所感

並附祀孝悌祠

胡伯佐字輔臣居杜家行有至性事寡嫂蔣氏如母厚待宗

黨而嚴勸之年至八十餘歲南志補

王銘字維若川沙人庠生性恬淡鄉里稱善士邑令李發枝

舉鄉飲賓辭不出年八十四歲南志補

張君美五團人樂善好施知府郭朝南志作慶祚給齒尊望

重額年至八十七子國顯克承父志邑令李發枝給樂善福

凝額年七十八歲南志補

閔運字宗四北一窳人諸生品端學粹著有間和堂詩文集

年九十九知府郭朝祚給額旌之志補南

包爾純字介玉包家宅人篤學好古屢薦不售益攻苦勵志

中康熙四十一年舉人居家教授兼工吟咏志補南

華謙字履光鶴鳴孫康熙四十四年舉人署山東鉅野縣歲

稔賑饑規畫具有條理邑賴以安調高苑俗多讎殺傾陷輾

轉株連謙痛革其弊旋改教補丹徒教諭志補南

王肅字來雍由例貢任福建泰甯知縣時兵燹後重以大水

田廬蕪壞肅到官後招流亡勸開墾修城垣緩賦役彫殘復

業以積勞卒於官士民悲悼建報德祠並祀名宦志補南

朱霞字賡方號初晴新場人由康熙五十三年歲貢授高郵州

訓導工詩文善繪事用筆超邁尤長草書自謂得藏真三昧

者先嘗應鄂文端爾泰聘訂定南邦黎獻集所著見藝文志補南

徐甯字學培以副貢中康熙五十六年順天舉人入國史

館與修圖書集成五十九年鄉試以纂修舉人充順天同考

官雍正元年會試報罷

特旨命以遺卷進

欽賜二十四人登第甯與焉出為鄆城知縣尋罷歸居鄉教

授著書自樂尹文端繼善與甯為同年生至松特造訪竟日

無一語及私時人頌其清節志補南

顧成天字良哉號小庄祖其言字公綸所城人明崇禎十三年

進士為香山順德令擒海盜功擢工科給事中入國朝改

授陝西布政司都事父昌祚字受周康熙八年舉人知江華

縣撫徭人能得其力以忤上官意左遷歸所著見藝文成天

潛心理學康熙五十六年舉人以恭輓

聖祖仁皇帝升遐詩六章忠愛悱惻得達禁內

世宗憲皇帝特旨召見

欽賜進士授翰林院編修

侍講進所著東浦草堂文集

御賜序言並題鏡容詩一律海上榮之乞休歸卒年八十二

兄用烈字承哉諸生讀書過目即了下筆千言立就學使張

泊谷器重之成天亦自謂弗及幼子賓臣七十三歲所生後

官霸州知州參南志熙朝新語云成天至京寓宗人府府丞蔡

崇宅雍正七年閏七月簿錄嵩家得顧金管集有

祖輓詞六章上覽之溲然墮淚謂大臣曰彼未登仕

籍之人而感恩戴德之誠若此其秉性善良居心忠厚可知

命江南巡撫送部引見至京時庚戌科會試已過欽賜為

編修列名是科庶吉士人皆以為奇遇又查府志成天幼子

賓臣年七十三官霸州知州誤賓臣小字七十三官也見松

江府志 餘義

王明智字伯超航頭人醇樸無華多陰德有子五孫二十四

曾元羅列五代一堂知縣史彩旌其堂曰耆壽卒年八十四

据南志補徐謔命庠姓字葭在新場人康熙庚子歲貢生沈潛嗜學寢

饋於朱子全書從游甚眾凡後生恂恂有矩矱者不問而知

為謔命弟子也据南志補曹炳曾垂瓌從子也字為章號巢南有至行三黨貧乏者厚給

之為族子兩娶婦卒又撫其孤故人三喪未舉助之葬有名

家子淪落為眾所鄙解衣推食三十年歿更斂之捐貲育嬰

夏月施帷帳晚年偕其兄炯曾創置義田以贍族子培廉字

敬三少有文名補諸生因父厭家事遂棄舉業勤色養拓五

上海縣志 卷二十一

氏

畝園聚書萬卷招勝流觴詠以娛親志母有孀妹貧無依迎
養之久不怠有故宦裔貧鬻其女培廉解囊贖之具匭以配
族子復於宗祠祭田外增置義田為族建義冢瘞無後者仍
歲助育嬰堂以承先志援例授中書未仕卒生平好客耽書
蒐刻名人集以行世道光十八年得 旌祀孝悌祠又培年
炳曾從子也字大椿官通判孝友敦篤幼失怙恃每逢忌日
必哀戚致享至老弗替從兄培鯉歿無嗣議立培年幼子培
年曰嫂無所依宜立長主門戶擇族子為之後撫從子錫寶
成名春夏必發粟給宗黨其老幼孤苦者遇喪葬婚娶無不
力助里人貧將鬻妻如所需給之其他諸善舉靡不樂輸督
撫以善行題旌其門培年子錫桐字葉封貢生嗣從父培甲
後性敦實動必以禮好義如其父錫桐子洪集字灌春附貢

生董善堂書院以及災賑濬河修城各事悉心經畫而鉤稽
出入則弗問也人以是重之

張泌字長源廩生工詩古文詞楷法尤善草書子泰字克廣
康熙五十二年舉人亦能書工詩文

周銓字緯蒼甫冠父平儒歿秦中銓匍匐數千里扶櫬歸後
游京師當路交薦之以母老不就歸賣文以供甘旨兄弟白
首怡怡好吟咏為姜太史宸英入室弟子尤工長短句書法
大令道光十八年得 旌祀孝悌祠子其永字涵千亦能書
性迂僻作畫有逸致

閻邱銘字尹節周浦人諸生篤孝好學與季子說研究四子
書彙眾說而折衷之著講義彙參十五卷兼通醫理子詳南

志據府志
南志補

王雲瞻字卓士庠生有文行尤邃於經學著有周易纂要子

洪範文亦奇古學使鄭口口以國士器之早卒曾孫春元字

心凝諸生英敏力學尤喜表彰節義事有桂一山房存稿

顧德炳字道源少孤貧母病弟幼竭力奉養無僕婢親滌廁

踰十載不懈嗣母蔡亦孀居勵節性方嚴德炳事之能得其

歡心撫幼弟成立道光十八年得旌祀孝悌祠弟承先亦

克盡孝恭建宗祠人推顧氏二難云据府志補

金鶴字鳴九妻施甫生子適繼母產死鶴令妻并乳其弟逾

所生父卞急不憚卽杖鶴鶴每夜卧石橋伺怒解方回夫婦

相勉以孝鶴兼精太素脉道光十八年旌祀孝弟祠

張於詩字雅仲二十二保十二圖農人也割股療母康熙辛

巳知縣鄭廷璧旌其門曰純孝性成孫華國亦於乾隆癸未

割股療父疾並附祀孝悌祠前志稱其字而缺其名今從川志正

莊天瑞字士奇康熙間父洪源避仇外出兄天英嘗出訪年

餘不獲天瑞乃辭母而行凡遇歧路投履以下方向逾二年

資盡而返復往江西至景德鎮時父改姓名為鎮蒙師至是

思歸嘗以語其鄰適天瑞至詢知為松江人遂偕往見細詢

相對大哭父子同歸時父年已七十餘矣妻子相聚又三年

而終

王覺彝與子昊瞻俱割股療親疾邑令李發枝給孝思濟美

額昊瞻子箴慷慨好施亦以孝稱學使李因培旌其門曰孝

筍有根同時有張永泰者亦以割股療親旌並附祀孝悌祠

孫韞貧不能娶母病痿為傭以濟醫藥主家或與肉食不自

嘗必懷以貽母晝必三四歸省夜不解帶者八年母歿哀毀

備至年九十餘道光十八年得旌祀孝悌祠

曹立字西樵二十二保人監生勵志敦行雍正間督築海塘

勾稽甚力子履豐字桓章性篤孝童時母患日疾朝夕舐之

遂愈事親能色養年逾六旬孺慕不衰壽九十六兩受恩

賚卒附祀孝悌祠孫湛恩字際耘號晴野嘉慶元年恩貢生

有文行學務根柢詩宗王孟晚學劍南與祖立具有集行世

唐班字晚野前志表作字范逸居四竈雍正二年進士選山東鄒平

縣知縣以母老改教授選鳳陽府教授時泰安相國趙公撫

皖延主敬敷書院遵朱子白鹿洞規訓士終養服闋補池州

教授以卓異薦力辭歸顏其齋曰誦耘處從游數百人學者

稱柴溪先生據府志補

同治上海縣志卷二十一

人物四

國朝下

朱鑑子良裘

陸瀛齡子秉笏

馬嚴

俞倩

曹王在

曹一士子錫端 孫洪業

李士達子宗袁 宗周 瑩子大中

孫心耕 曾孫學璜 元孫

曹培齡子錫相

張懋信子龍文

金永從子詩

朱瀚

王銓

張學淵

喬廷選

朱廷琦

陶南望

陸琳

劉夢金 祖道深 子應壁 孫爾榮 陶斯泳 子槐

陳畿 子錦 曹世煥等 黃洙 子槐

徐谷鑑 晉 曾孫重禧 喬光烈 祖恩 子鍾沂 鍾

凌存瀆 祖元芳 父康 李朝宰 子枝桂 從子鵬翰

李泓 子陽 秉智 秉曾 孫曾益 煥 兄州 炯子丙

張大中 孫兆炎 曾孫金 嘉沐 鄒黃濤 從孫棻 椒 棻孫世賢

鈕思恪 正炳 從父隆填 張汝進

曹錫寶 父永安 喬龍

汪宜耀 父永安 曹國薰 子秉鎔

周泮 瞿承義

顧遂初

李于島 孫恒 潘鍾皞 父克正

張熙紳 瞿麟徵 父克正

黃文蓮 從弟熙 從子炳 徐秉哲 祖元埴 父翰飛

薛鼎銘 孫乃疇 徐兆魁

侯昌朝 朱之淇 弟之灝 子朝源

黃雲師 曾祖錫周 從子 喬庭文

陸錫熊 培蘭 子慶循 從孫銘詩 黃烈 子元吉

趙家連 徐長發

趙文哲 祖宏璧 兄文鳴 趙秉淵 弟秉冲 秉瀆 秉

趙文欽 鍾孫子格 王智純 兄智古 子坤培 孫鍾

張廷璧 彭金度 從兄偉烈

張存誠

子洪頤

孫樹翹

李逢春

曹錫補

子洪頤

孫樹翹

李行南

薛韜光

朱霞

父嶠

孫炳烈

陸思誠

父雲龍 曾孫汝杰

子南英

沈崇勳

范承張

沈增川

子朝鼎

從子滋

顧汝傑

父士挺 孫元燮

子應桂

薛章

殷士龍

子良材

孫輅

孟景源

張位中

從子惇訓

湯聘

倪學武

邱良臣

毛肇烈

子鴻源

曾孫錫垣

胡源

丁駿

顧源湘

子有鑫

有濤

曹錫辰

子洪儒

聞人楷

史槐

曹洪治

子樹庭

周靜遠

子樹奎

曹鴻燾

子樹奎

楊城書

張夢松

蔡萬齡

褚華

孫鑿

曾孫驊

鄭標

曹洪學

孫鑿

曾孫驊

姜林

孫夢圭

父澤泰

子炳焯

吳階升

陳昇

父澤泰

子炳焯

郭繼先

康愷

父澤泰

子炳焯

曹江

李林松

孫金詔

應垓

曹江

李蒸

從子應城

家樹子

曹江

王璞

族弟家樹

家樹子

曹江

張在中

子珊

家樹子

曹江

桂心堂

從子樹杏

曹江

曹洪志

從子樹杏

曹江

曹洪志

從子樹杏

陳元錦

子福履

倪文彬

陸鍾秀

子旦華

張慶鶴

劉汲

楊大木

張煥業

張濂

張德天

黃

唐景時

姜易

孫復

孫錫恩

費恭

趙榮

趙棠

趙栢

兄梅

子光勳

劉樞

李鍾瀚

李鍾潢

李筠嘉

朱文烈

郭大勳

蔡啓德

杜啓貴

朱文燾

朱文煜

子增沂

王苟官

王文瑞

兄文源

子壽康

陳煥

王學聰

弟學敏

楊大淵

從兄沂

曹榮

弟耀翔

金樹濤

兄樹淵

王廷銓

翁尊三

林曜

郁松年

王揆

楊守廉

張春華

張承頤

父世求

江駕鵬

胡式鈺

朱孔陽

沈葵

陳垣弼

陳常

王萬康

萬康子化

張士英

張式金等

祝映奎

陳鳳彩

周定邦

曹承恩

從子烈忠

沈霖

弟鑑

楊家瀚

喬慎修 陶錯等 陸紹基

印學純 兄學海 孫海等 龔慶楫

葛學禮 沈大本 王慶勳

李錫增 曹樹珊 艾德堃

國朝下

朱鑑字旦平周浦人父之傑字若士慷慨好義鑑枕經菲史

工制義孫學士勳稱為寒碧後一人雍正元年成進士年已

六十一選甯國府教授執經者履滿戶外延及旁郡子良裘

字治子雍正二年進士選庶吉士授編修朱文端軾方學士

苞皆器重之奉

敕校刊十三經進周易注疏摺奉

旨附編求乾隆六年典試四川歷官少詹事 鑑前志附王鑄傳今據府志補

陸瀛齡字景房 號仰山 又鳴球子幼負異質長通經史工詩

古文及書法雍正元年以選貢入京張文敏照將以宏博薦

辭疾歸游兩江制府幕數陳郡縣利病行之民皆稱便選石

埭縣教諭縣僻山谷鄉貢寂然瀛齡捐貲拓學舍發藏書與

諸生研習文風日上科第遂甲他邑歲大稔檄令往賑冒霖

雨肩輿走萬山中周閱戶口辨民色先後給之活無算攝縣

篆絕苞苴清獄訟案無留牘獄囚未讞例不食於官天寒多

餓死捐俸飯之乞休歸閉戶著書舉鄉飲大賓年八十卒瀛

齡內行純密篤於孝友急人患難如飢渴在京師未嘗飾竿

牘謁貴顯而汲引人材惟恐後平生與物無忤臨財不苟所

著見藝文子秉笏字長卿 號葵 乾隆六年舉人持身嚴正澹

於榮利里黨欽之孫錫熊自有傳

馬嚴字敬六六竈人雍正二年進士幼穎悟過目成誦終身不忘執父喪盡哀孝養祖父尤至冬夜必先寢而溫之未仕

卒道光十八年祀孝悌祠據府志補

俞倩字秉六周浦人家貧力學究心朱陸異同手校胡敬齋

居業錄昇門人梓之據南志補

曹王在授經於廣東學使蜀人王恕所恕嚴憚之恕卒有招

之他往者曰王禮我虔諸子學未成義不可舍去乃間關入

蜀數年歸後恕子汝嘉發解汝璧仕有廉正聲不負所學沈

大成為作曹先生傳據學編齋集

曹一士字諤廷號濟泰曾少子負異稟於書無所不窺入青

浦庠為名諸生三十餘年成雍正八年進士由翰林擢御史

尋轉工科給事中所陳多切時要如言開墾有名無實十年

之後既已成賦州縣不敢懸欠督撫不敢開除將為民患又

言奸人挾仇告訐指摘詩文字句誣為大逆株連羅織悉宜

禁絕又言兩浙之場課宜捐帶徵之漕米宜免又言督撫保

舉專用能員大抵趨走便利應對捷給則登薦刻而惻怛愛

人與民休息則謂無能概從廢罷請另舉賢員以敦吏治皆

見

嘉納會密劾河東總督王士俊外人有竊聞者部議坐語洩

降調奉

旨留任又陳工料定價官吏剋減請明示成法以杜冒銷州

縣錄囚草供先詳臬司以防出入等事下所部尋卒葬松江

之神山前志作橫河誤一士文章名海內居詞垣時充纂修官制義

尤具典型採入

欽定四書文中壬子充順天同考官推得人著有四馬齋集
子錫端字崧畦廩貢生負詩文名有東吳十子稿並半徑園
詩餘授江甯縣訓導時學舍傾圮捐俸重構諸生勒石記之
袁枚稿有兩教官傳孫洪鐸字聲振增生力學早卒洪業
號亦諸生刻有梅莊詩鈔人以仁厚稱享大壽

李士達字天英號鶴洲父長祿為賈楚越間家日以饒養親卹
族喜濟物多陰德事士達承其志建育嬰堂施棺藥給獄囚
絮米歲以為常康熙四十七年助歲賑雍正十年水溢撈浮
屍斂之歲除微行委巷間察突無煙者投銀門隙中終不自
言子宗袁字式凡號柳溪貢生刑部主事終廣西梧州知府葺
書院以教士郡米缺撫軍檄糴以撥粵東堅卻之嘗攝鬱林
牧鑿北流道中石筍四十里成坦途以循良稱既忤上游意

被劾會恭祝

皇太后萬壽議敘 賞給原銜居家舉耆年會陰行善事如
其父宗周字文郁任江西萬年丞累攝建昌大庾縣有能聲
兄宗袁吏議宗周走燕粵萬餘里急其難宗袁長子心怡
字昆和為兄宗沆後能詩文次子心耕字春圃號研畚刑部郎
終湖南岳州知府有女囚陷重辟呼至後堂令無怖徐訊之
卒得實從末減其明慎類此六子心衡字湘帆四川候補府
經歷督理綏靖屯務熟邊陲阨塞著有金川瑣記仕終湖南
棗陽縣知縣七子心鉅字栗亭從九品八子心泰字有堂均
與修嘉慶志心耕子學璜字復軒監生學問淵博為名場耆
宿著有筭測及枕善居詩贖心衡子學雲字兩山監生河南
洛陽縣知縣學雲子瑩原名以承字子山任浙江白沙巡檢

咸豐十一年粵匪擾浙調守杭城艮山門城陷罵賊殉難妻女及子大通隨死浙撫馬新貽詳請得

旨賜卹移咨原籍入祀忠義祠

曹培齡字赤松炳曾從子也父煜曾積學躬行稱耆舊培齡廩生八歲喪母哀毀骨立待繼母弟友愛備至以父善病即學醫精其術出所得脩脯為兩弟婚娶以說父母心素負幹濟才三黨倚重念親年高不應試嗜理學書所論能發前人所未發舉孝廉方正辭不就患肺病子錫秬割臂療治父子相繼歿人比之鄧伯道云培齡弟培謙字仲牧傑士字電發附貢生力學善書敦行如其兄傑士子錫璜字伯熊能詩文亦善書官山東布政司經歷培謙子錫寶見後傳

張懋信字咸孚元瓏四世孫廩生品行端方家綦貧事親所需畢給侍母疾衣不解帶者兼旬母卒哀毀幾滅性孝感鄰曲所著見藝文道光十八年得 旌祀孝悌祠子龍文幼通十三經婁縣諸生父歿以哀死有遺文數十篇

金永范志作永平字式方附貢生居筠溪屋後有宋時羅漢松一株見古蹟遂以松南自號能詩文善擘窠大字張熙極賞之從

子詩字孟傳諸生有學行能醫好施亦善書嘗臨聖教序勒石卒年八十二

朱瀚字霍臨諸生屢試不售遂肆力於古淹貫經史善詩詞嘗評左史箋老莊騷及唐宋文僑居嘉定之江橋授徒槎溪出其門者多以古學知名

王銓字衡山就選入都聞親疾急歸遂絕意仕進同懷兄弟七人遺產悉讓焉好賙貧乏傾囊不足往往典貸益之

張學淵字經南孝友敦倫喪葬盡禮叔母寡無依獨力贍養者二十年待兄弟叔姪無間言

喬廷選字國士前志作周士從府一甯人附貢生博學多才

兼精堪輿嘗游浙幕與浙撫潘敏惠思架論古相契著周易

象貫一書迄二紀而成盧運使見曾謂可輔翼經傳為之梓

行於世並參府志又見遺事

朱廷琦字右韓號鐵翁雍正十年歲貢能文章喜闡明理學所

著見藝文子公谷字德言廩生鉞字秉虔歲貢生滁州訓導

從子惺字心法監生並有名

陶南望字遜亭號一簣山人居陶家橋詩文皆清超拔俗書宗顏

柳編觀古人法帖集草韻彙編若干卷未成而歿子銀續成

之從孫步蟾府學生亦工詩善書

陸琳字孚尹號右廷瀛齡從孫也嗜古圖書金石罔不考訂詩

有魏晉風味尤工書嘗從冊使入朝鮮國人購其書以兼金

一無所取

劉夢金字勇來祖道深字公原與名醫李中粹為中表棄舉

業從之遊盡得其奧求治者無貴賤必應舉鄉飲賓父貞吉

字正凝康熙二十九年舉人官長洲教諭孝友睦婣為宗黨

式亦能醫夢金質直尚氣節詩文胎息於古與人交始終無

間遇俗士弗交一言遊京師朝貴爭致門下避弗通以明經

終工書善醫子應璧字東府敦樸孝友有文名由副貢中乾

隆十八年順天舉人應巨字璇南磊落有奇氣為名諸生應

巨子爾榮原名濯字桐引號禮園以選貢中乾隆五十四年順

天副榜四庫館議敘北城兵馬司副指揮敦厚周慎謀人

如已事應璧子瀚字鏡若績學不遇篤實有父風所著均見

藝文

劉氏在前明為世襲千戶駐南雁所至道深始遷居邑城並見南志

陶斯泳字書淵陸家人幼有孝行父外出不就寢親疾醫

禱備至雍正壬子水災以身繫祖柩誓俱歿旋得無恙卒年

二十一雍正 年得 旌祀孝悌祠

陳畿字建中子錦字綱章壻曹世煥及陳式範均樂善好義

雍正壬子潮災各捐田掩埋無主屍棺千餘兼營義冢有司

旌之宋懋字聖修監生亦以壬子潮災捐冢掩埋設粥濟飢

并開趙家溝以工代賑不惜鉅費同時捐貲收瘞者又有沈

元昂字赤舒諸生黃本仁陳宏才沈開緒沈文嘉陳顯章王

秀章夏昆望方成美陸裕川周龍照夏廷宰趙宸宰邢鶴年

孫震南陳虞章皆以義稱又有監生黃本恣掩骼埋胔外兼

賜宗族之貧乏者其子文澄能繼父志並傳於時

黃洙諸生張江柵人積學工詩著有拙村詩鈔雍正壬子海

溢持妻周氏衫裙出質以易食路見女屍裸者即以裙衫衣

而埋之歸語妻妻曰如此正多曷不勸同里共為之洙如其

言掩埋甚眾從弟河字詹吉由諸生入太學時稱雋才子槐

字晉望乾隆丁巳進士山西太平知縣南志作松陽河源令改徐州府

教授詳見南志

徐谷鑑字人表廩貢生以館職敘廣德州訓導幼失恃父病

刲股以療重建浦西虹橋及宋家橋徐家橋善事庶母撫異

母弟成立族有死亡無措者為之斂不能娶者助以成婚戚

某負債被訟代償之歲禮倡義振卹官廣德時施藥活人署

學正捐俸添建學齋敬註

聖諭直解朔望宣講所著詩文凌如煥陳兆崙序之道光十
八年得旌祀孝悌祠

喬光烈字敬亭號潤齋祖恩生有至性九歲卽知孝養誠篤好

善重然諾以服賈致饒常於冬夜矚愁苦家投以銀不使知

卒年八十三道光十八年得旌祀孝悌祠父起鳳好學務

施光烈乾隆二年進士除寶雞縣知縣減釋獄囚百餘人著

便民條約以示民故事商人助公費戶民納官膳悉除之李

村田無水歲旱卽蕪棄捐廉鑿石穿土引汧水成渠人稱惠

民渠勸民墾荒不宜稼者使種藥教民蠶事郊野藝桑萬株

人號喬公桑取江南吉貝子教之鋤藝紡織子午谷居民椎

魯不學築舍延師教之秦鞏流民入邑境設糜散藥麥熟歸

之治陳倉棧道偏橋皆夾以石施石闕馬牆以利行旅調渭

南遷乾州知州同州知府所在有聲如創馮翔書院定夾沙

灘界除潼關雜役修津河判華州渠道減唐陵地租政績尤

著巡撫陳宏謀疏薦之擢山西河東道所屬水災詳請動平

絳溢米十六萬豫米二萬賑之全活無算又請濬涑水姚暹

五姓諸河變汗潦爲沃壤者四百里擢長蘆鹽運使改補直

隸按察使積案頓清勘漳衛河決陳奏分消零消二法又上

賑恤急務十六條皆奉

允行擢河南布政使值黃河楊橋口決汴城不沒者三版親

率屬弁涉水駐隄下者百餘日救難民以萬計擢貴州巡撫

禁漢奸之欺苗民止屬吏之代買土貢調湖南有凶苗仇殺

三命苗例衡屍骨償值奏請按擬如法著爲令修嶽麓書院

奏辦洞庭湖畱折私垸以卹貧民以平水患時寶慶知府有

罪自縊部議落職仍起甘肅布政使甫履任蘭鞏二十九邑
早力疾釐賑事手按公牘端坐而逝光烈少貧甚耐飢力學
居官三十年忠勤自矢惟以民事為急不名一錢廉聲達
宸聽著有最樂堂文集子鍾沂字樸園候選光祿寺典簿孝
友穎悟居喪盡禮伉爽有幹濟才能急人之急當路有大事
必造訪之歿之日臨哭者數百人有道沖堂稿鍾吳字雲門
號鷗幼有異稟乾隆二十八年進士授滿城知縣調遷安為
政識大體尤加意人材報最去大學士阿文成桂指之曰此
直隸第一廉吏也尋陞甘肅岷州署鹽茶同知小山回變有
堵禦功以母老告養歸丁艱不復出性肫摯和易自奉約而
好周急學有根柢兼精琴理有宜亭詩草洮南隨記鍾霍字
岳封年十三奔父喪跣行三十里一慟幾絕長為西城兵馬

司副指揮有治辦聲從子鍾晉字蘭成諸生性方介不苟工
詩光烈器之從踰太行入鞏洛益豪放奇麗著有香浦詩稿
越游草東軒隨筆鍾吳子滌號野琴廩貢生姪冠宗號旨齋並與
修嘉慶縣志鍾霍子芬字香岑附貢生滌子重禧字鷺洲廩
貢生入監肄業期滿議敘訓導工詩古文兼精楷書直隸彭
學使浚聘襄校徧覽北方山川之勝詩益進黃勤敏鉞管命

恭繕

御製詩文集旋以母老歸著有核南池館詩文草

錄喬恩傳不稱光烈祖惟云廬墓三年卒於丙舍年五十九與此稍異今依喬氏家譜恩為一琦從孫監生考授州同知父英魁禮部儒士前志不詳故附識之

喬照字書田號東齋光烈從弟亦恩孫也少孤貧從光烈學飢

餓不廢長英偉棄舉業習弓馬成乾隆二年武進士歷官山

西靖安營都司遇歉歲助理賑務累擢甘肅金塔寺營副將
赴伊犁屯田陞涼州鎮總兵仍留伊犁轄屯務前後十五年
賜花翎擢陝西提督調浙卒於官年七十三照練達軍務宣
勞萬里外暇輒事吟詠有古儒將風

凌存瀆字鯤游號竹軒附貢生祖元芳字麟芷號直齋由嘉定遷

入邑籍性至孝重然諾不妄交游康熙甲申載米往賑山左

饑丙戌助粵城施粥戊子賑荒倡捐千金雍正乙巳獨理粥

廠他如修橋築路義無弗為又調卸親知最摯卒年七十八

父康字渭思號蒼山豁達敏慧不立崖異好施如其父亦以二

千金賑山左饑推重於當路存瀆以貢入京充

五朝國史館謄錄乾隆十年敘廣東雷州府同知初攝番禺

篆巡撫岳濬吏倚勢謀奪民田立笞之以白濬濬亦痛懲吏

且曰凌君健吏也累攝府篆率屬不厲而嚴善決疑獄時將

以循聲薦瓊州知府會母老乞歸養性謙退不以爵齒先人

杜門謝客好吟詠能擘窠大字卒葬雙縣小崑山嘉定錢大

昕誌其墓子鏡心松心並諸生鏡心子孝仲號質山府學增廣

生分纂嘉慶志並以學行世其家

李朝宰字梅客閩行人監生母喪明舐之復明值歲饑豫儲

粟以贍飢者俗有火葬者捐田勸瘞之子枝桂字健林附貢

生質直有文名內行肫摯能醫客京師乾隆六十年 欽賜

國子監學正嘉慶元年與千叟宴 賜如例孫如龍字古春

監生善醫工書又朝宰從子鵬萬字海癡監生工書畫槎源

字德載附貢生能詩文工繆篆鵬翰字翼天亦能文為安義

縣丞署縣事有政聲鵬翰子念祖字筠卿增貢生嘉慶間與

修邑志道光十八年朝宰得 旌祀孝悌祠

李泓字韜文秉性誠篤重然諾賈吳閩有同賈者遺金泓所
泓檢得而其人已死訪其子還之又嘗焚積逋券千金子陽
字元春庠生嘗陳賑事利弊於當事請以粟易粥捐米倡之
為母壽創修橋梁舉鄉飲賓辭不赴秉智字事貞性至孝泓
患疽日夕號泣籲天求代尋愈母年八十餘孺慕不衰兄弟
友愛無間建宗祠置公田以贍宗親秉智子煥字琢明員外
郎能繼先志增置公田葬族人三世喪乙亥歲歉偕兄炯捐
米賑饑又捐義冢施棺及育嬰諸事戚友瀕於危通緩急至
再不吝炯字心研號果亭附貢生天性肫摯儉於自奉而祀先
極豐祭器必手濯至老不怠過必責己而功歸人一生無怒
容德色炯子丙曜字又瞻號素庵官大理寺右評事丁母憂歸

恨不親視含斂後遇家忌誕辰必哭泣終日以父老不復出

色養數年父卒哀毀得疾不踰月亦卒道光十八年得 旌

祀孝悌祠應莖字承蒼中書科中書九好施與應培字樹滋

端謹有祖父風母生疽腋間親為舐吮里黨稱其孝煥子應

培字升九郡庠廩生蚤卒著靜深書屋文稿煥孫鍾元字麟

徵號研香工繪事精詞律入京以考訂雅樂授太常寺博士炯

孫鍾瀚鍾潢另有傳煥曾孫曾益咸豐癸丑殉難得 旌祀

忠義祠

張大中字安道宸從子諸生居華涇鎮性端潔蒔花種竹以

詩酒自娛家多世僕晚歲出券焚之曰使彼後人同為良民

也年七十無疾而終前志子榮前志字岷山諸生著有

環吳近詠孫兆炎字午亭增廣生博通羣書尤深史漢工楷

書著述均見藝文曾孫金字一山廩貢生生有至性嘗到臂以療父疾集先世著作裝潢成帙并刊書目誠子孫於時祭陳設焉遇事必信必果鄰里有急傾囊助之林文忠則徐撫吳時給內行克敦額今附祀孝悌祠金長子嘉仁字能五歲貢生克承家學兼工楷隸次子嘉沐亦刲臂以愈父疾鄒黃濤字四表乾隆五年歲貢授虹縣訓導未赴卒畫宗趙千里每幅成輒自題以詩非風雅士弗予名噪邑中諸生施光祖教授施潤皆出其門

鈕思恪字作賓其先正炳字星若十七遭父喪里豪某謂孺子可欺將下石焉正炳挺身訟得白久之有鬻女者即豪女孫正炳曰吾不忍修怨卒善遣之父隆培廩貢生思恪以選貢中乾隆三年順天榜十年中禮部明通榜授霍山教諭十

三年成進士改內閣中書以母老歸旋卒有晚香堂文稿從父隆墳八歲母病號泣顙天因是失明人稱至孝從子鴻字躍田乾隆己酉歲貢以耆年重游泮水沅字斗槎嘉慶戊辰歲貢著有挾藻堂詩文集鴻子棻字竟芳諸生詩文俱超逸畫師戴文進有杉香詩稿椒字芳山通經學有經書字音哀錄棻孫世賢號味同治元年殉難以庠生照例賜卹祀忠義祠

曹錫寶字鴻書號劍亭培謙子也乾隆六年順天舉人考取中書直軍機處有能稱時與同直莊培因齊名莊既殿試第一人望頗屬錫寶會將擢侍讀侍讀階六品例不得試迺力辭傳忠勇公恒知其意弗強也二十二年成進士改庶吉士以憂歸養疾將十年三十一年改刑部主事洊陞郎中出任山

東糧道坐旗丁毆殺人里吏議仍降為部員開四庫全書館分辦黃簽考證書成得優敘以國子監司業用五十年與千叟宴旋授陝西道監察御史轉本道掌印巡視北城先是大學士和珅專國柄威福張甚錫寶於五十一年疏劾珅家人劉全服舍逾制冀以是動珅而珅先已得報潛令全星夜滅其迹比疏上

命王大臣偕勘無左驗部議降三級而

高宗純皇帝不之罪改為革職留任又七年卒年七十四葬蘇郡七子山嘉慶三年珅賜死

仁宗親政奉

旨前御史曹錫寶參奏和珅家人劉全倚勢營私家資豐厚時當和珅聲勢熏灼舉朝無一人敢於糾劾而曹錫寶獨能

抗辭執奏殊為可嘉不愧諍臣之職今和珅治罪後查辦劉全家產竟至二十餘萬之多是曹錫寶前此所劾信屬不虛宜加優獎以旌直言著加恩追贈副都御史伊子照加贈官銜給予廕生於是補子江為大理寺評事錫寶幼穎敏嗜學暇即手錄經史子集詩文日無間尤長五言詩有陶韋風前後充山西學政庚寅河南副考官辛卯會試戊申順天鄉試同考官皆以得人稱家藜貧意泊如也鄉人至有無輒與其方劾和珅時聞者咸咋舌爭欲一識曹御史國史有傳所著見藝文入祀鄉賢祠大典朱文正珪撰墓志諸城劉文清張汝進字貽安乾隆七年歲貢任海州訓導甫半載以母老乞歸杜門色養巡撫陳宏謀給鱸堂上壽額母卒廬墓三年母年九十八汝進七十九

汪宜耀字士雲父永安工舉業喜吟詠著諸翟村志宜耀潛心力學於諸經書多纂述以乾隆九年歲貢官舒城訓導俸

滿歸旋卒宜耀兼精堪輿著地理辨正發微見藝文

喬龍字甫在田號見拱璧裔孫亦光烈族弟也由選貢中乾隆

九年舉人敦品績學出其門者多名宿晚通禪理勉人為善

著有傳經堂文集

周泮字聖池號賢南世居引翔港之旌節里品端學純不慕榮

利乾隆間舉為鄉約長教授於鄉與父言慈與子言孝手輯

宗譜祠規曾孫景淵元孫錫琥來孫志源並游庠刊譜立祠

猶秉遺訓云泮能詩見曹錫辰 國朝海上詩鈔今佚據周氏族

補譜

曹國薰字華東誠實無偽事親以色養贍宗族撫甥姪延師

課之凡賑粥瘞埋建橋開河諸義舉樂為傾囊歷有旌額附

祀孝悌祠子秉鎔貢生行誼如其父嘗焚負債券尤好掖其

鄉子弟次秉德諸生有文譽

顧遂初少孤貧與妻竭力耕作以養母貲產漸饒乾隆乙亥

歲饑助米賑粥里人稱之

瞿承義字端和浦東人樸誠簡易家貧事嗣母及本生母皆

得歡心與妻趙紡織力作以供甘旨人稱其孝云

李于島字蒼來閩行人監生性至孝九歲喪父哀毀如成人

母疾割肱愈之知縣李文耀旌之曰孝思維則附祀孝悌祠

子如椽附監生所著見藝文孫恒字坤成庠生質直好施嘉

慶間閩鎮火災捐讓屋基闢西新街里人便之

潘鍾皞字西白恩裔孫博學工詩長於書法家貧不治生產

尤工長短句與周銓輩相倡和至今傳誦

張熙紳字赤垂號蘆濱諸生於經書究極源流好引掖後進授

徒不計脩脯晚失明猶口誦傳習有蘆濱文稿陸錫熊輩皆

其門下士也

瞿麟徵字周詠號高亭高行鎮人父克正性方正樂善雍正壬

子潮災施糜掩埋竭力為之麟徵敦品力學邃於經術藏書

皆手自批閱為文樸老清真學使景福賞之生徒百餘輩如

趙文哲黃文蓮徐兆魁皆知名士

黃文蓮字芳亭號星槎高行鎮人九歲能詩為吳中七子之一

中乾隆十五年舉人授安徽歙縣教諭丁母艱服闋改全椒

從游者多通顯後遷泌陽知縣甫下車誓於神不取一錢有

黃青天之名移署唐邑泌陽民爭之遂回任又一年卒於官

文蓮廉潔勤敏嘗讓產於弟宦橐蕭然泊如也所著見藝文

從弟熙字函明號梅圃乾隆五十九年副貢生入國子監充

武英殿校錄嘉慶九年

駕幸翰林院獻恭紀原教一首

命陳設齋宮熙弟勳號坦齋諸生好吟詠著最樂山房稿從子

炳章字豹人廩貢生從妻兄趙秉淵入川時秉淵守成都承

鞠逆匪餘黨必再三乞宥從多所全活家無餘財而急人

之急兵民有疾者醫藥療之迨班師不受賞曰世無兵革優

游山水足矣

徐秉哲字紹虞號超亭高行鎮人祖元墮字子培庠生孝友穎

悟能博覽彙程朱諸儒說作周易嘉會父翰飛字慎思庠生

尚節義好讀書精研理學故人某死構屋撫其孤寡並為婚

上海縣志 卷二十一
六
嫁秉哲亦孝友能文少從同邑貢生趙旭生游獨識之妻以女後成乾隆十九年進士授徐州教授勸學興行士風一變嘗選大家文以課學塾稱善本卒於官子曰鎮監生以孝友稱次子堂字佐篋號秋能詩文工書乾隆五十四年舉人薛鼎銘字象三號華虹橋人父仁本以醫名言行謹飭鼎銘幼善讀弱冠為名諸生觀察翁藻深器之聘訓其子乾隆十八年以五經舉於鄉二十八年成進士以舉業課其徒操觚家奉為圭臬除浦江令興廢補做重濬月泉創建十三賢祠續纂邑乘修官廨政聲卓然甲午丁酉為鄉試同考官稱得士又述父訓以示子孫著有述訓篇春餘吟詩文稿孫乃疇字獻九號訪庵操履耿介淹貫五經尤邃於易著有觀物偶記知次錄算學心悟等書卒後門人稱為明修先生

徐兆魁字書城嘉慶六年 欽賜副榜嘗游粵山川所助發

為咏歌其門人李賡芸序刊其遺喜堂詩集行世

侯昌朝字煥廷監生諸翟鎮人性伉爽尚節義乾隆乙亥歲饑昌朝家僅中資捐米千石專廠煮粥以濟上嘉青三邑鄰近居民嗣因破產不給乞助於叔母趙氏趙誣以偏勒索於官昌朝忿恚自刎死妾朱氏為白其冤巡撫莊有恭愛必達陳宏謀並憫卹之額獎題奏 追贈主簿朱復痛其歿代昌朝捐田二十畝助南翔育嬰堂學使李因培給惠周襁祿額旌之

朱之淇字泉左號素弟之灝字蒼巖號栢兄弟內行甚摯幼

喪父事母張以孝聞友敬終身不少弛撫諸孤姪析家財必均營建家祠以敦族屬遇人緩急不惜飲助乾隆二十一年

饑倡施糜平糶秋大疫捨樁以千計三十二年捐貲修尊經閣建敬一亭其於善事知無不爲又嘗慕普濟堂善舉儲銀三千兩命子姪俟有倡者飲其事乾隆戊寅舉之淇鄉飲賓學使李因培顏其居曰禮崇德懋年至九十神明不衰陸錫熊誌其墓有孝義篤行有道君子之目道光十八年得旌祀孝弟祠之瀨捐修敬業書院增建育嬰堂房舍與人言諄諄以孝弟相勸尤喜人爲善時人比之陳氏二難卒年七十八之淇子朝源字星發敦古處寡言笑能詩善擘窠大字仕工部員外郎次朝坤字翁庵增置義田敦睦如其父朱氏累世皆好禮而力於義蓋之淇兄弟之教云朝坤子文燾見後傳

黃雲師字騶書布政司理問高家人曾祖錫周嘗游嶺南

潤州盛某爲邑佐被黜無依資其歸裝復贈金爲生計盛出愛妾以贈錫周怒拂衣歸案譜錫周弟錫疇亦好善游浙出賞鑿天台山道以便行旅祖霖父衡松並有隱德雲師性孝友撫兄雲章四孤皆成立兼賙貧族乾隆乙亥歲饑捐錢給賑本圖民全活甚眾爲母九十壽悉蠲田租戚友某歿赴弔焚其逋券千金建宗祠築橋梁修道路皆不惜鉅費子森庠生瞻學能文工楷書有小涪詩鈔從子培蘭理問銜幼喪父母事祖母繼母以孝稱撫叔之孤成立任家事無私財嘉定錢大昕嘗稱爲篤行君子培蘭弟培鎬如金培桂並能承其家培蘭子銘書孫涑源俱庠生培桂子銘詩嘗因歲歉出資募民墾海濱沙代賑焉又雲師從弟炳嘗賈吳門付家事於弟焜而焜亦好施乙亥歲歉與弟煜所承父衡松志捐賑煜有文行著陶然詩存炳子

廷瑞煜子原泉焜子堂尚瑜尚瑜孫增淦志澄增溶皆諸生以詩文名堂所著有秋颿集增淦有醉香室詩草

喬庭文字鼎元母病割股愈之乾隆乙亥奉母命出金施飢民晚著勸世瑣言年逾七十而卒附祀孝悌祠

陸錫熊字健男號耳秉笏子乾隆二十六年進士二十七年南巡召試入一等賜內閣中書軍機處行走陞宗人府主

事擢刑部員外郎進郎中已而奉命檢校永樂大典入四庫全書館撰提要稱

旨特授翰林院侍讀累擢至都察院左副都御史以校書勞

勩卒於官錫熊以文章學問受特達之知由郎署入翰林尤異數自四庫全書及通鑑綱

目輯覽外有契丹國志勝朝殉節諸臣錄唐桂二王紀事本

末河源紀略歷代職官表舊五代史八旗通志奉

敕編輯者二百餘卷經進皆降

旨褒美每國家諸大典

制詔所宣多出錫熊手方金川用兵時夜半擬

旨七道錫熊立進悉當

上意無一字改易奉使衡文累歲不絕充山西浙江鄉試副

考官者各一會試同考官者二廣東鄉試正考官福建學政

所取多知名士錫熊沖和純粹讀書一過無不洞貫詩古文

皆宏博絕麗幼從其祖瀛齡赴石埭學博任作陵陽獻徵錄

石埭縣志糾繆補陳壽禮志等書具有考證瀛齡致仕歸埭

人曰陸師貧瀛齡曰宦囊在孫腹矣其嗜學如此所著見藝

文子慶循字抱生監生方畧館議敘州同知加通判銜性孤僻

不諧時俗而沈酣於學以博洽稱著嘉慶志修例慶堯字衢民虞貢生工吟詠慶勳字樹屏嘉慶二十一年舉人初由附監充會典館膳錄議敘鹽大使優敘改補興平知縣旋解任未及歸而卒

黃烈字右方號一齋高行鎮人父中松撰詩疑辨證烈蚤歲博覽羣書肆力於大家文屢試第一彭尚書啟豐亟賞之時方博採遺書屬烈編纂焉烈尤善治經覃精研思歷寒暑五十餘無倦王光祿鳴盛嘗致書云兄可作中流砥柱得朋之慶不獨在吾兩人亦斯道之幸也所著見藝文子元吉字廷翰廩生克世其學有詩經遵義二十卷從子爾金字國佐諸生亦以能文稱

趙家運字荆山有山東馬某將鬻妻償逋為代償並贈貲使歸全其夫婦如初又援投水者收養於家俾有衣食而去子傳紀乾隆二十六年進士靈川縣知縣孫維熊嘉慶十三年進士授庶吉士改刑部主事

徐長發字象乾號玉崖乾隆二十五年舉人授戶部司務成三十六年進士遷兵部主事轉員外郎歷郎中補四川建昌道以軍功賞戴花翎署按察使自壬子勒布不靖奉檄督餉繼以廓爾喀滋擾總理郵傳軍需備著勞績年逾七十告歸卒於家所著見藝文子鍾杰以樂善好施稱

趙文哲字損之號璞函祖宏璧字爾珍內行純備為戚族完婚者十二人置贍族田五十畝康熙乙酉歲饑給其族各二月糧並及戚友鄰里父紳字垂書以詩文書法著文哲少聰悟博雅能文章尤以詞賦名沈德潛選吳中七子詩文哲其一

上海縣志 卷二十一
也乾隆二十七年

南巡召試 欽賜舉人授內閣中書充方畧館纂脩軍機處
行走三十二年坐語洩免時緬甸用兵將軍阿桂奏令軍前
効力以勞績復故官擢戶部主事尋小金川構釁逆酋僧格
桑竄入金川分兵三路進討文哲隨將軍溫福由西路進駐
木果木六月布郎郭宗失守賊匪掩襲大營取軍籍冊付家
人乘間使出隨將軍被難年才四十九事聞 卹贈光祿寺
少卿廕一子入祀昭忠祠又祀邑之忠義祠所著見藝文兄
文鎬工書畫次兄文鳴字宸藻諸生好學與人交必以誠喜
吟詠工書畫晚年究心地理有清泉詩集三元地理真傳詠
史詩文哲子秉淵秉冲秉瀉自有傳

趙秉淵字少純號實文哲子廕襲恩騎尉授內閣中書軍機

處行走轉兵部主事出知四川眉州修三蘇祠卹其裔孫累
遷至成都知府時勦川楚教匪隨大帥備著勞勩加道銜
賞戴花翎性慷慨善言事急公愛民待戚黨有恩誼嘉慶十
年卒於官弟秉冲字硯懷號謙監生大學士阿桂薦值懋
勤殿乾隆四十七年 欽賜舉人授內閣中書以 南書房
供奉

恩歷官部科卿寺累擢至戶部右侍郎嘉慶十九年卒
上以秉冲勤慎供職三十餘年 賞陀羅經被並銀三百兩
以給喪費卹典如例季弟秉瀉字潤圃號純乾隆六十年順
天舉人由 實錄館議敘授湖北監利縣知縣歷署恩施鄖
西崇陽武昌大冶蘄州篆有廉斷聲兩充湖北鄉試同考官
江夏陳鑾出其門生平好古工書常置贍族義田秉淵子模

字辛仲附監生承襲恩騎尉以江西縣丞署建昌通判奏留
四川軍務補江安縣知縣調直隸正定歷著循聲次楷字端
叔由廩貢生援例為教官歷任廣德新陽丹徒訓導旬容教
諭秉瀆子枚字子式監生殉成豐十年粵匪難奉
旨賜卹祀忠義祠模子繼勳字誦芬承襲恩騎尉嘉慶二十
四年順天舉人由元和訓導遷泰興教諭擢鎮江府教授卒
於官

趙文欽字敬安監生文哲從弟也孝友勤儉父綸議立義田
瞻族未竟文欽捐田三十畝以成父志乾隆甲寅賑饑甚力
從兄文鍾妻張氏苦節力為請旌篤厚稱其家風云
王智純法華人字粹儒監生孝友純摯少孤事兄如嚴父兄
歿撫諸從子逾已出家中落棄儒服賈有負千金者以其母

老不責償也常隱市參藥施貧病附祀雲間孝悌祠兄智古
字靜山學瞻才博嘗賡釋李義山詩著有惺齋文集以明經
終子坤培字元載附貢生亦孝友好施子乾隆丙申春米涌
貴獨平糶八百石市價以平智古子源永七歲能讀五經書
法華寺鄉約所額字徑丈有神童之目早殤次來復以能詩
稱有蘭石詩鈔坤培長子鍾號一附貢生孝友力學書法二
王善肇策大字嘉慶癸酉與修邑志戊寅與修府志輯有法
華鎮志仲子鈺字式如監生急人之急有祖父風能詩為袁
枚所稱次銘次錚皆庠生錚博洽善詩畫有半農詩課鍾孫
子格咸豐庚申殉難旌卹如例
彭金度字若春號皖高行鎮人弱冠游庠文有縱橫排宕之
氣中歲肆力於詩乾隆乙酉應

召試有迎

鑾詩三十二章游京都齊魯蜀滇所至皆有題詠又纂臨清

州志其他撰著見藝文

張廷璧字蘊輝廩生幼聰明勤學博覽經史通星象尤邃於

易義理象數一以貫之蚤卒王利志其碣

顧偉器字成琢號海山事母孝篤於友愛嘗學賈耗其友劉少

伶資劉置不問偉器貧而介惟少伶周之則受詩極清麗文

法大蘇畫山水入逸品著史統偉器少師其從兄偉烈偉烈

字作先乾隆六年選貢歷任博野遷安知縣廉明剛斷偉烈

弟偉度字裴右品正學瞻乾隆甲子丁卯兩中副榜貢生烈

子培豫監生通經史善繪事烈孫曾錫號山庠生亦能繪工

詩著五石山房稿

張存誠字秉中東海十世孫也未第時入都給事范其野奇

其才延譽公卿間庚辰闈試青田韓錫胙得卷首薦不售後

錫胙來守郡下車延訪一見後不再往除夜錫胙使人覘之

方以做衣質錢三百市祭品使者還報韓以俸錢餽之卒不

謁謝人以是重其品

李逢春字繡谷號香巖居江柵橋鎮少時與趙文哲張熙純齊

名後兩中副榜貢生遂倦於進取游某督學幕中與檀萃交

契歸里後著述甚富既歿散失僅存詩稿一卷

曹錫黼字誕文號菽圃培廉子藏書甚富晨夕披覽博而該著

碧鮮齋詩鈔無町詞餘任太常寺所牧裁缺改補員外郎年

二十九卒於官長子洪頤號蓮甫山東萊陽縣丞署昌樂陽

信嘉祥等知縣除大盜趙英所至有政聲次子洪榮字甯伯

號雉諸生工詩由四庫館議敘州佐借補廣西按察司經
 歷署天和知縣調龍勝理苗通判卒於任著有宜雅堂詩集
 洪頤子樹楨字濟臣功臣館供事仕河南原武縣貴州安化
 縣典史遷黃平州舊州巡檢好吟詠將歸老遭鎮遠府地震
 災全家漂沒戚黨哀之洪梁子樹翹號春林廩生少從萍鄉劉
 少宰鳳誥游學有根本文章詩賦以博洽稱幕游黔滇燕豫
 所至輒有採錄手輯滇南雜志一書考權今古可補史乘之
 闕卒於山左年僅四十有四著有味經堂詩文集二十八卷
 其他著述甚多均見藝文季子樹珊見後傳嘉慶甲戌樹翹
 同日應試古學學使陳希曾見而奇之思詢舊游古學詩
 題未曾相見已相知指樹翹也既歲校列高等遂食餼
 李行南字召棠號鶴堦性高潔嗜風雅鑪香茗椀嘯詠自適幕
 游歸授徒多知名士詩出入唐宋間文亦清剛雋上所著見

藝文

薛韜光字少文號竹坡諸生少學詩沈浸於漢魏三唐後與吳

泰來友折衷於沈德潛詩益工所著見藝文

朱霞字友梅號疑臺父嶠字赤城號巨山書宗王叔明寫荷花獨

出新意霞幼即敏慧弱冠為名諸生乾隆四十年選貢由覺

羅教習敘授直隸威縣知縣改補河南獲嘉縣宰獲五年乞

病士民顛泣賦詩五章以乞留大吏聞之遂留任越一載水

災盡力調劑賑事均平民尤感之卒於官

孫炳烈初名宗炎字衣聞號筠亭少負異稟於書無所不窺為

詩文援筆立就未弱冠入郡庠食餼試輒高等乾隆三十五

年舉於鄉博聞強識著有五聲切韻茗偈集歸善集筠亭詩

文賦草若干卷編續全唐詩錄子鍾英字蘊華府學廩生有

傷才篤志向學嘗著周官餘論春秋彙釋蚤卒

陸思誠字希正法華人父雲龍性至孝遇親忌日必涕泣嘗

買於豫貸某金歸某已歿權子母還其家每以孝弟勸人子

弟卒祀雲間孝悌祠思誠乾隆乙未歲貢生品學邃醇為文

深靜雅潔名理渙然交友不設城府教授生徒多知名所著

見藝文長子南鏞號香有聲庠序次子南英字超亭精醫好

施著醫學鈞元四卷三子南培字天池工畫山水南鏞子紀

泰庠生與修邑乘著笏齋吟草南培孫汝杰咸豐癸丑殉會

匪難奉

旨賜卹祀忠義祠紀泰子遵廩生亦能文

沈崇勳字炎赤號玉恩裔孫乾隆四十五年舉人詩出入蘇

黃聞古文清道蒼勁書得晉唐法癸卯修縣志崇勳纂輯最

勞

范承張字裕祥號吉夫府庠廩生乾隆四十五年舉人性孝友

動必以禮遇親諱飲泣致祭昆弟友愛無間卒年八十一附

祀府庠孝弟祠

沈增川字元正九團人父雲秀喜交游好施與要約必信增

川九歲喪母事繼母孝雍正十年水災撈瘞浮屍乾隆十一

年捐田租千餘石子朝鼎入貲為山西平陽府通判擢知貴

州遵義府治不煩民以失察罷後恭祝

萬壽慶典賞五品銜歸濬都臺浦其他義舉無役不從次

子朝桂亦任卹好義巡撫陳宏謀旌之從子淞河字中江州

同知其父天洽字元吉監生性敦篤嘗出父於險阻淞河孝

友醇樸凡親所嗜不憚遠道致之母病不解衣帶者三月時

一海縣志 卷二十一
三
淞河年五十二矣母歿哀毀亦卒性伉直好調卹弟有急難
挾之不遺餘力乾隆十一年亦捐田租二十年歲稔賑粥屢
建橋梁朝鼎子宗勳增置義冢朝桂子鑫庠生以詩畫稱孫
嘉森增生淞河子璧琮璧連並有學行孫靜買孫光溶俱諸生能詩
顧汝傑字漢三父士鋌字俊臣勇於爲義里苦工役婪詐鳴
諸官勒碑禁之汝傑喪父事節母計以孝聞嘗鬻產拯兄難
撫弟姪成立性伉直誠篤乾隆丁卯歲災設粥施棺捐冢地
其族父成天爲之傳卒年七十六附祀雲間孝悌祠子應昀
能守父業應桂諸生嘗割股愈父疾以內行稱嘉慶丙寅重
游泮水卒年八十一孫鼎耀亦敦篤鼎勳能文早卒元變原
名鼎炎字飛文號實甫品學醇厚中乾隆五十九年舉人授
靖江縣教諭以植品訓多士歸主講敬業書院嘉慶癸酉與

修邑志年至八十餘卒

薛章字煥如幼失恃事繼母以孝聞弟采弱而跛父母相繼
歿章盡以遺產與之自率妻子躬耕力食居喪茹素三年臨
祭必先齋戒元旦設遺像侍其傍不歸寢性和而介非分絲
毫不取卒年八十六子良翰良臣能承其家

殷士龍法華人父爲族人毆病卒士龍積忿數年後生二子
曰嗣祀有人矣藏利刃伺殺之自首於官得減論成陝鄠縣
同戍友唐三歿託妻子焉會有豔唐妻色者強賂士龍欲買
作妾士龍忿訴之大吏唐妻得免乃爲歸其孥與骨於鄉乾
隆十一年赦歸子良材務農向學孝養寡母卒年八十四孫
輅字素軒嗜學好善著印虛齋詩稿

孟景源

府志作景元

由行伍官江西南昌水師營守備嘉慶元年

署撫州營都司時將軍明亮遣赴孝感勦捕教匪先後獲勝十六次九月在襄陽追賊至官園寺陣亡事聞予卹廕如例祀府城昭忠祠並祀邑忠義祠子永銓以廕仕至遊擊孫兆蘭以廕廕仕至福右營都司

張位中字立人號石祖成字修已乾隆三年舉人樸誠敦篤文詞外兼長墨竹精岐黃所著見藝文父泰源廩生早卒位中以宣化籍成乾隆五十四年進士旋改原籍補四川射洪縣知縣廉幹惠愛為蜀令最俗感妖祀有假神降募修廟者位中立予杖禁絕之歷署遂甯中江所至著政聲嘉慶五年調署大竹縣時教匪訶川北逆黨湯姓由新甯梁山竄大竹位中屢拒之前後俘馘二千三百餘名方葺雉堞撫流亡捐俸團練部署未竟而賊虜至時將軍魁倫所遣尾勦兵纔五

百又未至位中率鄉兵出禦之斃數十賊又親射一豪帥卒以眾寡不敵被八創死之家人殲焉無何賊亦遁城卒完時五年三月也事聞予卹廕如例祀成都慰忠祠其特祠在大竹碑樹東嶽廟側先是廟中忽生蓮花光采甚耀後位中即其地殉節焉据阮中丞元傳並祀邑忠義祠弟鈞和字上墀原名志貢生有文行子惇誼字正夫承襲雲騎尉鈞和子惇謨字訐堂諸生以謹厚稱次子惇訓字羹梅嘉慶十九年進士授刑部主事性耿介不務時趨久之以直隸州外用未及銓而卒

湯聘事母孝嘗割股療親當事旌之附祀孝悌祠孝悌錄

倪學武性至孝事親能色養尤樂善好施嘗捐已田助高昌義渡以贍榜人

邱良臣高行人早歲喪母竭力事父務得其歡心父歿奉木

主如生歲時祭祀輒涕泣甚哀附祀孝悌祠

毛肇烈字載陽號東山廩生祖君賢好善早世父定西貧而孝

肇烈穎敏好學經術皆有根柢試輒高等未及貢而卒所著

見藝文子三鴻源鴻榮鴻杏俱庠生鴻榮最敏幼為陸錫熊

所賞撫弟姪有恩賜親族無吝色著有析疑室吟草卒年七

十五鴻榮孫錫垣未冠游庠有文名高才不過早卒

胡源字有瀾號湘乾隆四十五年恩貢生為人坦白無城府

學博才瞻時稱名宿

丁駿字揚先號嶺少孤事母孝入邑庠不為章句學乾隆四

十五年歲貢入國子監期滿候選訓導歸卒於途

顧源湘字楚濱附貢生工吟詠著有紉蘭詩稿子有鑫增生

性恬澹道光已酉重游泮水次子有濤增生力學通勾股法

有寶研齋詩鈔

曹錫辰字北居自號畏壘山人監生性通脫喜交游暇日聚

同人結詩文社間與妻葉相唱酬輯國朝海上詩鈔著畏

壘山人稿子洪儒諸生著需人詩稿有名家風格

聞人楷字端樹號香齋世為餘姚人僑居邑中觀察申夢璽奇

其人為延譽得占籍入庠補廩生久困場屋無愠色詩筆精

鍊風神高遠一洗卑靡之習趙文哲深契之後為人竄取去

性恬澹與物無競恢諧博辨四座盡傾而持身嚴正子曦郡

庠生

張夢松字仲熹號芝堂博學能文中乾隆四十四年副榜游京

師先達咸器重之後居家問字者屢常滿兼精術數為人相

上海縣志 卷二十一

地多獲吉

史槐少負異才應童試府縣院皆第一省試不售遂絕意進

取環所居植梅花數百本吟詩終老焉

褚華字秋萼號文洲廩生性傲睨自放於詩酒間詩本六朝長

於古風樂府沈博絕麗而骨氣深穩生平留心海隅軼事及

經濟名物所著見藝文

曹洪治字咸周諸生為人循謹三子俱能文長樹真字仰山

庠生嘗有絳帳遺規次樹原號子春以優行廩生屢薦未遇著

有聽雲館詩賦鈔三樹庭號玉圃謹厚勵行咸豐三年城陷絕

粒自盡以庠生照例賜卹祀忠義祠又洪治兄洪楷字範

九亦諸生工詩文著有醉吟軒稿

曹洪學垂璨元孫善說經晚好二氏學無疾坐逝孫鑿號鍊齋

諸生謙謹寡交善書畫地理曾孫驊字雋伯號吉雲幼有神童

之目申道光庚子舉人乙巳登進士官翰林院編修不一年

卒於官年三十三又洪學孫晟號靜山庠生倡同人設文廟

灑掃局至今遵行之

周靜遠原名雷遠號靜山幼隨從父聲和游幕於秦占籍長安

中乾隆四十三年舉人以大挑知縣籤發湖南權知武岡州

事辰沅苗蠡動軍興總辦糧臺敘勞加級補授臨湘縣知縣

充庚申湖南鄉試同考官陶文毅樹出其門調湘潭縣疎於

會計罷職主講醴陵淦江書院罹蛟水災著作漂失僅存抱

膝廬詩稿吟香書屋詞稿

孫夢圭字馭寰號桓堂乾隆五十三年舉人大挑選授東流縣

訓導截取知縣補授江西永豐縣年七旬矣郡守憐其老請

於大府改教得宿州卒於任平生無疾言遠色長軀鶴立雖
酒後頭顛卓然亦可想其行誼之正也嘉慶間與修邑志
曹鴻壽原名洪陶字範成號研香錫端子品學端方乾隆五十
四年選貢

純廟南巡獻七言詩百韻蒙

恩賚晚得校官不謁選嘉慶甲子與朱文煜陳昇創同仁堂
力行善事鄉人稱之所著見藝文子樹奎號金嘉慶庚午優
貢署江陰教諭道光十二年成進士署山東觀城縣卒經術
湛深所著經兵燹散佚

陳昇字旭初號蓮塘父澤泰字茹征號雲村有經世才意氣磊落
臨財不苟有兩世還秦中布商金事所著見藝文昇中乾隆
五十四年舉人事後母孝操行端謹處世謙和嘉慶甲子與

創同仁堂癸酉修邑志昇採訪節孝窮鄉僻壤搜剔無遺書
成獨不署名道光紀元舉孝廉方正不就其不近名類如此
卒年七十所著見藝文子炳燧號廉石諸生誠孝敦介如其父
咸豐庚申寇亂避居張家塘父坐丙舍抱父書不去寇至不
犯洶沙場建陳忠愍公祠壘石為文昌閣費不繼破產償之
性好樹石工隸書

楊城書原名城杞字應芳號香林乾隆五十七年舉人博學篤
行早喪母事父孝應禮部試聞父疾兼程旋里百計療之後
遂絕意進取授徒供菽水一時名士咸出其門衡文準先民
理法晚潛心理學道光初元舉孝廉方正以老疾未與試
予六品頂戴道光十八年得旌祀孝悌祠所著見藝文
康愷字飲和號起山父綬工傳神書法二王與兄紳有友愛稱

年八十四愷乾隆五十七年舉人天資高邁視時人鮮當意者詩文以矯健勝書畫亦自闢門徑與弟仔齊名而愷畫尤深其卒觀察李廷敬哭以詩云有病尙剛燈下史救貧惟賣畫中山蓋紀實也所著見藝文

蔡萬齡原名鑑字心澄號沈毅有武力中乾隆五十四年武舉授福建興化營守備歷官至臺灣總兵時海盜蔡牽滋事萬齡截獲海口濟匪奸民殲之賊無贏糧突圍欲出萬齡整軍列營以不戰勝之發牽祖墓焚其骨又以計捕餘黨朱瀆施三品於雲霄海島肅清繼捕大盜林花鼓於蓮池尾民用安堵大府舉其能

簡授四川川北鎮總兵留補建甯總兵揀調臺灣行抵澎湖聞鳳山縣匪徒滋事馳往平之以一等軍功加級注考旋以

彰化淡水閩粵奸民械鬪案罷職歸優游十餘年卒子汝錦庠生能文早卒

李林松字仲熙

號心庵

祖朝宋字星門貢生性嚴重不苟乾隆

戊子修學新明倫堂父鵬冲字欽齋貢生和雅寬厚齊藥拯人林松以乾隆六十年舉人聯捷進士觀政戶部時和珅柄政絕不往謁後遷員外郎督漕蔣兆奎懲漕弊請石加二斗以杜浮收林松謂未得清漕之實先蒙加賦之名力主駁嘉慶辛酉典試廣東戊辰典試廣西皆稱得人事親孝母氏唐迎養在京疾亟割股愈之越十二年母卒憂歸更不復出葺所居後圃爲易園著書其中專治易不問家人生產嘉慶癸酉邑令王大同修邑志延請主纂於舊志多所辨證體例約而該逾年復與修松江府志道光癸未應金華令黃金生聘

修金華志林松經術邃深尤精漢學為文亦不落恒蹊所著均見藝文其孫金詔咸豐十年以殉粵匪難 旌卹祀忠義

鄭燠字儀璋號械亭父瀋邑增生以績學稱燠嘉慶五年舉人嗜學敦品大挑選授如皋訓導憂歸服闋署昭文兼攝常熟

晚歸主文社者又數年子德駿孫嘉呂皆庠生有文譽李蒸字王哉號愚谷乾隆三十年副貢選授安徽望江縣教諭

嘉慶五年 欽賜舉人六年會試 恩授國子監學正十一年重游泮水與修邑志壽至九十有六從子應城字宗維庠

生潛心程朱之學著有四書精義合闡應峻字渭亭友愛兄弟賙恤戚族邑令葉機以睦婣任卹額旌之

姜林丹徒人其先本漢軍父多倫署提標右營游擊時奉裁漢軍駐防遂入邑籍林為右營把總乾隆六十年護兵船赴

洋至七三擋遇盜奮力迎捕殺三盜已而盜麇至遂遇害死甚慘事聞 賜卹廕祀忠義並祀府城昭忠祠子希佩號曉香

由承襲雲騎尉歷官鹽城營游擊擢乍浦營參將王璞字宛如操行端謹事後母極孝族弟家樹字廷珍幼孤

事母亦以孝聞好讀書與弟家桂自相師友家桂字廷榮乾隆癸酉舉人早歿家樹撫姪烈游庠遇事抗直不阿家樹子

斫字景炎號子乘諸生有應世才絕意進取詩學西崑一變而刻露清秀壯游吳門袁枚王昶亟賞之四十後學益進遽得

疾卒所著見藝文吳階升字南吉幼弱書輒默識之為府學廩生落落有氣骨善書工畫尤以棧道憲衛得名嘉慶癸酉與脩邑志以母憂

哀毀卒

張在中監生黼裔孫幼好讀書遺產悉讓之弟友有逋負代償之子珊諸生篤於內行弟遭部讞病歿未結珊力爲之地事得解卒之日呼子偉告之曰凡事作退一步想弗傷父母令名可爲人子矣顧太史夔爲之傳弟錄郭繼先字慰祖號鏡泉生五歲而孤母儲教之讀年十三位謂母曰兒不克奉養卽成名何益因棄儒而賈然性好書愛蓄研所著見藝文兄及從兄無子爲立嗣引與同居戚屬有困必周之教子若孫務讀書自好著家訓六則有曰天下最便宜處無若學喫虧但自居學喫虧之名而與人以要便宜之號則我仍是要便宜不是學喫虧又曰與人以惠要使人可受不見爲惠若所施一二向人稱說使人難受非所以處人也皆見道語

桂心堂

號一

弟海字榮光皆諸生兄弟友愛心堂嘉慶辛未

重游泮水癸酉與修邑志性方古時號書癡館朱氏文煜弟兄師事之年臻大耋海性惇篤年八十先兄卒皆無子文煜

曹江字百川

號玉錫寶子

特旨給予三品廕生授大理寺評事以檢校

高宗實錄過誤罷職遣戍期滿釋回

宣宗御極起用廢員特授中書科中書京察一等選安徽安慶府江防同知修隄築圩涸出田數十萬畝民感之爲位以祝當塗黃勤敏鉞爲題借蔭圖句云賢守家聲動薦紳下車先爲振窮鱗到今猶借先生蔭活我圩丁數萬人蓋紀實也歷署廬州太平池州等府舉卓異以總運江安糧儲入都引

見退而驟病卒於京遺篋蕭然羣謂無忝清白裔云鉞子富民爲之傳

曹洪志號澹錫桐子弟洪恕號靜洪志工書畫得同里康愷

師承不苟下筆以廩貢入北闈挑取方畧館膳錄館於成

邸議敘縣丞不赴選著有和瑞堂詩集洪恕子樹杏號二工

詩文以廩貢選丹徒訓導遷宿州學正改授金壇遵母氏朱

遺訓獨葺宗祠爲記勒石咸豐六年粵逆圍金壇偕縣屬官

守禦敘功加太常寺典籍銜引疾歸著有國香石詩草

陳元錦字廷銓居邑城父名文長貿易積金爲某所負往索

某匿使妻出媚以求免文長力拒卽焚其券初元錦寡嫂王

以積織紅資四十緡授元錦助公需元錦爲權子母四十載

得五百緡嘉慶丁卯重修尊經閣元錦出嫂金爲倡復以已

資助成後每遇善舉必樂從而處家甚儉素子煥見後傳

陸鍾秀號嘯樓思誠曾孫中嘉慶三年舉人績學工詩精六法

性高潔所著見藝文子巨華字煥虞嗜學好古考三江入海

處增訂禹貢疏中嘉慶十八年舉人性誠篤好爲善洛河及

散賑各善舉無不樂助以大挑選安徽廬江教諭得疾歸所

著見藝文

倪文彬字省齋幼孤有至性居浦濱母命採其從父遺之粟

擔而歸足陷於淖鄰翁掖之出囑勿言以傷母心比長備書

供甘旨盡色養陳母苦節狀邀旌表里人有孝友事實圖

傳其事今附祀孝弟祠子福穰字瀛閭諸生耿介嗜學所著

見藝文以道光十三年節孝闡幽錄多誤悉心校訂成書梓

行又有社倉條議咸豐三年城陷絕粒七日死奉

旨卹廕祀忠義祠

沈向榮字嘉蔭

號欣園

增川曾姪孫髫年入府庠屢薦不售嘉

慶甲戌年七十學使陳希曾極賞其文拔置第一免其覆試

遂食餼與脩邑志所著見藝文子爾祉爾庚俱庠生

張慶鶴字芝軒

號雲汀

虞生工時藝嘗語人曰文有怡好處太

過猶不及也進士趙熊詔曹榮出其門門下多至百人八十

壽辰聯句為百韻詩以志盛晚年操翰弗輟文思濡然子楷

曾字樸堂亦能文年十六游庠未及冠遽卒

劉汲字際可

號書樵

中嘉慶戊辰副榜九薦南北闈不售居京

師十三年

睿廟東巡獻賦五臺山

欽取二等蒙

恩賜綺歸里以著述自娛殫見洽聞有劉書籠之日制舉藝

能以古文法為之道光庚戌重游泮水及部選授廣西鬱林

州州判已卒所著見藝文又著天下拾遺記二十卷書樵小

草俱燬於兵燹

楊大木

號松巖

庠生乾隆間

南巡召試

欽取二等拜荷包端研之

賜著有學庸注釋二卷松巖詩集一卷燬於兵燹

張煥業監生母顧遺危疾煥業焚香禱天割股和葯以進病

獲痊又有監生張濂者十八保五七圖人母陸病割股療之

異母兄旭照亦敦孝友咸豐五年學使奎章給孝友垂型額

閔行張廉

號蔗園

母費病割股愈之與兄德基友于甚篤二十二

保十二圖人張德天割股愈母陸危疾十五圖人黃鑑字子倫割股治父廷珍疾卒不起哀毀幾滅性並以孝稱

唐景時字希三號愛明副都御史瑜十一世孫父爾孝諸生

享上壽重游泮水景時以嘉慶壬申歲貢與脩邑志教二子啟鎬啟鈺俱為諸生啟鎬更名振書字子京亦歲貢温文爾

雅有父風

姜易字蔭臺號連府學增生品行端嚴學問淵博旁精岐黃

堪輿尤善畫柳有姜楊柳之稱與纂邑志子三長祇績學不

售至老猶手輯師友遺文次禕習賈咸豐癸丑壽逾七旬遭

寇幽拘逼索子復乞以身代賊殺之三祺諸生復 旌卹如

例 孫錫恩字樹嘉號杏廩貢生工詩文兼精繪事邑嘉慶志諸

圖皆出其手界畫一準開方為 曾志所未及母張姊適曹洪業均以孝稱見

費恭原名鑑字鏡堂庠生祖相恬澹寡欲享高年恭少孤貧

撫於從父行素潛心學問不苟取與所著見藝文邑令湯燾

給束身砥行額

趙榮字伯期號子秉冲長子嘉慶丁丑進士選庶吉士授內

閣中書協辦侍讀以軍機章京入直旋充道光辛巳順天鄉

試同考官丙戌丁母艱奔喪回里得咯血疾遽卒弟林字茂

仲號君工詩文楷法就東城兵馬司副指揮授雲南楚雄府

廣通縣知縣未任卒

趙棠字衢亨號嘉慶十五年舉人二十二年進士授湖南

石門縣知縣以儒術飾吏治時稱讀書官憂歸服闋仍之原

上海縣志 卷二十一

省遠卒

趙柄字寄權號斗垣文欽從孫父溶四川縣丞柄嘉慶二十二

年進士選庶吉士散館授編脩道光辛巳典闈試乙酉典浙

試癸未充會試同考官先後得士麟魁梁葆慶郁鼎鐘華時

中王篤皆知名擢授福建道監察御史陞刑科掌印給事中

巡視東城卒年僅四十有九兄梅字雪香附貢生任宿松蕪

湖英山等縣縣丞擢知鳳臺縣調懷甯陞亳州歷署六安泗

州所至強暴斂跡有能聲乞病歸居郡城增置祭田義田義

學柄嗣子光勳按察司照磨咸豐十年粵匪犯郡被害奉

旌祀忠義祠梅次子光弼諸生有文名早世

劉樞字星旋號鴻甫祖應壁見前傳樞孝友惇篤嘉慶十八年

舉人考取咸安宮官學教習得知縣母喪服闋知福建安溪

縣積匪謝蘭截劫客商樞至立捕置諸法並焚其巢改福安

縣縣瀕海少文創脩書院購地置號舍課邑之秀者而充其

膏火民漸向學時有海警倡捐脩復城垣礮臺加知州銜

道光癸卯甲辰丙午三充同考官舉卓異尋引疾歸首建宗

祠祭祀必敬同堂兄弟之無後者以子若孫分繼之猶自教

督先後游庠者七八年七十六卒從父漢字桂洲入金山衛

學歸邑庠品正學粹嘉慶庚午

欽賜副榜癸酉與樞同脩邑志

李鍾瀚字景韓號瀛門應培子清癯靜穆績學能文以嘉慶癸

酉拔貢朝考一等授七品小京官分刑部中二十一年順

天舉人補四川司主事洊升郎中以刑律多比例悉心編校

成案總辦秋審遇疑獄必咨決平反與校

睿廟實錄拜宮錦宮養之

賜授貴州思州府地屬苗疆險而瘠心憂之謂民貧則挺走當有以開其源乃教以種飼蠶桑法行杖未嘗過百人號慈

君緣事被劾調取引

見遠引疾歸主講敬業書院年七十四卒著有易安室詩草

李鍾漢字雲倬號子喬鍾瀚弟嗣大宗陽後與兄相切劇中嘉

慶十八年舉人考授國子監正誼堂學正擢助教纂脩國子

監志監督裕豐與平倉外用雲南東川府巧家同知地多銀

礦正經界懲礦匪蠻苗帖服鄧川地震散賑風雨行瓦礫中

徧給無遺迤南多種鴉粟造鴉片上游令督兵鏟除鍾漢先

往諭民自鏟終事不煩一兵借補陸涼州知州充道光己亥

滇閩同考官委運京銅親往易安廠採銅觸瘴遠卒年五十

一所著見藝文

李筠嘉字脩林號翁香生九月而孤母毛撫之成立以例貢生

光祿寺典簿加級封兩代并為母請旌建坊城西南中為

園曰吾園春秋佳日板輿奉母游覽焉時觀察李廷敬招致

名流宴集其中投贈篇什有春雪集六卷所居邑治東有朱

察卿慈雲樓故宅購書六千餘種藏諸樓有藏書目八卷精

校勘嘗斥明姚叔祥輯吳陸公紀易註采及公紀京氏易傳

注為昧於經學數學之別近孫步堂為補遺亦不知考正又

駁惠定宇易大誼以中庸說易之非江良庭尚書集注音疏

之過泥人服其辨里中善舉輒解囊相助弗少恡嘉慶癸酉

脩志同人集吾園供張周至年六十三卒子仁在字子木監

生能詩從孫鍾烈字蓮甫早失怙筠嘉撫教之入府庠貢成

均

朱文烈

號毅侯

嘉慶二十五年恩貢生性恬淡好吟咏嘗以祖

之灝與伯祖之淇孝友無間邑志並稱從無軒輊而道光十

八年雲間孝弟錄獨芟之灝屏不得旌為詩勒宗祠壁間

以示子孫弟文光

號竹亭

附貢生亦以文行著從弟文赤諸生

能詩教二女皆嫺聲韻所著見藝文

郭大勲字炳麟附貢生先世由福建買遷來滬占籍焉力任

地方公事踵起者蔡啟德杜啟貴咸以讀書為善世其家

朱文燾字燮卿之淇孫朝坤子也性慈祥邑有善事必捐貲

為倡而尤重宗親道光丁亥獨力脩葺宗祠嘗慕范文正公

義莊法疾亟誡其家人曰吾家八傳以來收族敬宗規模畧

具所缺者義莊耳宜速成以竟我志妻許氏子增楷等遂捐

置南匯縣田千餘畝為義莊奉

旨建坊如例

朱文煜字卿章父朝相字禮臣布政司理問嘗病噎文煜午

夜禱天父沒廬墓三年嘉慶甲子邑建同仁堂承父志出資

為倡重脩邑志成與從父朝坤捐梓焉道光十八年得旌

祀孝弟祠弟文燮字鼎調府庠附貢生早卒文煜子增沂

號泰

庠生敦文行家漸落善舉必樂從道光二年學宮以颺毀

同世父昆弟捐貲重脩增惠

號春坪

亦慷慨好義如父兄

王苟官二十一保十三圖人父早卒事母極孝家貧傭工以

養母嗜酒每釣魚沽酒以博其歡或以事出夜無不歸母壽

八十二卒哀號不輟人感其孝助之棺衾親負土以葬

王文瑞字輯庭生一歲而孤兄文源字春泉長於文瑞三歲

上海縣志 卷二十一
母張茹苦守節紡績撫孤文源十歲文瑞七歲母以口食艱
令文源習索綯業文瑞寄食舅家泣曰兒不忍棄母而獨飽
也乃同索綯師欲覘其志日給一文錢各置諸囊積月餘市
酒肉奉母母祭其父而後食之比長聚所絞索為肆或告以
朽索雜新麻利可倍堅不肯曰海舶御風全賴此輕人命以
獲利不為也貨者踵至業稍裕販渤海遼瀋間多億中家累
鉅萬兄弟同力養母母歿免喪始析產復交讓其贏并以所
贏奉舅族曰此吾母志也每遇歲歉爭先散賑為母請旌
建坊道光十三年邑人議建總節孝坊祠文瑞曰是與吾母
同苦節者獨力捐學宮西地房改建焉並延能手繪母節孝
事實勒諸石未嘗識字讀書而至性過人若此道光十八年
兄弟均得旌祀孝弟祠文瑞子壽康字保之

號二如晚號還讀老人

幼嗜學入邑庠留心經世刊古文經訓資鏡等集重刊徐文
定光啟農政全書上三吳種植所宜並採荒各策於林文忠
則徐激賞之擴宗祠輯族譜置義莊田贍族每年冬施絮夏
施葯歲饑施粥築法華至城石路羣稱王善人云書法劉文
清曠得神似刻曙海樓法帖皆曠書也招邑中能文者月角
藝於曙海樓刻同人會藝咸豐癸丑避亂居南翔年六十五
卒子慶勳見後傳

陳煥

號經

元錦子幼習舉業父卒兄溥早世乃棄儒力持門

戶兩姪成家始析產絲粟不私遇善舉率樂從道光戊子與
朱增沂倡捐公助賓興計借樂珠書院經費載藝林盛舉
王學聰字達宸弟學敏字尚勤俱監生兄弟友愛甚篤長兄
學慧早世事寡嫂甚謹邑產布商舶販運遼瀋間道光壬寅

上海縣志 卷二十一
海氛不靖商人裹足紅女無以為生學聰兄弟憫焉以巨資
倡各商收之俾得流通民以不困家僅中人貲而戚友稱貸
無弗與邑中賑饑脩城濬河諸善舉無不樂輸學敏為人精
明渾厚尤能教訓諸子讀書成名無鮮衣美食之奉家範肅
然

楊大淵字界清楊師橋人庠生行和而介鄉好爭訟大淵戒
子弟毋干戶外事羣以正人目之從兄沂字泰泉敦行好善
道光癸未歲饑上碾穀平糶借帑採米相輔而行之議總督
孫玉庭允行之屢脩橋梁贍三族輯家譜家訓作孝弟忠信
禮義廉恥八箴有儒者氣象大淵子彙征亦諸生
曹榮庠名耀榮字嘉徵號三培源元孫文筆高超道光九年
進士署河南新野縣改江甯府教授積俸濬學宮河屢空弗

恤也年近七旬卒於任同祖弟耀翔號桐華庠生性樸而廉工
楷書尤善擘策大字出入顏歐間然非其人不輕書雖厚潤
弗受嘗鬻產助兄榮公車費食貧無悔

金樹濤號梅峯又文才華瞻道光元年舉人座主湯文端金
釗賞異之九上春官不遇遂絕意進取陳觀察鑿葺南園為
樂珠書院樹濤增建講堂號舍珠來閣芹香仙館等處並勸
助賓興計偕公費伯兄樹淵號香齋增監生兄弟同居無間言

兼工六法為時所稱與脩邑嘉慶志
王廷銓字花農三林塘人廩貢生規行矩步和藹近人好以
格言訓世著有聽彝錄里居教授多知名士年逾七旬所著
見藝文

翁尊三號問樵閔行人道光十一年舉人為文力追先正閔鎮

知名之士多出其門

林曜字遠村父國鑑習賈而慕儒延師課諸子盡誠敬曜道光十四年舉人性伉爽有才畧壬寅五月西師初退兵奔皆逃土匪四掠亟勸募鄉勇數百人守衛庚戌饑赴西南鄉勸賑甚力

郁松年字萬枝號泰峰恩貢生父潤桂字淮林善居積家累鉅

萬兄彭年字堯號竹泉多才幹有知人稱松年好讀書購藏

數十萬卷手自校讐以元明舊本世不多見刊宜稼堂叢書

兄歿後值癸丑之亂家人盡逃松年守兄柩不去克復後捐

銀二十萬兩請永廣上海學額府學額各十名得

旨允准松年加鹽運使銜卒年六十七子熙源庠生 欽賜舉人先卒

王揆字永錫號洽山少習制藝以國子生十應鄉闈不售道光

六年上海試行海運吏民畏憚揆力任其事陶文毅澍倚重

之事竣不受賞咸豐三年邑城陷巡撫許乃釗駐滬勦賊委

募團練於南門外立一屯收潰勇餘丁之擾民者招民之脅

從逃竄者分別遣撫賊勢以孤乙卯復城辦理清糧採訪殉

難士民詳請 旌卹揆諳練公事而性卞急好面斥人過故

一生不遇所著見藝文

楊守廉號露諸生十試棘闈屢薦不售里居教授方領矩步

不苟笑言所選試帖清華梓行於世又有廩生張春華號秋

修飭如楊而留心邑事著滬城歲事衢歌足備采風焉

張承頤號香端木從曾孫父世求字繼齋附貢生幼孤倚母

氏趙成立陳母苦節狀邀 旌表承頤品學峻潔內行尤謹

親喪哀毀盡禮族鄰以匱告一再助之徵租雖樂歲未嘗取盈歲饑為粥以食餓者咸豐紀元以恩貢生舉孝廉方正授

六品頂帶後避寇海門嬰疾卒

江駕鵬號翼廩生性敦篤樂於為善著苦口良藥以勸世濟

人利物孳孳若惟日不足次子永清嗣兄後咸豐庚申選貢

避亂嬰疾卒

胡式鉅字青均幼敏善讀弱冠游庠工詩古文有四方志歷

游燕趙齊魯晉豫間子迪彝庠生著三統術學使李聯琇序

朱孔陽字寅谷號亦庠生諸翟人授讀吳中某氏富藏書得

徧覽務為考据之學著書經串解歷朝陵寢備考藏於家兼

通地理六壬數術同時有府庠廩貢生沈葵字心卿輯紫隄

村志就汪宜耀舊本而增訂焉於諸翟三界事甚分晰

陳垣弼初名兆奎號莘龍華人諸生性肫摯聞粵逆連陷江

浙慷慨激昂上書言事邑令劉郁膏委辦民團咸豐十年夏

挫賊於閔行西之中大橋賊犯七寶復率漕河涇勇追逐至

泗涇北簞山七月朔偽忠王李秀成率大股從法華徐家匯

犯邑城垣弼方在城領餉劉令戒勿出垣弼曰士民無宿飽

弗出我雖生眾必死乃疾馳去不數里猝遇賊棘手大罵遂

被害事 聞照陣亡例 賜卹入祀總祠

陳常號少諸翟人諸生初緣事被繫擬禡革咸豐十年粵逆

擾諸翟知縣劉郁膏釋常令統團擊賊頗有斬獲賊中有呼

其名招之者大罵不屈為賊槩死年五十四又有文生王萬

康年六十五年五月賊竄華漕罵賊被戕並 旌卹祀

總祠萬康子化雨被擄不屈死祀忠義祠諸翟之擾有教習

益明亦力戰陣亡於大橋
東孫南匪人附見於此

監生張士英武生張式金兄弟行也咸豐十年十一月賊擾諸翟率民團抵禦三日夜力竭陣亡式金年五十一士英年四十五諸翟常青嘉之衝被擾數四自六月初剿賊於北幹山南翔率出境接仗賊不犯鎮至是年十月從江橋至有王文樂一作學係等死之又有張荷者獨據界牌橋力敵三時許被賊刳腹而死相持久故居民得逸亦義士也嗣後辦團陣亡者有八品軍功侯一諤文生楷朱步青又有監生李瑞鳳冊名被賊刳死俱旌卹祀總祠查部咨內有六品軍功進元二名支嘉定人王未詳何籍姑附此

祝映奎號仲武生北幹山汎外委以咸豐三年團防出力加千總銜十年四月各鄉團練合青嘉團民四千人歸映奎統

帶五月二十九日賊至映奎率團民奮擊獲勝手斬四賊六月初一日賊復至仍禦之山下賊竄而西正鏖戰時忽中飛彈死賊亦竄而西是役也殺長髮賊二百五十餘人有坐轎穿繡袍者二人事聞賜卹世襲雲騎尉青邑紳士謂大營潰散以來蘇常郡邑無橫草之固能率眾堵禦者惟婁縣知縣卞乃誦及映奎而已北幹山之戰阻遏賊鋒使羸弱得遷避實賴映奎之力議請於山下葬處立祠祀之並祀邑總祠陳鳳彩字儀堂性伉爽咸豐十年七月二日粵寇至鳳彩與額外周定邦蘇鎮標遊擊陸文龍屯西門外羅家灣賊近放鎗擊之忽驟雨藥不燃遂潰定邦受創投河死鳳彩與文龍且鬪且詈力竭被獲賊以被絮裹身焚死陳與周並祀總祠曹承恩字懷民小馬橋人初應童試不售好談兵粵逆犯境

知縣劉郇膏委統民團咸豐十一年五月奉檄至野雞墩堵禦承恩年已五十八乘馬執大刀奮勇無前力竭遇害從死者十一人郇膏為文祭之有哀哉曹君溘焉長往厲鬼殺賊魂無或爽之語從子烈忠襄辨團練明年正月亦殉難於塘

橋郇膏以一門忠義詳請 旌卹並祀總祠

沈霖字露三漕河涇諸生咸豐十年團練義民部署甚整十一年秋賊乘吳松江淺涸迥而南知縣劉郇膏令各防勇分段挑挖霖工先竣同治三年大濬吳松與其役敘功以知縣用旋卒弟鑑號月督團勇隨官軍克復松郡以把總隸提標營十一年九月陣亡於七寶 旌卹祀總祠漕河局勇有張賊至漕河廟全行執長鎗獨掘廟橋力敵不少卻賊攢架刺之腸腹俱洞

楊家瀚字允卿塘橋鎮人從九品職銜咸豐十一年八月統

帶民團隨知縣劉郇膏浦南勦賊時有已革定遠營總兵馮日坤所部在南橋搶劫民遮道訴於劉卽正法二人所部遂從後襲殺民團家瀚先驅被害劉幾不免馮誣控大府百姓譁然賴大府廉知之事乃白請 旌陣亡三十餘人家瀚得從優卹並祀總祠

喬慎修三林塘人州同銜咸豐十一年十二月率民團至周浦勦賊陣亡是月賊竄川沙高陸行團局潰散文童陶錯集鄰族禦之持佩刀奮殺手指盡落身中數鎗次子汝榮奔救力竭俱死八品功牌趙奉高從九品陶禮垣監生曹啟權徐燮光州同銜蕭兆瀛文童徐銘信等皆被害又高家行諸生徐元超字達甫閉門自經死奉 旌卹又祀有差邑同時有南汝霖買米布為業於龔家路過賊擄婦女行奸向直斥強令釋之遂為所害屍埋積雪中半月賊退始具斂面如生又

休商人鄭霖千為高行主人守賈業賊至主出遊霖
千被逼至死不告以銀所在人皆義之附識於此

陸紹基習賈業性剛直膂力過人咸豐十一年賊未至感憤

成疾及賊至曹家路大呼殺賊手若舞刀終日而死

印學純號挹庠生居寶山高橋鎮與兄學海號錦帆友愛鄉里

俱稱善人同治元年正月賊擾高橋學海罵賊死年七十九

二月賊復至曳學純去戟手大罵數賊罪惡賊怒斷其左臂

洞胸穿喉死年七十三又塘口鎮諸生孫海號古年逾七旬

賊至持刃索金海罵曰我不為盜安得金若盜得金亦安能

享耶海子桐鳳亦諸生早世遺一孫賊曳之去海奮身與奪

被殺後其孫逸歸殮焉又顧家路諸生顧炳璜陸家行諸生

陸文詠並於三年三月被害文詠子諸生慶昌被擄後逸歸

尋父屍殮之泣血椎心遂成雙瞽學純等皆 旌卹祀忠義

龔慶楫字春門從九品銜同治元年正月在浦東塘橋剿賊

陣亡奉 旌卹祀總祠塘橋之役知縣劉郭膏委賈山監生

號不逞成豐癸丑劉麗川亂統帶義勇斌字桂華少居邑城

劉知奮身圖效傷重被戕父有川沙人趙金祥者斌密友也

以軍功保舉藍翎都司奉檄守虹橋以斌在塘橋潛往佐斌

同被害又有瞿雲峯浦東人父紹炎世稱拳勇癸丑亂率法

華勇防剿得六品軍功至是統民團堵賊西鄉多獲勝仗保

舉藍翎把總塘橋之役身被重圍危而能全不自居功歸隱

田里九人

所難云

葛學禮字敬中號格父澄湖習賈好書縱覽子史百家延師

課子必崇經術學禮伏案潛研中咸豐二年舉人一上春官

薦而不售以知縣注選歸參考十三經注疏多所訂正補阮

氏校勘記所未及詩文簡古深厚法蘭西人慕其學以重幣

聘為彼國義塾師仰之避亂鄉居自號寄村懶農會稽宗稷

辰為之傳所著見藝文

沈大木號晚父志明以海商節蓄致富好為善大本兄弟性
 尤誠摯大本年十五有某商誤溢婚數十貫覺而還之僕婦
 少艾暮夜褰帷入峻拒而善諭之卒全其節父歿承命以遺
 費捐善堂道光己酉水災設粥廠偕兄大成以屋數十椽收
 育棄孩聞河南饑載糧往賑埋浮棺以千計咸豐辛酉賊擾
 捕東難民廬至命其弟大立留養數千人賊至則登船以避
 逾年寇退乃遣還全活甚眾長子維楨邑庠生敦樸好善早
 卒

王慶勳字叔彝壽康子附貢生少慷慨有大志以知縣需次
 浙江咸豐二年浙省試行海運慶勳條列事宜事竣以同知
 用三年上海陷浙運將改由甯波以沙船不習甯道慶勳力
 排眾議由劉河出口劉河淺阻請江浙協濟商民便之先後

董辦海運凡八次以賊久踞上海捐資募勇屯羅家灣斷賊
 西竄路隨官軍克復邑城赴浙以知府用加道銜署杭州總
 捕同知六年浙垣寇警復招舊部進屯玉山調署嚴州府葺
 嚴子陵祠興書院桐廬以漕滋事馳至立解建德歲貢某擾
 害閭閻置諸法憂歸杜門卻掃選刊戚友詩集遺文會寇警
 出資團勇駐防綠葭浜為上海援服闋赴浙丁卯八月再署
 嚴州兵燹之後撫卹瘡痍以勞瘁卒所著見藝文弟慶均字
 季平性豪邁能作擘窠書以廩貢試用訓導署太倉州學正
 崇明縣教諭先兄一年卒

李錫增字繼香守備成鳳子以教習洋鎗隊隨劉銘傳軍積
 功至副將加總兵銜並賞給克勇巴圖魯名號同治六年正
 月十六日在湖北德安府尹澧河勦捻陣亡年三十三事

聞照提督陣亡例 賜卹祀邑總祠

葉介壽 號蔭 少習勤苦善治生師王文瑞沈志明之為人市

廛稱長者道光己酉災荒創平價粥店議廣勸同人知縣平

翰給心存推食額豫省水災兩次為汎舟之役咸豐癸丑金

陵失陷難民南下督造草房數百間安插撫養前後凡七載

巡撫李鴻章給立行可模額布政使劉郇膏巡道黃芳並給

樂善好施額晚年布衣蔬食戒殺放生卒年六十七卒前兩月

猶遣親信分赴蘇湖被兵處給米收屍介壽家僅中資所費

多出同人伙助然人每以善門難開為慮而介壽任之非務

求名者已 曹樹珊字海林廩貢生洪梁季子洪梁之官桂林樹珊甫三

歲生母沈掖之隨父任所六歲而孤借兄樹翹扶櫬歸葬勤

習舉業入府庠食餼以家貧親老捐納訓導選授荆溪逾六

載乞養歸侍奉歷十五載方其奉母家居節館穀資贖公產

遷祖坟葺宗祠修族譜皆獨任之董理同仁堂合併輔元規

條井井乙卯舉辦善後兼主泉漳會館庚申總辦團練留養

難民皆邀敘積階至同知銜丙寅秋延理修志局校勘甚詳

丁卯委署昭文訓導逾年復委署丹徒未赴任以病卒年七

十子耀鑾諸生早世著右楣存草

艾德埜字麗春歲貢生可久十一世孫祖如柏字翠庭樂善

好施巡道通恩給仁心為質額德埜幼而好學工詩文遊庠

食餼襄辦地方公事謹慎謙和滬城寇災以乞西師防堵歷

敘光祿寺署正加運同銜 賞戴藍翎丙寅延理志局逾年

病卒子恆錦字雲孫入府庠中甲子順天舉人乙丑會試報

罷歸得疾卒

附五世同堂

蔣性中字用和子六孫二十四曾孫十四元孫五蔣正字

萬曆十七年卒亦五代相見明翁世書曾孫七元孫一孫五

朝咸豐元年卒曹毓秀姚輝第給五世同堂額并跋其事

於端其子特建壽椿堂以娛周象仁子二十三保額并跋其事

現年八十九歲喬國成曾孫一元孫一八同治五年現年八

歲十一

壽民已故受

顧士鵬百餘歲保人道光十五年卒年未詳周兆英二十三保

議叙七品頂戴道恩賜如例卒年未詳周兆英二十三保

八年卒年未詳道光二十沈宏毅字維周嘉慶元年恩榮七

詳莊裕山子二十九保六圖人乾隆四十七年卒年未詳

歲俱兩受皇恩李廷貴字諤臣國朝乾隆十六年卒

巡三十一賞粟帛銀牌八品頂戴沈飛鳳號來儀二十九保四

疾而終年八十三歲前一日預知死期未浴薙髮子泰號

侯允義年九十保六圖人道光二十七年卒額

壽民已故未姓附以李給期頤衍慶額

蔣恩惠字愛愚明嘉清年備倭軍功憲獎蔣繼福字一愚

乙酉年卒周志冲年五保七圖人國朝乾隆五年卒

夫壽顯德時道九保一圖人王名臣光二十保一圖人

鳴岐人咸豐五年卒曹振方曹家路不食而死元年賊至

皆九蘇子方道三十保八圖人侯彩章光二十保二圖人

以上俱九朱士佳年三十保十圖人咸豐李秀章三十保十

十四歲

光七年卒 徐國蒼 年三十保十圖人 道光二十歲 顧天佑 年三十保六圖人 道光八年卒 陳洪能 年三十保十圖人 道光四年卒 沈立山 年三十保六圖人 道光八年卒 周廷珍 年三十保十圖人 道光四年卒 包學其 年三十保六圖人 道光八年卒 八歲 周永祥 年三十保十圖人 道光四年卒 顧成章 年三十保六圖人 道光八年卒 耀宗 年三十保十圖人 道光四年卒 侯士驥 年三十保六圖人 道光八年卒 洪憲 年三十保十圖人 道光四年卒 諸永昌 年三十保六圖人 道光八年卒 曹樹玉 年三十保六圖人 道光八年卒 道光十 陳大周 年三十保十圖人 道光四年卒 錢廷彩 年三十保六圖人 道光八年卒 斐明 年三十保十圖人 道光四年卒 朱錦章 年三十保六圖人 道光八年卒 蘇元龍 年三十保六圖人 道光八年卒 道光十 徐德三 年三十保十圖人 道光四年卒 金紹廷 年三十保六圖人 道光八年卒 人嘉慶二 何文鑾 年三十保十圖人 道光四年卒 張慶源 年三十保六圖人 道光八年卒 朱思英 年三十保十圖人 道光四年卒 張慶源 年三十保六圖人 道光八年卒

十五 金孟公 年三十保十圖人 道光八年卒 德 年三十保十圖人 道光八年卒 圖人 道光 沈岐山 年三十保十圖人 道光八年卒 年 朱炳衡 年三十保十圖人 道光八年卒 卒 以上保九圖人 同治元年 汪宜耀 年三十保十圖人 道光八年卒 臣 道光十五年卒 徐元甫 年三十保十圖人 道光八年卒 道 光十四年卒 張聖德 年三十保十圖人 道光八年卒 道 光十七年卒 何德明 年三十保十圖人 道光八年卒 圖 人 道 張樹周 年三十保十圖人 道光八年卒 蔡蘭 年三十保十圖人 道光八年卒 年 陶進德 年三十保十圖人 道光八年卒 顧玉襄 年三十保十圖人 道光八年卒 明 山 道 光 黃廷榮 年三十保十圖人 道光八年卒 光 二十六年卒 曹河 年三十保十圖人 道光八年卒 光 二十六年卒 陶雲士 年三十保十圖人 道光八年卒

法... 卷二十一

三十保四圖人道
萬煥光二十保四圖人道
阮樹德光二十保四圖人道
朱鳴山光二十保四圖人道
唐

九道光二十保四圖人道
施其遠光二十保四圖人道
王德臣光二十保四圖人道
阮樹德光二十保四圖人道
張漢超光二十保四圖人道

位天光二十保四圖人道
王德臣光二十保四圖人道
楊惠忠光二十保四圖人道
唐廷珍光二十保四圖人道
諸大鳴光二十保四圖人道

圖人光二十保四圖人道
方士英光二十保四圖人道
朱令儀光二十保四圖人道
唐廷珍光二十保四圖人道
諸尚慎光二十保四圖人道

大登光二十保四圖人道
潘英發光二十保四圖人道
朱洪業光二十保四圖人道
汪振凡光二十保四圖人道
曹樹李光二十保四圖人道

耀文光二十保四圖人道
侯承杰光二十保四圖人道
凌鑑堂光二十保四圖人道
張洪顯光二十保四圖人道
張鳳光二十保四圖人道

邑人光二十保四圖人道
林月生光二十保四圖人道
朱慎脩光二十保四圖人道
張鳳光二十保四圖人道

鳴光二十保四圖人道
張炳堂光二十保四圖人道
莊達天光二十保四圖人道
戴昆元光二十保四圖人道

卒年八十五歲
汪永安光二十保四圖人道
張楚珍光二十保四圖人道
張佑周光二十保四圖人道

沈復雲光二十保四圖人道
張瑞珍光二十保四圖人道
張世仁光二十保四圖人道
張楚珍光二十保四圖人道

卒年六十歲
陳思成光二十保四圖人道
張時榮光二十保四圖人道
劉桂林光二十保四圖人道

周道光二十保四圖人道
丁源光二十保四圖人道
朱國榮光二十保四圖人道
劉桂林光二十保四圖人道

卒年七十歲
姚士剛光二十保四圖人道
徐文周光二十保四圖人道
徐廷三光二十保四圖人道

陸惠良光二十保四圖人道
徐文周光二十保四圖人道
徐廷三光二十保四圖人道

壽民現存受
徐三秀光二十保四圖人道
徐廷三光二十保四圖人道

年二十九歲
徐三秀光二十保四圖人道
徐廷三光二十保四圖人道

年二十九歲
徐三秀光二十保四圖人道
徐廷三光二十保四圖人道

年二十九歲
徐三秀光二十保四圖人道
徐廷三光二十保四圖人道

年二十九歲
徐三秀光二十保四圖人道
徐廷三光二十保四圖人道

年二十九歲
徐三秀光二十保四圖人道
徐廷三光二十保四圖人道

年二十九歲
徐三秀光二十保四圖人道
徐廷三光二十保四圖人道

海縣志 卷二十一 保四十二圖人子六孫十曾孫七

周鳴岐 同治元年 恩賚束帛五現年九十一歲

喬漢榮 治二十五年 保九十一圖人同宋廷彩 二圖八保十併

嚴尚卿 治北五年 現七十九圖人同陳昭瞻 保六十二圖

沈鳴周 詳治以上俱現存八十五歲 朱煥文 保六十二圖

陸廷仁 治北五年 俱現存八十七歲 馮明高 保六十二圖

馮學如 五年 現存八十二圖人同

馮順天 五年 現存八十二圖人同

張德文 現存五年 馮全 保二十三圖人同

張朝 八十二以上俱現存八十二圖人同

棟 八十二以上俱現存八十二圖人同

徐樹柏 八十二以上俱現存八十二圖人同

唐茂如 八十二以上俱現存八十二圖人同

黃泰山 治二十五年 現存八十二圖人同

張克榮 保之象裔孫二圖人同

顧學湘 二十三圖人同

洪君望 二十一圖人同

曹天錫 二十一圖人同

唐家榮 二十一圖人同

包應元 二十三圖人同

許天祥 二十三圖人同

張耀宗 六圖人同

陳茂昌 現存八十二圖人同

曹敬庭 現存八十二圖人同

諸廷章 現存八十二圖人同

范德昌 現存八十二圖人同

褚茂芳 現存八十二圖人同

徐萬京 現存八十二圖人同

張春圻 現存八十二圖人同

張春圻 現存八十二圖人同

張春圻 現存八十二圖人同

備考

蔣訥 字其吉 康熙時年 蔣世濡 字貞石 齒落復生 卒張玉

夫年八現存 夫年八現存 夫年八現存 夫年八現存 夫年八現存

夫年八現存 夫年八現存 夫年八現存 夫年八現存 夫年八現存

夫年八現存 夫年八現存 夫年八現存 夫年八現存 夫年八現存

夫年八現存 夫年八現存 夫年八現存 夫年八現存 夫年八現存

夫年八現存 夫年八現存 夫年八現存 夫年八現存 夫年八現存

夫年八現存 夫年八現存 夫年八現存 夫年八現存 夫年八現存

夫年八現存 夫年八現存 夫年八現存 夫年八現存 夫年八現存

修八十三歲

周曜均

字麗天二十三年卒年八十餘歲

同治上海縣志卷二十二

藝術

儒者志道之餘必兼游藝技而進於道者古有之矣邑人士相語輒曰某也精於某某也善於某然則一藝之長亦與德功言同不朽乎今故博搜廣摭都為一編庶幾專門之業弗替於方來良弓之子有傳於曩哲若夫閎通淹雅之士大節卓犖雖有兼長不廁於此志藝術

宋

何侃

明

章瑾子彪

顧子昇

沈政
顧應文

喬鎮

璩之璞

俞寰

秦昌遇

朱國盛

沈世隆

徐延賞

何鑾

丁遠

陳鯤

盧金

李延是

沈亮

姚蒙

陳常

胡維璧

蔣傳賢

陸友仁

奚鳳鳴

吳易

方叔毅

曹揚廷

李中梓

褚士寶

從曾孫如曾

吳泰

葉有年 傅

國朝

徐錦

談上都

張兆元

邢國美

葉長源

童蒙亨

姚斌

俞宗禮 孫肇慶

董杏芬

毛漢齊

徐子瞻

閻印樞

秦君美

李蕃

張兆龍

賈淞

顧昉

曹煥曾

徐熙景

朱士炘

沈元裕

葉自堯

朱元賓

平希豫

滕開基

李用粹

父贊化 族邦俊

顧行

唐玉書

侯良暘

張智錫

唐成封

楊志遜

孫錫海

顧承仁

沈璠

徐大楫

陸天錫

父濟 族培厚

楊錫祐

子岡

施不矜

王睿章

張以愷

強行健

黃元裳

曹友仙

王永豐

唐朱藻

倪克讓

吳斐章

程宗伊

吳磐

徐勛

王繪

徐智 姚仁

沈日章

張希賢

羅九成

吳志泰

金理

王敬義

李枝源

沈德祖

李桂

趙秀

張深

曹錫爵

周泰

趙易新

唐音

曹培源

從弟培琇

丁詩

賈振元

莫樹培

金仁榮

張克振

瞿應紹

王恒榮

蔣韞山

朱丕承

附載 諸煥章

周鑑	唐衛尊	唐文格	陸維城	沈奕藻
王鳳岡	周思恪	張紹廷	姚懋楷	胡可權
方成美	張煥文	王紹雲	姚懋楷	顧曾獻
朱必鑑	曹煥雲	夏紹雲	沈煥	董廷桂
曹洪直	吳志華	程松	曹樹李	潘其彬
盛彥棟	陸德三	陳和	姜宗陶	葉嘉言
潘璵璠	張良源	王也	張宗陶	康嘉言
徐振勳	陳青傳	張士璧	潘宗陶	陸敬煥
山文中	陸大木	周堯載	曹世曜	姚爾濟
徐王臣	陶大椿	喬堯新	劉炳義	姚爾濟
顧西亭	王大椿	鄒大銘	張化麟	曹堯
張右陶	王大椿	鄒大銘	張化麟	陶南珍
張善六	王大椿	鄒大銘	張化麟	俞朝宗
朱安吉	王大椿	鄒大銘	張化麟	俞朝宗

宋

何侃字直哉青龍鎮人由儒士選授嚴州淳安縣主簿歸隱於醫何氏以醫名自侃始據府志引青龍何氏家譜補

明

章瑾字公瑾棗之後徙李墟五甘志逸作華亭人能詩草書法二王尤善畫或頃刻可就或數日不著一筆蓋張可觀後一人而已

徐樞字叔拱自華亭移居龍華里其先宋漢陽守熙遇異人授扁鵲神鏡經遂有所悟父復號神翁元醫學教授樞傳其術兼學詩於楊維楨洪武二十七年召授秦府良醫永樂十二年改棗強丞明年因薦入太醫院掌御藥尋掌院事宣德元年告歸省墓宣宗賜以詩年八十致仕賜金帶遣中官護行又七年卒子彪字文蔚少從父入秦正統十年薦入太醫院時代王允病瘧又昌平侯楊洪在邊疾篤受詔往視皆不旬日而瘳遂留御藥房十三年擢御醫景泰二年遷院判嘗侍禁中景帝問藥性遲速對曰藥性猶人性也善者千日而不

足惡者一日而有餘問攝生以固元氣對其諷諫類如此志府

云先是樞為羅高所構逮繫詔獄彪年十五上書請代六年

預脩中秘書錄彪子塔為監生次子墳亦有名後其裔有名

偉者嘉靖中太醫令樞府志作南橋人

沈政字文正新場人永樂時丁文膺薦為太醫院士上鑒其

忠誠陞御醫晉階迪功郎據南志補

顧子昇居橫雲山明九章算術永樂丙戌召試第高等充戶

部令史後官福建泰甯縣丞以老乞致仕曾孫曦能世其學

有詩名據府志補薦表

顧應文字石泉善畫人物山水尤精釋道像脫去習俗識者

貴之宣德中徵至京未幾謝病歸據府志補薦表

喬鎮字孟安邑庠生以醫名偶步郭外見昇殯者有血自棺

縫流出詢知為貧民婦產三日不下斃而甫殯鎮曰可活也

夫至大喜就樹下啟棺鎮出藥灌婦口團艾炙其臍兒嚶然

下男也婦亦旋甦時人神之鎮以下世為名醫其族有名節

者字西墅節子鼎字中立皆徵為太醫院供奉寵字月湖尤

精醫世居邑城繡鞵橋西製藥濟人無不治者人號所居為

藥局街據重禧補澤堂文集補

沈亮字克明號菊性孝友貌古如心工醫病無貧富必實心

治之求其愈而後已遠近就醫者無虛日年五十有司刻名

於旌善亭給扁額邑士欲以鄉飲舉固辭宏治十八年年八

十三恩賚冠帶八十七鬚髮重黑復生二齒面如童顏正德

辛未年八十九無疾而逝子天祐號杏附見孫雲列傳據沈氏家

譜補

璩之璞字君瑕楷法妍雅善畫山水兼工翎毛及水墨花竹筆致矜貴精於摹印在吳門文氏伯仲間人品高潔不趨榮利時論多之

姚蒙字以正家百曲港善醫尤精太素脈都御史鄒來學巡撫江南召蒙視疾蒙素有風疾鄒曰汝亦有疾何不自療曰是胎風鄒即引手令診蒙卻不前鄒悟呼座坐之診視畢蒙曰根器上別有一竅出污水鄒大驚曰汝何由知之蒙曰以脈得之左關脈滑而緩肝第四葉有漏通下故也鄒始改容謝之乃求藥蒙曰不須藥至南京便愈以手策之曰十二日可到鄒解其意即行果十二晨抵南京而卒蒙臨終作謝世詞警悟超脫蓋有所見云案百曲港通南匯奉賢二縣境故並見二縣志

俞寰字允甯樸愿沈靜喜讀書工詞賦凡醫藥卜筮斲琴刻篆無所不通然不求人知終歲不一入城府故人亦少知之者顏志作青村人郭府志奉賢志作邑人

陳常字用恒漢成里人世業儒嘗傳其外氏邵艾菴醫術遂名於時永樂十四年遣使下西洋以醫士從歷洪熙宣德間凡三往返恭勤愿愨上官皆器重之所歷自占城至忽魯謨斯凡三十國子經字宗理世其業

秦昌遇字景明居北門外少善病因學醫治兒科有神效已而徧通方脈不由師授妙悟入微嘗行村落間見婦人浙米使從者挑怒之婦人忿詬昌遇語其家人曰若婦痘且發當不治吾激其盛氣使毒發肝部耳日下春時應見於某處吾且止為汝活之及暮如其言投藥而愈又青浦林氏子年方壯遇視之曰明年必病三歲死亦如其言名動四方然未嘗

自多謂法當死者雖扁盧不能為苟有生理勿自我死之可矣為人瀟灑自適預知死期卒年六十初嘗出遇佃民將鬻妻相持而泣問曰吾不責汝租何乃爾佃曰將自活也乃出囊中金予之所著見藝文從孫之楨亦精於醫撰述甚富胡維璧字國雍工真草法神宗時太后給高麗磁青牋敕寫金剛經書成賜賚有加當國者欲引前尚書張電故事薦用維璧固辭子訓之字無競能世其學凡廨廟顏額多出其手孫懷國以醫名

朱國盛字叔韜萬曆三十八年進士歷官太常寺卿善畫山水得小米筆意董其昌嘗題其畫云叔韜作米虎兒墨戲不減高尚書閱此欲焚吾硯其推許如此

蔣傳賢號西野二十一保人精於琴棋游歷天台齊雲廬山諸

名勝指法益進年登大耋

沈世隆字維昌原名隆孝宗御筆改名世隆翰林學士度之

曾孫也祖藻字凝清善書以度廕為中書舍人歷禮部員外

郎世隆亦以善書承其家學孝宗雅愛度書訪其後得世隆

召至京試中庸義楷書早朝詩稱旨授中書舍人直內閣典

制敕文字正德中與脩國史忤劉瑾罷瑾誅復原官參府志案

度為易子府志易傳云長子度子孫世居郡城次子榮子孫又居衛城大石村是度之後皆屬華亭人也而府志辟薦表

陸友仁名輔以字行大理少卿沈榮弟子也善楷書官中書

舍人遷禮部主事據府志辟薦表補

徐延賞字元識好養生言因精岐黃術常熟令楊鼎熙病醫

二母系志

久弗效延賞三劑起之吳松朱文達素無恙一日忽神思有異晚而歌笑不節延賞曰此陰火乘肝晚動也予平劑遂復以延致者多供具作戒殺文以勸世授太醫院御醫董其昌贈詩雅重之子霑恩世其業

奚鳳鳴少業瘍醫能察人氣色預知病日川沙副將蔣其仁嘗患背疽復發鳳鳴視之曰此昔年蘊毒故肌理墨腊也治之月餘而瘳膚加澤焉其仁弟時在坐鳳鳴視之曰君不出三月疽發背矣及期果然鳳鳴常言癰疽中潰積腐四周非吮之不得盡故治病必募人以酒虛口而吮之有張姓者左足拇指瘡三年不能行鳳鳴以刀破其患處抉出一蜂遽步起其神異類如此

何鑾字廷音侃四世孫也世傳善醫尤精太素脈龍華張副憲以金釧飾雜僧腕試之鑾診曰此脈清如水珠乃方外孤了也張歎為神又嘗視馮督學疾能知其父以暮年得子及病所由起云從曾孫如曾亦善察脈某疾六脈俱沈如曾曰經稱雙伏乃陽回吉兆也一劑而愈據府志補

吳易字素友一作素侯董其昌門下士也書畫得其神骨其昌見之莫辨其真贗也崇禎時授文淵閣中書舍人後游四方卒於粵同時以書畫名者吳泰字延之為董其昌陳繼儒所推重著有研廬稿摹董蹟為帖亦名研廬明末徵為御醫歸隱郡城葉有年字君山工山水亦為董陳所重肅藩聞其名聘至秦為繪圖築苑名勝甲八郡後歸石筍里又有傳廷彝六竈人工擘窠書入晉唐之室

丁遠字自邇立品高潔精繪事從喬一琦遊嘗作俺答款關

圖一琦戰死歸隱西郭繪一琦像瓣香奉之張宸爲之傳子
曰章字伯含亦以畫名孫世武字漢功世祿字逢吉世緒字

昭服竝妙傳神相繼游京師名重一時

方叔毅字百里工貌人物神氣生動嘗游錢塘擔荷者竊其
行李逸去乃寫其形揭之城闔見者皆曰是某坊陳二也因
捕得之卒年四十餘

陳鯤字悟泉性强記會倭亂習數學尤精六壬決策奇中徐
文貞階旣謝政值張博構獄鯤占之得六儀曰其兆太陽當
位羣陰乃伏有兩貴人佐之某日夜半必獲美信及期果報
高拱被逐夜漏二十刻也張宮諭以誠未遇時鯤決數謂當
大魁天下徐文定光啟姚布政永濟皆於窮困中識之後悉
驗予三省孫杰能世其學

曹揚廷字楚石幼習經史改業醫有神解所投立起時人重
之禮部劄給冠帶子文倩有文名

盧金爲嬰醫沈虛明弟子與華亭王一鵬齊名惟命奇蹇凡
遇貧窶之家乞其藥立起若受人銖環之贈卽證候變易相
反以此窮困終身

李中梓字士材南匯所城人父尚袞見前傳中梓本諸生有
文名因善病遂自究醫理輯張劉李朱四大家所著書補偏
救弊薈其精華金壇王肯堂亦精於醫年八十患脾泄中梓
診視訖語王曰公體肥多痰愈補愈滯法宜用迅利藥盪滌
之乃用巴豆霜下痰涎數升頓愈又曾藩病時方盛暑寢門
重閉床施氈帷懸貂帳身覆貂被三重猶呼冷中梓曰此伏
熱也古人有冷水灌頂法今姑變通用石膏三斤煎飲作三

次服一服去貂被再服去貂帳三劑已盡去外圍遍體流汗

遂愈其神效類此年七十餘作偈端坐而逝所著書十六種

並見藝文其診脈要訣口授門人董宏度尤西堂醫書序云

中副車者二前志貢表不載錄以備考又前志遺事云白下

姚越甫以子療悼之過甚忽得疾兩目失明診之曰此

傳屍也與藥下盡如小鼠者三枚兩頭尖者數枚始平復鞠

上舍抑鬱蒸熱如焚日墜語言戶外事如見診日肝脈沈此

名離魂益弱而竟不能藏遂飛揚而上越當急救肺金之

燥則魂歸不難耳投劑即瘥中年徧參尊宿傳衣於費隱老

同時有金時掄字仲材

精方術與士材齊名

李延是字辰山號寒原名彥貞大理評事中立子中梓從子

也少學醫中梓撰方書延是補撰藥品化義醫學口訣脈訣

彙辨痘疹全書四部刊行之曾走桂林任唐王官事敗歸遁

跡平湖佑聖宮為道士以醫自給晚與朱檢討彝尊善舉所

著及藏書二千五百卷昇焉卒命弟子用浮屠法焚而瘞之

塢塢在東湖濱朱題曰高士為之銘

褚士寶字復生膂力過人嫻於武藝尤長槍槊及手搏技與

畢昆陽武君卿齊名福王時以同里員外郎何剛薦授伏波

營游擊未之官而南都破遂終老於家所傳弟子有王聖蕃

池天榮池又傳於浙江提督喬照今槍譜二種及藥酒治傷

方猶有藏者

徐錦字悅生陸家行人隱於醫與莫秉清相友善莫有戚病

療延他醫鍼左肩即悶絕鍼亦不能出莫令速延錦錦取鍼

鍼其右肩遂拔左鍼去右鍼病若失又有一鍼絕奇人或暴

亡有未了事須自言者取鍼某穴即甦俟言畢抽鍼而絕臨

不甦後試他人亦無驗沒後有鄰婦噉雞卵過飽越日病醫

藥罔效其夫夢亡父邀徐來視曰宜煎淡豆豉服之如法而愈錦無子妻老每至困乏必有叩門贈錢米者謂徐先生嘗愈我病也亦能詩所著見藝文

閻邱樞字慎所居周浦性孝友善醫刀圭所及沈疴立起同時董其昌陳所蘊皆有詩文序述之據府志補

談上都字仲和官把總崇禎七年獲流寇徐曹兒等於安慶以功游歷游擊致仕歸習賤業遨遊公卿間姚方伯永濟為

作像贊曰貌樸而神強形短而技長曾樹績於疆場旋解綬以歸鄉傳侍郎之賤法乃遨遊於四方據府志補

秦君美九圍人精武技得少林內堂真傳時倭寇流劫四鄉君美與同里季朝仁金某分扼要路截殺之倭不敢犯一鄉賴以全君美尤善傷科亦少林傳也瀕死無不應手愈子孫

繼其業至今稱秦氏傷科云據府志補

張兆元字完赤世業幼科論陰陽五行生剋之理變通精粹

求診者無虛辱崇禎間以巡按張春階薦任太醫院吏目子

堯時孫禹功世其業據府志補

李蕃字价人世居竹崗工繪山水人物平居惜墨如金不肯

輕作獨葉忠節李待問九歌法帖東皇太乙諸像皆出其手

據府志補

刑國美號東凡所城人善畫人物得吳小仙筆意時人珍之尤

好吟詠亦以詩名據府志補

國朝

葉長源字天來杜浦亭人精幼科著有儒門保赤一書康熙

丁亥

聖祖南巡長源仿古隸書獻

聖主御宇頌百韻蒙

恩獎賞據南志補

張兆龍字震獅事親至孝洞曉素問能決生死工導引邑中

稱神術年八十無疾終子天衢天樞世其業

童蒙亨字以行善醫凡遇疑難證能出獨見療治之歷有奇

驗性尤篤實人稱長者孫攻諸生有文名

賈淞字右濬明天啟辛酉武舉威孫庠生敦品績學能詩善

畫與王圖炳交最契著有獨學編燕雲集其山水得董華亭

秘與沈士充顧若周稱雲間三家據川志補

姚斌字文侯周浦人善弈嘗在太倉王原祁處與婁子恒對

局原祁摹梅花道人畫為獎勝具婁負一子乃贈斌有弈譜

行世據府志補

顧昉字若周居石笥里山水師董巨源出入元四家骨氣清

厚游京師與宋駿業王翬輩齊名手繪

南巡圖嘗作徐疑廬山詩意圖王翬推為傑作同里有葉自

堯字階英寫山水有率真之致

俞宗禮字人儀工寫人物得龍眠白描法嘗以水墨畫仙佛

入神品有耕織圖進 呈子鶴繼其學據府志補

孫肇慶字友章精鍼灸為太醫院御醫

曹煥曾字祖望增貢生理藩院知事好神仙術能出陰陽神

預知人生死張真人授為贊教嘗為人敲五通神神空中云

汝幼時即為吾害老復害吾耶因憶七歲時曾壞神像云七

旬後語人曰生平苦吟傷心嬰兒姪女相離矣一日無疾逝

著有長嘯軒詩集子培鯉著有尺木居詞

董杏芬名燧以字行沙岡人甫能言矢口決雨晴即驗長能文康熙間獲異書二帙讀之得仙術為鈕星若家塾師時有羽士來訪貌皆異常人亦絕不聞其語嘗取小石演八陣圖以蠅投之莫能出鈕欲購金陵絳絲以聘婦顧時已迫杏芬請行乃持銀閉戶戒勿擾越宿挾絳絲出其書秘不示人或竊窺之不可識一日書忽自焚乃曰我將死死三載後可焚我及焚棺中僅一鳥在後里人有見於吳門者乃知其尸解云先是董族有貧者杏芬教取杏核去其仁納藥於中燒之成銀如仁大曰此可度日耳慎勿告人後其人死遂無傳焉徐熙景字唐運一名照字明遠號謙工詩善書長於籀篆性極迂僻乞書者即素交亦辭之興至縱筆數十幅不厭其書

以穉為老以疏取姿以亂趨勢以脫示變縱橫披放熟至法生有欽崎磊落致嘗背臨逸少告墓帖自謂奪真其子里刻之於石里字仁美能畫

毛漢齊字奕蒼川沙人博學能文工詩善楷法以雍正元年歲貢教授鄉里據南志補

朱士炘字式亭諸生工行草國初善書諸家大都法二王而士炘獨好米南宮下筆恣縱結體遒勁

徐子瞻性沈靜對人訥訥若不能出諸口善醫凝神按脈斷生死不爽時日俗稱徐仙康熙間舉鄉飲賓

沈元裕字介徵有長者風邃於醫理邑稱李劉徐沈為四家謂中梓道深子瞻元裕也而元裕尤稱神妙孫左城繼其業

同時有朱元賓者號晴菴狷介能詩為忌者所擠雖精醫常不

售曹一士挽詩有驚人句好名終晦起死功高室更貧之句
平希豫者善用秘方時稱平怪輯經驗良方行世與夏澤生
俱以善醫名

滕開基字晉師性愛菊多佳種花時羅列一室縱客游賞管
接無倦善畫能詩嘗自題山水云綠樹陰濃接遠山水聲雲
影有無間高人自得閒中趣曳杖溪橋獨往還可想見其胸
次云

顧行字書紳隱居城南蒔花種竹工書善摹晉唐各帖年九
十猶作小楷遠近稱之據南志補

李用粹字修之性父贊化字與參雷波人工醫前明崇禎
間以叔大宗伯金峩薦召見賜中書舍人晚年僑寓邑中刀
圭所及沈疴立起性樂善有還遺金完破鏡諸事用粹紹其

術嘗著證治彙補等書商邱宋學巡撫江蘇延至幕府臨歸
書孽窠五字贈之曰行賢宰相事子揆文孫春山俱世其業
又邦俊者用粹從兄弟行也字彥章亦業醫五十餘年活人
無算訂正胗家正眼證治彙補成一家言年至八十六卒孫
楷字獻葵傳其業楷子廷璧字環英切脈極審慎乾隆間大
疫治多效

唐玉書字翰文醫術神妙所著詩文集醫書均見藝文子宗
泰字宏文太醫院吏目孫爾岐字臨照世其業

侯良暘字石菴工書善畫驢畫用草書法別出新意山水亦
蒼秀據府志補

張智錫字學之以鐵筆見稱得秦章漢篆法渾厚遒勁有蠶
尾盤屈之勢

楊志遜博覽星卜地理諸書尤精六壬數多奇中貌清癯終身不娶好丹經年八十無疾而卒

參府志

顧承仁字壽卿著有幼科精義四卷知名於時子琳世其業邑令李發枝給春生繡襪額又有唐成封者字聖襄年逾七十保嬰甚象子

麟書繼之

孫錫海字象可二十二保人性恬雅少習舉子業中歲怡情

筆墨山水人物靡不渾厚

據川志補

徐大楫字若濟樞之後也少敏悟承其父天澤教解靈素諸書活人甚多所著見藝文子兆魁孫鳳如金臺皆能世其業沈璠字魯珍一團人性伉直晝視病夜參方書無不效先是李中梓言近人元氣薄尚溫補璠謂邪留不去則成爲寶補之病將日甚又經言治病必求其本乃受病之本非專指脾

胃而昂火抑水爲不得其平虛有陽虛陰虛而謂大虛必挾寒者謬經言頭痛耳鳴九竅不利腸胃之所生此義有虛有實如因痰血食積者俱宜清胃爲治其他指摘皆原本內經切中士材之失浙鹽使噶爾泰血痢月餘用參至二斤轉劇璠以脈實朝用香連晚用保和丸愈之有老婦八十餘聲氣皆實如前法亦痊所著見藝文

楊錫祐字介眉工醫根據古方參以已見危險之證應手而愈貧者求診必先往人高其誼所著見藝文子朝輝朝陞孫士傑字侶三俱傳其家學

陸天錫字思順武庠生深六世孫父濟字公謙畫宗小李點染人物極工天錫制行端方工書法得趙吳興三昧遠近珍之年八十餘猶臨摹不倦子文然字裕可亦善書畫能世其

學又培厚字德載深七世從孫書宗趙吳興雄健處兼得顏平原之秘其遺跡世共珍之

王睿章字曾麓航頭人善鐵筆與莫秉清張智錫相鼎峙卒年九十八有醉愛居印賞子岡字南石善繪山水極高古嘗游京師爲董文恪邦達客凡畫苑供奉作半出其手得意處近於倪迂舊志載善寫禽魚花木爲時所稱者特其餘事耳施不矜字履謙維翰從子也幼總慧神於醫有扶父病來診者施曰汝父無恙汝色青三日後當暴亡果如其言又有娠婦腹痛診之曰此非人胎臨產二蛇焉劉夢金張以愷皆其所傳所著見藝文兼精地理工詩詞畫花卉絕佳近人多宗之

強行健字順之號易窗仿宋元諸家山水縝密有法尤精醫宗

朱震亨說著痘證寶筏傷寒直指分隸亦高古尤工繆篆後改名健

張以愷字林蓐洋涇人聰敏善記誦學醫於施不矜頗用李杲法曹錫寓幼時痘將死命置釜甑上片時以融雜綿絮擁之一僧喉閉三日將死以雞毛蘸桐油攪之出痰如節皆活居家儉而遇貧病者輒助藥貲年八十九無病卒著醫方論解林蓐醫案尤好弈輯有名家碁譜子兆杰字季英嘗愈邑令孫思庭母病得名卒亦七十餘歲

曹友仙善鼓琴搥鼓吹鐵笛嘗於中秋月夜援琴鼓之神傷而聲噤以殺有鬼物自几下出斷其絃又嘗泊舟槎溪聞絲竹聲技癢不已出鐵笛吹之岸上人擁至邀入場中曰先生真仙笛也某等專此技十年今日拜下風矣

黃元裳字遇吉精醫有奇驗雖鄉僻處延之卽往貧病不受
酬年八十餘有內經集注等書子萬育世其業

唐朱藻字端亭庠生有文名尤精醫用藥詳慎曰庸醫殺人
忽故也子爾貞字幹夫得其傳著有傷寒會集亦工書

王永豐字穗昭通方脈尤善治兒科凡遇疑難證必詳審而
得其故全活甚眾傳其徒潘采昭曹廷璋而潘尤知名潘字
漢成

程宗伊字紹南泛濫古今醫書以意參之得神解遇沈疴投
劑立驗李枝源其徒也畫梅得古意子珩從子丕杰恩貢生
皆繼其業

倪克讓名世式以字行善弈父曰廉亦喜弈輒令先應之縱
橫一二卽轉敗爲勝克讓好潔聞人咳唾卽驚走然衣垢不

知浣至老不娶所居一木榻終日危坐亦能詩畫不多作時

人號爲倪癡又有吳斐章者閔行人人以其渺小號吳小困

嗜弈初遜倪後從海甯施襄夏游遂與倪埒耽酒以醉死

吳磐工吟詠善繆篆亦精卜筮少常幕遊歸里後罕與人接

居西城隅一室外菜圃荒陂幽僻有隱者風

徐勛字紀常少有膂力八武庠累試不第乃棄去作人物花

卉畫間仿仇英山水亦工細好度曲嗜酒嘗轟飲累月人求

畫不輕與或不求而自與之其性然也

王繪字素如監生學宋元人小景饒有氣韻間作詩亦工從

之游者徐智字周範亦工山水兼擅四體書繪又能鼓琴嘗

以數操授喬進士鍾吳而與布衣姚仁爲同調仁字幼常工

詩善易所居老屋數椽常待友朋舉火然性介未嘗往干也

卒年八十餘所著見藝文

沈日章字中美亮裔孫世業醫三十喪妻不復娶晚益自刻苦貧者邀之立至不計酬且施藥也卒年八十五子啟占字

恒勛傳其學有名年亦至八十八

張希賢字若愚號石布衣善洞簫鼓琴古今體詩排彙跌宕

游京師無所遇惟與宋文正珪曹御史錫寶善時朱尚秀才

曹作中書也既而歸益困時有羅九成者能吟詠家藏書畫

法帖甚富希賢嘗主其家著有疏寮稿九成子燾字苟四號春

淵監生工行草擘窠書兼長詞曲詩亦豪

吳志泰字譽吉監生洋涇人業小兒科決痘疹不一爽有富

人獨子痘發危甚志泰視之曰依吾法兒當生遂令移兒至

中堂蒸茅灰布地覆以雨蓑卧兒於上囑守者俟痘瘡發臭

移入寢室投以藥果痊子朝幹字南英監生孫寶海字闇如庠生皆能世其業

金理字天和能詩精醫尤擅幼科所著見藝文同時范大德

字尊一居塘橋鎮世業醫治目疾有驗子得方字浩千孫鍾

望字光照從曾孫錫衍字香山俱以眼科世其業

王敬義字協中從劉夢金游得醫術聚書數千卷丹鉛不輟

就治者駢集有神醫稱構浦濱息廬蒔花種竹神致蕭然年

至九十而終所著見藝文子筠字瞻棗亦以醫名貧病者往

往攜貲助之孫健邑庠廩貢生書法董其昌工山水曾孫桐

府庠生繼其學

李枝源字天和號春監生精醫理博覽諸家書以為無出仲

景範圍者治傷寒應手輒效所著見藝文子調梅舒亭皆能

世其業

沈德祖字王脩業儒不得志託於醫座間偶診無病人曰君將大病其人不信未幾果病又百計出之於險其神解類如此所著見藝文

李桂字蟾客二十二保人諸生孝友任郵兼精幼科嘉慶十六年重游泮水卒年八十著有痘疹秘錄及醫案子熊廩生亦精幼科著有金鏡錄約註

趙秀字文楚號君實附監生考職州同嘗從張照游書法日進幾於神似據范志補

張深字嘯園能詩工篆隸有麗雪牋詩詞集尤善切韻子梓字幹亭號瞻園亦以能書名據范志補

曹錫爵字廷諫錫寶從兄也書法趙吳興晚臨二王兼能醫

子洪灝字友梁承父醫學善治難證前志見類傳孫樹淦字對揚從王瞻棗受業亦以醫名於時

周泰字天錫精外科傳其徒曹洪御泰兼善畫蘭竹同時有趙易新者亦精醫而善畫菊人有周蘭趙菊之稱洪御子樹瀛字士登亦以外科名雖奇險無弗效傳其業於門人高瓌字春泉皆能宗周氏之法行於時

唐音字載賡隱居讀書能詩善章草得二玉法臨池揮毫無虛日至老不倦

曹培源字浩修垂璫孫秉鐸太倉為王侍郎原祁館甥繪事肖婦翁而稍變其法鑒賞家有冰清玉潤之譽從弟培琇字玉川性謹厚不隨時趨畫師黃子久

丁詩字韻堂少孤貧母竭十指入教之讀窮治經史於陰陽

圖緯王遁風角之術無不窺爲人卜多奇中每日盡卜貲沽
酒市脯母子垂簾向酌頽然皆醉以是爲歡母卒拊棺嘔血
遂病狂書其母奇節苦行拉雜千言授所知遂走百步橋沈
水死

賈振元字新堂

號春江

邑諸生性耽吟詠尤喜考据家貧不能

購書每見善本必手自校錄之課徒之暇旁涉堪輿取酬不
苟有延之者輒曰佳地須有德福非我所能助但求入土爲
安耳鄉人有賂之者屏弗納遇有惑於禍福者以理折之人
皆感服年逾七旬出必徒步所著輯均見藝文

莫樹靖字在田

號雲壇

道光十四年歲貢秉清五世從孫也家

貧善事老母從陳蓮塘昇游兼得陰陽宅鏡之傳人競延之
善作孽窠書力追歐褚名重於時性疏散善恢諧嘉慶間與

修邑志

金仁榮字德元其師潘采瑞字鼎望善醫多奇效仁榮傳其

業專精幼科治痘證雖險能活均見前志長子雲苞字翔九次

子雲從字乘六孫嘉字孚吉順字炳良均能世其傳時稱金

氏兒科

張克振名承啟以字行其先鐵一八世孫敏中之後有瞻源

者傳其業於外舅夏東昇重光遂以醫行見前志至克振業

更精尤識時證雖殆皆起當暑秋疫甚時延治無停履性復

真摯年六十餘猶徒步臨診風雨無間診弗計酬貧病轉給

以藥時稱長者子鍾濤字文瀾孫麟祥字玉書皆能繼其業

治病日不給深夜露行食宿無定麟祥尤深脈理決病無訛

子弟繼起者多門人李仲芳鈕彙源皆傳克振業著於時

瞿應紹字陸春號子性耽古雅書畫宗南田草衣而用筆放逸不蹈襲為工晚年蘭竹尤為世所重由廩貢生以教諭候選卒年七十二咸豐間遭亂詩多散佚祇存月壺題畫詩一卷孫林亦工畫竹

王恒榮新橋人祖好施藥父善鍼恒榮嘗居天馬山遇異人授以鍼法治病無不效性耿介不受贈雖厚聘不往村畔有荷潭求治者艤舟常滿

蔣韞山二十一保人監生精醫著有醫學參醇友竹軒詩賦經義從孫人杰傳其業邑令姚輝第給有閭里沾春額

諸煥章字董林善女科兼精痘疹凡下苗治證用藥多奇效邑令溫綸湛旌之曰嬰姪春生邑令王宗濂旌之曰雲間橘井卒年八十五

朱丕承諸翟鎮人以字行精武技善傷科遠近師之凡受業者咸以爭鬪為戒視傷不受酬嘉慶間嘗奉府檄往南匯捕盜直探其穴擒其魁縛其黨歸不受賞會歲歉青界私約過糶丕承力持解之米遂流通

附載畧以藝事相類者為次

周鑑字以人康熙間人善二王楷法 唐衛尊字刻春監

生書宗顏魯公出入晉唐間尤精賞鑑家藏石刻甚富

唐格字遜修閔行人工八分書九十餘腕力猶雄健 陳

維城字樹宗閔行人學詩於沈德潛自號龍巖山人書尚

正鋒子秉均字鐵峰亦善行草 沈弈藻字翰宣號隨子諸

生書以雄健勝蘭竹師鄭所南 王鳳岡號竹塘鷺竇湖入

善擘窠大書兼長詩畫 周思恪字賓王諸生人品古樸

書法聖教序 張文沼字王在書法歐陽參王趙諸體著

有慎齋詩鈔 陸懋蓮字香遠工山水人物花鳥有元人

筆意子榮字桓又有漁家樂圖筆允工緻能詩 胡可權

字殿英志操清潔工蘭竹山水 方成美善畫動植物

張煥文字斐成諸生能詩書法蘇米畫宗黃鶴山樵其臨

墨井本尤佳 王紹廷工畫棧道 姚楷字正之工牡丹

及鍾馗像 顧曾獻字修期陸家人能詩善書兼精畫

莫秉清稱賞之 朱必鎰字兼百塘灣人居閔行鎮善人

物翎卉尤精界劃畫 曹雲字龍山趙文錦徒善畫有出

藍之譽 夏雲工水墨山水以大幅見長所著見藝文

沈煥字章明工徐黃沒骨法 董廷桂字西酉諸生善水

墨花卉 曹洪直字武仲能詩工寫生 殷光照字曙東

工山水花鳥 陳和字非同號不流工山水尤精蘭竹木石

珍於時所著見藝文從子琅諸生精醫理 曹樹亭號史亭

善畫工菖蒲壽石兼精鑿古玩硯年至八十二 潘其彬

號質 閔行人善琴有琴譜及詩集東江樂府姓譜略見焦

袁熹贈詩 盛彥棟浦東人好潔貌古精繆篆 吳志華

能鼓琴得古法兼精草書知名於時 程松字坦齋善繪

人物花鳥其寫意梅菊最珍於時 姜桂號墨圃居三十保

專工畫菜 葉嘉言字聖謨號蘭如工畫山水花鳥尤善寫

真能肖其神兼精鐵筆長於音律 潘興璠字魯珍工書

尤長於鐵筆所著見藝文 陸德三浦東人工雕刻甚精

嘗作貢物名傳於時 王也園字沛亭法華人工山水尤

善製造無不精巧 張宗陶字希三號愛淵邑諸生工書兼

善隸篆尤精於摹印嘗游京師為侯門上客書名重都下

康煥號雲巖善草書 徐振勳號鶴汀邑庠生工隸篆尤長

山水筆意蒼雅八宋元堂與子邦基字雲滄府庠生亦善

山水 張良源號荻汀世居漕河涇通許氏說文摹印無俗

筆 張坤仁號海臣邑庠生居野雞墩能書畫兼習醫著有

嘯雲窩詩 潘王格字鳴崗嘗割股愈親疾精醫與李揆

文齊名 陸敬銘字師尚工書善醫所著見藝文 山文

中為人誠樸專幼科遇危險證必先辭從無因循誤人年

七十雖風雨不乘輿曰我醫未必果起奈何先費人貲子

石峰補亭孫漢良繼之世其業 陳青傳精醫秉性孤介

尤工書法不減周緯蒼 張士璧字元一世業瘍科神於

鍼砭性誠篤卒年八十子大山號廬屏能詩書畫子甸封世

其業 曹世曜字日章業醫遇貧病即徒步往素不爭酬

人稱長者其徒王勝為輩傳其業 姚爾濬字浣思高行

人精幼科子文燦諸生世其業 徐王臣竹岡人不知書

不解湯液名而用藥輒效能決人生死 陸大木字用成

學醫於李揆文治傷寒有奇驗事母以孝聞兼能畫 周

堯載業內外科有里人從高墜陰破露腎堯載線縫其囊

敷藥遂愈所著見藝文 陸炳義字質夫監生精眼科

姚忠字廷儀業幼科以樸誠稱亦善鼓琴 顧西亭精辨

脈證嘗以藥餌施人 陶椿字松年世業醫年老益精

喬德新諸生醫有奇效廉潔不計酬 劉玉藻字景山監

生華涇人善治傷寒奇證遇貧者給以資 曹堦字襄仲

世業醫 張右陶棄儒習醫多奇效 王大泰字智遠法

華人精瘍科子丹榮號金爐傳其業有鄉人女腹大父母疑其私丹榮見之曰此腸癰也出鍼刺之下膿血而愈孫楚珩邑武生能繼其業 鄒大鎔號耕雲居法華附貢生性簡易手不釋卷尤精岐黃 張化麒號古珊居三十保精外科合藥不惜費臨診不較酬所著見藝文 陶南珍字瞻陸諸翟人世業醫好吟詠初為青庠諸生後歸籍上庠 張善六瘍醫兼善冶銀 沈泰二十九保武生兼精瘍醫傷科年至八十一子燦傳其業 王廷瑚字僅光號探微子足跡半天下有蘇松太山川考精地理子陞良繼其業 劉仁字浩瞻華涇人地理主三元說所著見藝文其術張光陽繼之 俞朝宗字惕淵烏泥涇人地理宗蔣大鴻决休咎多奇驗喜開河有地理論 朱安吉洋涇人善占易屢中

同治上海縣志卷二十三

游寓

夫名流所至山川為之生色所謂伊人於焉嘉客不得以杞梓皮革借材異地為譏也然或遐陬僻壤依附名賢以為重簞笠偶經輒被寓公之目識者陋之矣今取凡受塵茲土者都為一編以寄空谷白駒之慕餘則概不泛登懼濫也志游寓

宋

- | | |
|------------------------|-------------------------|
| 梅堯臣 | 李行中 <small>杜敏</small> |
| 李 邃 | 何中立 <small>從弟滄澄</small> |
| 王垂裕 <small>子大業</small> | 王 迪 |
| 吳惟信 | 吳 潛 |

陸夢發

陳允平

元

趙孟頫

兄孟僖

貢師泰

謝毅

馬禮

禮孫季子

瞿信

章齊

子庠

鄒時昌

楊瑀

王逢

張文名

黃承司

楊乘

子貞卓

葉杞

謝瑛

高克恭

沈維四

裔孫喆

華岳

鮑興

蔡訓

子景

明

孫作

王嘉會

車程

邵亨貞

子伯宣

宋克

陶振

成廷珪

馮淮

董中行

子宏度 五世孫 衍蕃 子和京

任良祐

孫元化

黃周星

王常

莫是龍

趙洞

汪日省

祖文明 父世 仁 子之楨

國朝

毛奇齡

樓儼

吳歷

張鍾岳

王垓

鮑歷

朱文永

申兆定

張孝泉

從兄巨川 子崇鈞

沈璜

張璋

高樞

顧清泰

趙儒縉

俞宗海

陳思魯 繼魯

何泗淵

吳日慎

弟希輓

計渤

沈希軾

弟希輓

張澹

吳中順

袁蔭槐 子嵩齡

郁鼎鍾

許耀

蔣敦復

楊經 坊緯

宋

梅堯臣字聖俞宛陵人工詩初廕主簿後賜進士出身累官

尚書都官員外郎學士梅詢聖俞叔也詢知蘇州聖俞因往

來青龍鎮著有青龍雜志

李行中字無悔雪川人隱居青龍鎮治園圃築一亭蘇文忠

顏之曰醉眠作三絕句贈之和者秦張輩十五人一時傳為

盛事嘗有詩招韓憲仲廷許云野徑荒亭草沒齋一眠聊以

詩未厭金龜李白酒難招知君醒夢時聞浦上潮水柱劉又

有意尋安道咫尺何時動畫樵後有杜敏字好古亦隱於此

李遂荊州人為浙西漕司丞既罷官遭亂避居竹岡遂家焉

昭祥伯春仲春皆其後也據府志補

何中立許州長社人登紹聖進士知許陳二州累官樞密院

直學士建炎初與從弟滄扈從高宗南渡卜居黃浦南之余

河潭愛青龍鎮風土遂家焉滄扈官朝奉大夫制置京西北

路幹辦公事上都尉賜紫金魚袋為人勁直有才氣清約不

淳時以廉吏稱之滄子深授省幹次子澄仕至左宣議郎簽判復營室於青龍江西市上據府志補青志作汴人

王垂裕宿遷人太學生高宗南渡隨至建康後卜居青龍鎮紹興間諫主和議削籍為民孝宗立復上書擢為錢塘教授

嗣為正言時湯思退復主和議垂裕劾其姦邪黜為縣丞有惠政民為立祠子大業慷慨尚義脩建文廟出粟賑饑大吏

特疏旌獎據府志參青志補王迪字八三汴人靖康進士正直自守通經學熟累朝典故官太常寺丞扈蹕南渡後至雲間鶴沙遂棲隱焉其後入邑

籍裔孫祐見列傳據府志補吳惟信字中孚湖州布衣寓白鶴村記聞該博詩以清逸見長有菊潭稿吳郡麋登能誦九經註疏一日見惟信所作詩

云白髮傷春又一年間將心事卜金錢梨花瘦盡東風軟商略平生到杜鵑槩下拜曰天才也

吳潛字毅夫宣州雷國人侍其父寓居下沙鹽場嘉定十年進士第一歷官至參知政事拜右丞相兼樞密使封許國公卒贈少師宋史有傳

陸夢發字太初歙縣人寶祐四年進士官太府寺丞德祐乙亥沒於邑中所著見藝文

陳允平字衡仲又字君衡號西麓鄞縣人才高學博一時名公卿皆為傾倒放情山水往來吳松寓青龍白鶴江間著有西麓詩稿石湖漁唱元初以人材徵至北都不受官放還世尤

高之據府志補元

趙孟頫字子昂孟頫兄孟備嘗參宋丞相文天祥幕府軍事

宋亡為黃冠後入釋皈依中峯和尚於郡城本一禪院

見滬城備考又五茸志逸云孟備為道士名道淵為僧名順以故孟頫往來南禪普照及柳上

崇福寺最數其所留手蹟世爭貴重之而寶雲碑為尤著邑

未分南匯以前新場報恩懺院掘地得鐵佛瞿霆發震發兄

弟乞中峯為銘而孟頫書方回文以紀其事相傳為鐵佛寺

碑院即永甯教寺也又嘗留止鶴沙鎮凡近鎮寺院碑記皆

其真蹟前赤壁賦石刻向在永甯寺明季郡守方岳貢移置

府之和衷堂元史有傳

貢師泰字泰甫宣城人至正十四年除吏部侍郎出為平江

路總管甫視事而張士誠兵至師泰率義兵出戰不敵懷印

走海濱隱居吳松江易姓名作幽懷賦以自見又嘗寓靜安

寺賦招提八詠其瀟瀟壘一章忠憤之氣猶可想見所著見

藝文元史有傳

謝毅字木仲西域人性周謹事上涖下非禮法不陳道中臺

丞王德謙書循理二大字褒之以南省使累遷長兵曹幕後

為農於海上王逢梧溪集有北邱耕隱歌贈幹山謝逸人者

即毅也又馬禮字文郁其孫季子靜州人元時避地竹岡王

逢與之遊詳見園林

瞿信字實夫崑山人自幼嗜學事親至孝平居未嘗談人過

惡兄智卒撫孤兒女數人皆教養成立至正間台寇作亂負

母避青龍江上築室曰閒野南臺御史李烈舉信孝廉不應

卒

章齊字叔敬江陰人少喪母鄉貢進士陸子方器其孝妻以

孫女遂居焉長善詩尤好琴至正十五年守臣構亂奉父隱松江亂定歸江陰踰年城復陷求父不得乃哀毀致疾七日書蓼莪詩四句而卒年三十七子庠以鄉里道梗葬上海之奧原王逢誌其墓

鄒時昌常州人毘陵失守後避地上海追慕先人祠墓不得歸省繪青山老隱圖以示首邱之志青山者毘陵門名也王逢作詩美之

楊瑀字元誠錢塘人警敏博學長身紫髯天曆間召見奎章閣命篆洪禧明仁二璽稱旨署廣成局副使擢典簿中瑞司與密謀草詔黜奸臣伯顏超授奉議大夫江南盜起改建德路總管謝政來松居鶴沙鎮後陞浙東宣慰使不赴遂於鶴沙老焉初瑀在官時上詢其鄉土對以西湖葛嶺之勝御書

山居二字賜之因自號山居所著見藝文卒歸葬葛嶺

王逢字原吉江陰人才氣俊爽學詩於延陵陳漢卿有令名嘗作河清頌臺臣薦之以疾辭會兵起避地無錫之梁鴻山後游松江築室青龍江上未幾遷居烏涇自號最閒園丁又稱席帽山人明洪武間以文學徵固辭乃止年七十卒鄱陽周伯琦謂為張志和陸龜蒙之亞初逢祖母徐嘗手植雙梧於故里之橫河逢因名所居為梧溪精舍著有梧溪集載宋元間人才國事多史家所未備云元史有傳子掖攝見列傳張文名字維顯江西貴溪人至正間由鄉貢任華亭縣丞佐令多行善政民愛之罷官後卜築浦東張勝橋自號懷松示戀戀於茲云

據府志南志補

黃承司閩人宋儒勉齋裔孫至正間為松江府提舉樂浦東

地遂於三團建煙霞閣居焉後人稱其地為黃家閣據南志補

楊乘字文載濱洲渤海人青浦志作山東濟南人初為天官小史辟中

書參議掾歷尹穀城介休二縣拜監察御史擢江浙行省員

外郎杭州陷乘坐黜寓居青龍鎮至正十六年張士誠陷平

江遣使造請乘知不免命子具禮享先祠畢設飲起行後圃

顧西日晴好慨然曰晚節如是是亦足矣夜就寢遂自縊死

遺書言死生如晝夜之理以得全晚節為快尋臺臣昭雪其

事祀鄉賢元史有傳子尚山東宣慰司都事卓清忠書院出

長案前志據元史云乘坐海寇掠漕糧免官寓青龍依章元澤以居丙申張士誠遣張經招乘乘整衣冠自經死後二年臺臣白其事贈諡廢其子而輟耕錄及梧溪集皆作杭州

葉杞字南有世居京口有別業在吳會因家焉杞讀書負才

進士李國鳳經略南土杞密陳時事十條李嘉納之授進義

副尉丹徒縣主簿將別任之而柄移藩鎮乃築草堂於魚鱗

涇上顏曰漪南貢師泰為序楊維楨魯淵為歌王逢作楚音

二章以落之遂老焉案魚鱗涇即語兒涇

謝瑛天台人宋理宗謝后祖魯王深甫七世孫也以茂才薦

安仁縣教諭不就隱居海上王逢題其家誥有喬木家山烽

燹外五花官誥喪亡餘之句

高克恭字彥敬號房山其先西域人占籍大同官刑部尚書元

末避兵來海上子孫世居焉克恭善畫初宗二米後用李成

董巨源法趙孟頫極推重之董其昌之曾祖母其雲孫女也

沈維四字公常吳興世族與萬二萬三為從兄弟二人富於

貲維四富於才初為脫脫丞相行軍參謀脫脫遭讒死維四

遁歸故里及張士誠據三吳遂率族人散處海濱其後萬二萬三等均遭籍沒維四獨晏然無事人服其先見裔孫喆字

迪脩增貢生有文行據府志南志補

華岳字太行世居無錫元季避兵至松江於都臺浦卜居焉

岳丰姿英爽遇事詳審一鄉以為儀表嘗建杜浦亭卒葬亭

東顧或為誌其墓據南志補

鮑興字熊飛鄒平人至正間避亂吳松母卒守墓三年哀毀

骨立服闋置大樓船一具載父浮游江湖以娛其志楊維禎

為作孝子志據府志補

蔡訓字君立江陰人元季避兵至松江隱漢成里為人有機

智故遇亂而不及於難與孫作出處相依築東郊草堂以耕

讀老人稱東郊先生孫作為之記子景能詩前志作邑人列隱逸今從府志

青志訂正移此

明

孫作字大雅一字次知江陰人元末兵起挈家入吳惟載藏

書兩簾張士誠聞而廩給之卒謝去客吳松江上久之眾為

買田築室居焉洪武六年召脩日厯授翰林編修官出為太

平府教授三年除國子監助教分教中都逾年還成均又明

年陞國子司業後終於漢成里著有滄螺集及東家子十二

篇詞旨宏博學士宋濂為作東家子傳弟子稱清尚先生

王嘉會字原禮嘉興人博洽負俊聲累舉不第客松江與孫

作友善人稱海濱二老邑令康伯愚見其詩詞敬禮之引為

上賓時就咨訪曰非此不能飭吏治非公不能洗發我心也

後舉明經歷國子監右司業乞歸未行卒上嗟悼命所在官

司祭之

車程天台人客寓邑中經明行脩工古詩文

邵亨貞字復儒宋進士桂子之孫原籍瀘安有別業在華亭

因家焉亨貞博通經史贍於文詞工六書兼精醫卜佛老之

學與陶九成爲莫逆交自號見獨居士元末僑居邑西洪武

初爲府學訓導卒年九十三著有蛾術集子伯宣有學菴詩

集前志云一作家小蒸名貞亨

宋克字仲溫長洲南宮里人性伉直以氣節自勵學章草盡得

古法遂名於時嘗游松江來寓邑中陳文東壁從受筆法吳

僧善啟謂宋筆正鋒陳多偏鋒以是不及云洪武中同知鳳

翔府卒於官

陶振字子昌號癯吳江人青志作嘉興陶莊人父某依金澤林青居振

出其家塾後學於楊維禎通詩書春秋三經洪武間舉明經

授吳江訓導坐事逮至京進紫金山金水河飛龍在天三賦

稱旨得釋改安化教諭旋歸隱九峯間自號釣鼈生及成祖

師起北平振作哀吳王濞歌以斥之尋死焉所著見藝文志

引朱彝尊釣鼈集跋云吳江陶振任本縣訓導改安化教諭歸隱九峯間長陵師起作哀吳王濞歌感慨悲壯意當日定

焚棄惟是歌存集中而人未表其微者其後傳聞死於虎故王達善挽詩有云昔爲海上釣鼈客今作山中飲虎人飲

之爲言食也以食食人也九峯無虎將毋靖難之後有飲之乎者

成廷珪揚州人避地至邑嘗闢萬竹樓於吳會居焉卒後遂

葬其間廷珪淹貫百氏好歌詩尤長於律世稱成八句所著

見藝文

馮淮字會東一字雪竹初居崑山安亭鎮好吟詠往來松江

上海縣志

卷二十二

九

陸文裕深見其詩請為社會深子楫以江上別業贈淮父子遂力耕其間後日本寇海上走八城潘錄事復分宅以居之所著見藝文子遷遂入籍為邑人見列傳

董中行

號念龍

蘇州人移居華亭邑人陸完龍妻以女遂家焉

由天啟二年進士授工部主事後遷營繕郎抑絕虛估眾嫌之遂拂衣歸亡何周順昌被逮以五人事人人自危無敢送者中行獨慷慨登舟捐貲助別已而補都水再遷郎中時宦官張彝憲總督河工兩部尚書虛正位以待之中行挺身出曰此堂祖宗所立尚書所坐若安得踞此遂撤其座彝憲慚沮踰年出為浙江臬副會通州牘壞彝憲以前憾移罪中行久乃得釋卒葬吳縣季子宏度字君節蘇州府庠生博學有文名兼通醫理後八國朝仍居邑中進士王鎬詩人蔡湘

皆出其門邑令史彩聘修邑志所著見藝文其孫曾輩通籍者甚眾不在本邑惟五世孫衍蕃猶居北橋鎮工詩善醫年八十餘猶手不釋卷

任良祐

號磐石

歙縣人萬曆二十三年助修本邑學宮見邑人

徐汝翼修學記

孫元化字初陽嘉定人寄居本邑萬曆四十年順天舉人薦授兵部司務轉職方司主事忤璫閑任崇禎初起廢歷山東參議甯前道防邊敘功陞都察院僉都御史巡撫登萊後於遼陽抗大兵殉節子和京嘉定諸生娶邑人高無英女同

日殉難高氏見列女傳

案寶山志云元化住八都其為寶山人較確但係萬曆時舉人其時寶山

尚未分縣當從明史及通志太倉州志作嘉定人惟前志辨證云二十二保有宅現存是嘉定人而實居本邑者今列於此

黃周星字九煙湖廣人博學能詩崇禎十三年進士授南京主事後棄官周游江浙間周星為邑人張太常元始鄉榜所得士甲申後常客新場寓太常家太常以其季女字其孫潮後周星於國朝康熙庚申端午日投南溇河死據府志參王常字懶軒江右人中書羅龍文子也避地至海上五十年改姓為王詩字俱佳兼能自鑄尊彝之屬大有古意人爭重之

莫是龍字雲卿以字行更字廷韓號秋華亭方伯如忠子也生有異資十歲能屬文十四補諸生工古文詞意氣豪逸書畫亦凌轍古今一時名流無敢抗席學使者高其名行不次貢於庭雲間人物志云公少入庠食餼萬歷癸酉青浦拔貢今考莫氏家譜作恩貢時宰初建縣遂由青浦拔貢欲以翰院處之是龍不屑也王世貞汪道昆輩咸推重之張

佳允巡撫江南彌加欽禮居恒喜延獎後進常若不及有文集行世據府志

趙洞字希遠華亭人諸生博學能文董其昌王時敏皆折節下之福王時楊文驄作書招洞洞曰國事危如累卵而君相猶姑為樂此亡徵也覆書謝之晚年以書畫自娛絕意進取移居於邑西之梅花源與沈求為友遂終老焉所著見藝文

汪日省字思欽號景休甯石田村人隨其祖文明父世仁寓居諸翟鎮間居吟詠教子甚嚴薦舉鄉飲賓不就歸卒故里子之楨以徽籍中崇禎三年舉人會鼎革常居青龍江入國朝授萬年縣知縣有惠政據紫隄村志補

案前志流寓不載楊維楨修例謂明史明著其至上海何反略之查明史稿維楨山陰人嘗築元圃蓬臺於松江之

上海內薦紳大夫與東南才俊之士造門納履無虛日
並不言其至上海豈以兩句連讀故誤會耶今仍不載

國朝

毛奇齡字大可蕭山諸生初名甡明亡因故出走會其友任

辰旦為邑令來寓署中康熙十八年舉博學鴻詞授檢討其

寓邑時與諸名流酬答俱載西河集中

樓儼字敬思號西浦餘姚人監生游寓邑中嗜書善詩尤工長

短句絕似姜堯章

聖祖仁皇帝南巡獻詩稱旨逾年以學士孫致彌薦纂修詞

譜八 武英殿修書並注唐詩授廣西靈川知縣復以軍功

遷廣州理彘同知歷廣東監司按察江右還補京卿持憲二

十餘年書籍外無長物致仕後仍居邑中所著見藝文案府志

薦表載樓儼名作諸生餘姚籍上海人而前志表

中不載惟列傳於流寓當時必有所據故從之

吳歷字漁山自號墨井道人常熟吳文恪訥裔孫工詩畫嘗

學山水於王太常時敏歷觀宋元明名人真蹟得其神髓鑒

賞家謂黃子久倪元鎮董文敏諸家墨井可以兼之屐游數

萬里歸懋海上

張鍾岳宜興舉人康熙五十四年應禮部試時新例九卿科

道會同考試鍾岳列優等授縣學教諭涖任後端方式士諸

生以詩文就正無間遠近丁艱解任僑居邑城杜門卻掃惟

高足馬文標等以文藝相質

王垓字孝先號梅齋郡人由諸生例貢選授山東郟城縣丞三

署縣篆旋罷歸買宅諸翟遂家焉母近百齡垓年亦六十每

當炎暑奉母竹陰中自彈詞曲以娛親嘗言自幼至老心口

如一僑居數載仍歸郡城西門外年九十而終據紫提村志補

鮑愿字思遠崑山人諸生少孤訓徒養母好古力學長於書

法兼工詩古文詞其春感一律尤為時所傳誦詩云湖上青

光多向客中沈平原煙草愁遠故國鶯花入夢深萬里風

塵漸一劍十年心事付孤琴試看燕子歸來後雨雨風風直

到晚年遇顧榮遂留心理學與王鑄善斥良知之說海上之

士宗之按鮑愿前志稱李家盤人列文苑傳按愿係崑山諸

志誤作邑人且曾與其妹婿曹子儀住八團故南志亦

朱文永字景歐附貢生山陰人八邑籍孝友敦篤多所推解

而撫表姪張位中兄弟尤摯後位中成進士宰蜀以忠節著

世稱知人前志入獨陽曲人乾隆二十七年舉人歷任知縣

申兆定字圖南號鐵有賢聲少日清羸多病中年學道工分書尤詳審古碑碣文

字先是乾隆十五年隨父夢璽之松太道任肄業於申江書

院垂八年時德清談起行主講席與陸錫熊孫宗炎輩同硯

席俱稱高足云

張孝泉字述思號蒙婁縣人乾隆六年進士出守廣東南雄

府歸主敬業書院講席因來邑城購徐氏尊訓樓家焉子崇

鈞字渥沾監生通詩古文辭其從兄巨川者華亭庠生字長

卿弼裔孫也為贅婿於李氏居邑中性孤潔詩宗元白游閩

四十餘年歸卒年七十所著見藝文

沈璜字淮音長洲人學務淹博乾隆三十年舉人以病廢依

其婿寓邑中孤介嗜酒不喜與人酬答卒年六十八著有白

腹稿二卷

張璋號澗南又河南人為蘇松散官奉檄權關稅來邑中善

書其行楷多雜篆隸法時寫意作花鳥竹石有青藤白楊風

味

高樞

號慎齋

濟南武生少儻喜佳山水過輒流連足跡幾遍

天下善導引術尤精占驗嘉慶己未至邑館於喬氏白雲居

垂十載每日焚香默坐嘗栽菖蒲百盆以自娛卒年七十一

顧清泰字函三寶山人乾隆乙卯副貢嘉慶初昭忠館議敘

選授安徽甯國縣教諭署上海縣學事孜孜以培養人才為

急將代巡道龔麗正惜其去留監敬業書院性孝友兩弟歿

撫其遺男女皆成立在昭忠館朱相國珪倚以為重工漢隸

成親王延課王子書法著有禹貢訂注漁經家塾緒言及淞

雲草堂吟稿八卷揚州江藩序以為嗣響梅村棉花十二詠

尤傳誦於時

趙儒縉字鳳亭長洲人寓邑中祖傳醫術二十七世治目疾

最長

前志與下俞宗海皆入藝術今移此

俞宗海徽州人寓邑中能愈奇疾兼精數學有神驗有餘資

給貧乏弗吝終身不娶不茹葷卒年八十餘又有陳思魯者

山東人嘗寓洋涇市亦精六壬數占有奇驗子繼魯傳其業

何泗淵字向儕號默齋廬江人諸生經明學贍工古文詩詞初

授徒於法華鎮後遷居於三涇之碧溪書屋時與王巖煥喬

龍王智古智純李陽錢學易及門陸思誠等倡和其投贈之

作輯為嚶鳴集

前志文苑類傳今據法華鎮志移此

吳曰慎字徽仲號敬庵歙縣人少時讀書即以身體力行為務

關佛老闡正學錫山高彙旃欽其品延主其家後游諸翟鎮

館於汪氏村人競從之生平著述甚多周易指掌孝經刊誤

注釋并古文集皆寓時所撰也晚歸里年八十卒祀錫山道

南祠據紫隄村志補

計渤字介周號芥舟周浦人幼孤貧習賈偶於市中得梅村殘

集酷摹之後贅邑城課徒自給與賈振元凌承樞相唱酬遭

壬寅亂撫時感事多激楚之音有孱守居稿王慶勳為采入

可作集稱其愈老愈窮而詩愈工為得其實云

沈希軾字二瞻弟希轍字少由寶山高橋鎮人隨父家邑城

兄弟相師希轍中嘉慶戊寅舉人考授國子監學正學錄以

光祿寺署正陞用不應選在滬襄辦修城濬河諸要工為當

事倚重而希軾性恬退不慕榮利以諸生試棘闈得風痺證

素工書至是左手握管書益適勁所著見藝文

張澹字春水吳江人質居滬城賣文為活佐之以畫與醫詩

才敏捷而原本性靈性極肫懇與周浦計渤初不相識偶見

所作寄贈云憐才陡發遺珠嘆竟有傾城在苧蘿其傾倒若

此歿後遭亂詩文散佚所存風雨茅堂稿王慶勳梓之其自

刊雙聲合刻乃與其室陸惠同著者

吳中順字勉齋太倉鎮洋人道光辛巳恩科舉人詩文均

有法度嘗館邑中李氏執文社牛耳兼精天文算學與邑布衣

任某製渾天儀測景敏妙無匹以乙未大挑官直隸大城武清

等縣陞薊州知州

袁蔭槐號午亭嘉善人恩貢生在滬貿遷與鮫人蟹客為伍而

伉爽出羣坐卧一樓客至談文終日不倦世居趙田村倡文

會至者如雲長子嵩齡道光甲辰進士八詞林

郁鼎鐘字彝齋嘉善人道光丙戌進士任江西泰和縣著有

心香閣文稿所選時藝風行海內館邑中遠近生徒以文就

正悉心點勘力矯庸庸造就多知名士

許耀字丙生號淞婁縣人居邑城文名噪於時游其門者多

獲上選以歲貢中道光己亥舉人咸豐五年官靖江教諭十

年粵賊竄江北逼近靖江耀偕邑令辦團練事平加內閣中

書銜同治五年秋以辦歲科試事歿於常州館舍宦囊如洗

子若孫幾不能自存所著詩文俱以兵燹燬僅存古今體詩

數百首

蔣敦復寶山人初名金和字純父後更今名字克父一字劍

人年五十後自號江東老劍幼聰穎九歲畢十三經家無立

錐地恒客游十六歲之維揚有朝貴至某相國第觴之平山

堂大會賓客敦復不通謁攝敝衣冠直入短小精悍出語驚

其座人已而洋釁啟上書總督陳十事會有某令欲以危法

中傷之懂而逃於方外總督及令去始返初服補博士弟子

員蓄妻子省試久不售乃發憤著書庚申寇擾邑令劉郁膏

禮待之令取舊志參校成書六卷敦復於吳門覓得嘉靖間

鄭志一冊為歷修時未見之書得所援据丙寅修志遂延敦

復與其事未幾病歿所著述甚眾巡道應寶時為梓其獻古

堂集八卷

楊坊字啟堂浙之鄞縣人多術智賈上海西人通市交易不

數年明習各國事咸豐三年劉麗川據滬城蘇撫吉爾杭阿

督勦檄坊使說西人於城東北築土城斷賊接濟城遂復敘

勞山同知得道員十年粵賊犯滬坊又奉檄募西勇助勦名

曰常勝軍屢有功同治元年簡放常鎮通海道尋丁憂未

赴論者謂聯絡西人借兵助順坊有勞焉性好施輔元育嬰

上海縣志 卷二十三 七

兩堂皆有資助又於虹口創四明公所及義園周恤甬人之
避兵來滬者

經緯字芳洲浙江上虞人幼孤寒在滬習業起家初艱於嗣
孳孳爲善於邑同仁堂後倡爲輔元堂補同仁所未及兼司
育嬰堂癸丑之亂各堂董星散緯不忍聽乳婦諸嬰之陷誓
與堂存復竭力措米薪凡十有八月而城復委辦善後與邑
紳士悉心籌畫纖悉鉤稽時各堂缺費適婁金兩邑兵擾荒
蕪力籌鉅捐買田後岡建倉收租作三堂公產以垂久遠其
爲本籍置公所義冢如之後以浙甯海塘工上游委辦積勞
卒得 旨優贈

